

*LEZA KALISISA MWINI MU
BUUBAUBA, MPAWO
KALIYUBUNUNA MWINI
MULI MBUBONYA*

 Nda lumba, Mukwesu Neville. I Mwami aku longezye. Mwabuka kabotu, beenzuma. Nda langanya eci kuba cimwi ca ziyandisi zya buumi bwangu, kuba mu cikombelo alubo cifumo cino, kubona buyakwe bwaco buboto, ancililano zya bana ba Leza bakkede mu ng'anda Yakwe sunu.

² Nda kagambwa loko jilo cindi Ne kasika okuno akubona buboneki bwa buyake. Taakwe ni Nda kalotede kuti inga buyooba mu nzila eyi. Cindi Ne ka bona bulembو bwabupange, kuti cindi niba kadulowa bulembو bwabupange, Nda kabona buyo kaanda kambi kaniini kabambilwe ku lubazu, pele lino Nda bujana kuba ii—ii busena buboto. Elyo tuli lumbide kuli Singuzuzyonse nkambo ka busena obu buboto. Elyo tuli . . .

³ Nda muletela, cifumo cino, injuzyo kuzwa ku mukaintu wangu a bana bangu, abo bayandisisya kuba kokuno ku ciindi eci ca kuswaangana oku kwakutuula, a mvwiki eyi yakulisalazya kuli Kristo. Pele bana bali mu cikolo, nkabela nciyumu kuzwa. Elyo batandila kuyabaazya kulimvwa kwabo kwa kuyeeya ku muunzi, pele tatu kayabaazyi kulimvwa kuyeeya ndinywe no bantu. Tamu yabaazyi kuli ceeco. Kuli boobu kuba a beenzuma. Elyo Nda—Nda balumba beenzuma, koonse, pele kuli cintucimwi kujatikizya beenzuma bakaindi. Takukwe makani oko kupanga balongwe bapya, tacicili cakaindi.

⁴ Takukwe makani oko nko Ndi konzya kutuntulikila, aka kasena lyoonse kayooba kasetekene. Nkambo, kutandila myaka ili makumi otatwe yakainda, mu tako lya ciziba ca ntima, Nda kasalazya eci cibeebla canyika kuli Jesu Kristo cindi nibwatakali cintu pele ii—ii tako lya ntima. Obu boonse bwakali ciziba. Ako nkekaambo kagwagwa ncokatali mu ma—. . . ku bweende bululeme okuya, i—i mugwagwa wa kacita kuzunguluka, ku kuzwa mu ciziba eco cakali waano. Elyo omuno, kwakali kunga kuli mpana, mpana zyamu ciziba zyakamena.

⁵ Elyo i—i mpana ndi lubaluba ligambya loko. Nekubakuti lyaka zyalilwa mu ntima, yeelede kulisyani kizya mu nzila

yayo kwiinda mu ntimba, elyo mpawo kwiinda mu meenda a mankandy, kuli sisya atala ini, kutondezya bubotu bwayo.

⁶ Elyo Ndi—Ndi yeeya kuti, cifumo cino, oko nkukoонse kwa kacitika okuno. Kuti, kuzwa ciindi eco, mpana niini yamu ciziba yali kilitonta ini; nkabela niyakasika atala lya meenda, yaka tandabika mababa ayo, tubeela twadelema oto tuniini twa katandabala, elyo akatondezya Mpana yaku Kkuti. Akube kuti bukaime kwa ciindi cilamfu! Akube kuti ibe ng'anda ituulidwe kuli Leza mubuzule!

⁷ I cikombelo ku cigama caka tuulwa mu 1933. Pele mukuyeyea, cifumo cino, inga caba ii—ii cintu cibotu loko kwa buyo ii—ii kuswaangana kusyoonto kwa kutuula alubo, alimwi kapati ku bantu abo bajisi, aluyandisyo lwabo akulipeda kuli Kristo, kwabamba ceece coonse kukonzeka. Elyo Ndi yanda kulumba umwi aumwi wantu nkambo ka milumbo yanu, azimwi zimbi, ezyo nzo mwabikka ku kutuula mbungano eyi kuli Kristo.

⁸ Elyo Ndili mukulumba kupati, aku lumba mbunga, ku kanana majwi aya mu kwiiminina kwa bakwesu besu babotu okuno iba mbungano, abo batuula milimo yabo kuli obu. Mukwesu Banks Wood, mukwesu wesu ulemekwa; Mukwesu Roy Roberson, mukwesu wesu ulemekwa; banji bambi abo, kakutakwe kulyanda alimwi camoyo omwe, kwakatola myeezi mukuyaka busena obu munzila mbo bwakabede, kakkala okuno kubona kuti bwa kayakwa kabotu.

⁹ Elyo cindi Ne kanjila, ku bona cikambaukilo eci, musyobo oyo lyoonse Ngwe kali kusukamina, buumi bwangu boonse! Ndili... Mukwesu Wood wakalizi eco Nce kali kuyandisya. Ta kaamba kuti uyo buyaka, pele wa ka buyaka.

¹⁰ Elyo Nda kabona buyake a kuyakwa mbo kubede, bwalo buyo, oh, mbubotu kapati. Elyo lino kunyina majwi akutondezya kulimvwa kwangu. Kunyina buyo nzila yaku kucita, mwabona. Elyo, pele, Leza ulamvwisa. Elyo akube kuti nywebo aumwi alumbulwe ku kusanga kwanu azyonse nzomwa cita ku kubamba busena obu obo mbobubede, mu nzila ya buyake, ng'anda ya Mwami. Elyo lino Ndi—Ndi yanda kwaamba majwi aya. Lino, buyake, mbuli kubota mbuli mbobuli bubotu obu, mukati aanze...

¹¹ Mulumwe wangu, Junior Weber, waka jisi buyake bwamatina aamabwe akabezwa. Nse boni obo mbocakali kukonzeka kuba cintu cibotu kwiinda mbo cibede, incito ilondokede.

¹² Mukwesu umbi oyo uliko, Nse namu swaana mwaalumi, wa kabikka bubambe bwa kumvwida. Pele kubona akwalo mu buyake buselebete boobu, Ndi konzya buyo... Kunyina kujokoloka kuli zyakumvwida. Zili mu masiling'i awa, nzila zyaandeene. Takukwe makani awo Mpe imikila, ncimwi buyo, mwabona. Elyo kaanda akamwi kali—kali yakidwe, omo masipika mwaabede, nkabela ulakonzya kucibamba munzila

iliyoonse njo yanda kumvwida. Cili, Nda syoma lyakali janza lya Leza Singuzuzyonse wakacita zintu ezi. Lino ikuti na . . .

¹³ Mwami wesi wa katupa buyake kutegwa tu Mu kombele mumo, kububotu kwiinda, myaka ili makumi otatwe yoonse. Twa katalisya cibuye ca daka, makwa amapulanga, aku kkala awa munsi lya zitofu zyakaindi zya mabwe amalasha. Elyo muyasi, Mukwesu Wood, umwi wabo, a Mukwesu Roberson, wakali kundaambila ceeco awo lusakatizyo lwa bulongo mpo lwakabede, a zitofu ezyo zyakaindi mpozya kali kukkalila mu masomo ayo akali kwiingene, akavutuka mulilo akuleka kupya, ambweni tukokola tobilo na totatwe. Kaambo nco bwa takapya kulota, Leza alikke nguwa kabukwabilila. Elyo mpawo nikwa kamana kupya, akoonse kulema kwa cikombelo kakuledede awo, kaambo ncica takawida mukati, ndi janza lilikke lya Leza. Lino cikwabilidwe alubulo luyumu akukkala ansi, iyakidwe kabotu akutoma.

¹⁴ Lino Ndi yeeya kuti mbulizi bwesu kubambulula mukati, kwiinda ku luzyalo lwa Leza, kuba balumbide loko kuli Leza kuti wesu . . . Obu tabukabi biyo buyake bubotu oko nkotuyo boola, pele akube kuti aumwiunjila kabona bube bubotu bwa Jesu Kristo mu muntu oonse oyounjila. Abube busena bwakasalazigwa ku Mwami wesu, bantu bakasalazigwa. Nkambo, takukwe makani obo buyakwe mbobubede, obo mbo tulumba ncobeni, bubotu bwa mbungano ncimo ca bantu. Ndisyoma kuti inoli ng'anda ya Leza lyoonse, ya bubotu.

¹⁵ Lino, mu muswaangano wakutuulwa kwa ciswi cantalisyo citaanzi nica kabikkwa, cilengaano cipati cakaboola. Elyo cili lembedwe mu ciswi cantalisyo, cifumo ni Nda kacituula.

¹⁶ Elyo ambweni ni mwagambwa, maminiti masyoonto aindaa, kaambo Nce tola ciindi cilamfu kuyutuka. Bulizi bwangu butaanzi, mbuli Mbwe boola mu cikombelo cipy, Nda kakwatanya mwaalumi mukubusyi a mwanakazi mukubusyi kabaimvwi mu ofesi. Akube kuti cibe ciiminizyo, kutegwa Ndi kabe mukutausi uusyomeka kuli Kristo, ku citya Nabwiinga kulibambilila ku kusekelela kwa Buzuba obo.

¹⁷ Elyo lino atu cite mbuli mbo twa kacita kumatalikilo. Cindi nitwa katalika kutuula kutaanzi kwa cikombelo, Nda kali buyo mwaalumi muniini alimwi, ma, ambweni wa makumi obilo aomwe, myaka ili makumi obilo ayobilo yakukomena cindi nitwa kabikka ciswi cantalisyo. Ca kali ciindi Nke tana kukwata akwalo. Elyo lyoonse Nda kali kuyandisya kubona kuti busena buli mu mabambe ali kabotu, muli Leza bwa . . . ibwa Leza kukombela, mwabona, a bantu Bakwe. Elyo tukonzya biyo kucita boobo, kutali kwiinda ku buyake bubotu, pele nkwiinda ku buumi bwakasalazigwa nje nzila biyo njo tukonzya kucicita.

¹⁸ Elyo lino, katutana tuula, mupailo wakutuula, bala Magwalo amwi,aku tuula mbungano kwijosya kuli Leza. Elyo mpawo

Ndi jisi imwi . . . Ndi jisi Mulumbe wabuvangeli, cifumo cino, ku kuyaka Mulumbe wangu oyo uboola.

¹⁹ Elyo, sunumasiku, Ndi yanda kubweza cipati 5 ca Ciybunuzyo, eco cisangana mukati, kuzwaku i—kuzwaku makkalo aa mbungano ali ciloba, kusikila ku Zinamatizyo zili Ciloba. Cakuti Ndi . . . Mpawo tuyoooba . . .

²⁰ Masiku mu muvulo kuyooba sikutanta mbizi iituba. Masiku bwabili . . . Isikutanta mbizi iisiya, akuya buya ansi, basikutanta mbizi bone. Elyo mpawo Cinamatizyo ca Cisambomwe mukuba cijulidwe.

²¹ Elyo mpawo Munsondo cifumo, cifumo Munsondo mutobela, ikuti na Mwami wayanda . . . Tuyo bona sansina, ku caambiliza sansina. Ambweni, cifumo Munsondo mutobela, kuba amuswaangano wamipailo wa balwazi mu buyake.

²² Elyo mpawo Munsondo masiku, kujala a . . . Akube kuti Mwami atu gwasye kujula Cinamatizyo Caciloba, awo ali kampango kafwaafwi buyo. Elyo Ka amba boobu, "Kwa kali kuumuna ku Julu kwa cisela ca oora," ku kuumuna oko.

²³ Lino, Ta ndizi ezi Zinamatizyo nco zyaamba. Ndili buyo mbubonya kumamanino aa kuyeyya kwangu kubotu, kuli nzizyo, antela mbuli bamwi banu mbobabede cifumo cino. Tu jisi mizeeo yabupaizi eyo yaka zibisigwa kwiinda ku bantu, pele oko taku ka Ci gumi. Elyo ikuti na muyo bona, Ce elede kuboola ku bunanike. Kwe elede kuba Leza, Lwakwe, Ngo Nguwe biyo ukonzya ku cicita, Kabelele.

Elyo sunumasiku ndi Bbuku elyo lya Lununuko.

²⁴ Lino, muli ceecei, kaambo Nce taambilizyi miswaangano yamipailo ya balwazi, na zimwi zimbi, nkaambo kakuti Ndi . . . Ndi kkala a beenzuma bamwi, elyo Ndipa miniti lyoonse lya ciindi cangu kulingula amupailo. Elyo nywebo mulizi cilengaano nce kajisi Nke tana kuzwa a kuunka kumbo, ca baabo Baangelo bali ciloba bakaboola kabauluka. Aboobo, muyo mvwisya aniini sansina.

²⁵ Aboobo lino, lino, mu buyake, Ndi yeeya kuti twe elede kuba, muli ceecei, ikuti na yatuulwa, na kuyo tuulwa mu maminiti masyoonto, ku kukomba Leza, twe elede kwiibamba munzila eyo. Ta twe elede kuula na kusambala mu buyake. Ta twe elede kucita makwebo ali oonse omu mu auditoriamu okuno. Ta kweelede ku citwa omuno, oko nku, mbuli kuzumizya bakutausi kunjila akusambala mabbuku a zintuzyonse. Takukwe makani na ncinzi mbo cibede, kuli masena ambi aakucitila ceeeo. Nkambo, ta—tatweelede kuula a kusambala mu ng'anda ya Mwami wesu. Bwe elede kuba busena bwa—bwa kukombela; busalala, bwakasalazigwa ku bukanze obo. Mwabona? Lino, Wa tupa busena bubotu. Atu butuule kuli Nguwe, a kulituula tobeni, a mbubo, kuli Nguwe.

²⁶ Elyo lino eci inga calibonya kubaanga cilanyemya aniini, pele, tabuli busena bwa kuswayila. Mbusena bwa kukombela. Ta twe elede nokuba kung'ung'una jwi mukati omuno, kunze lya kukomba, kuli umwi aumbi, citakuti cilayandika ncobeni. Mwabona? Ta twe elede kuzundana zundana koonse. Ta twe elede kuzuzaana mu buyake, nanka kulekela bana besu kuzuzaana mu buyake. Elyo aboobo kucita boobu, kulimvwa kutali kwa ciindi cilamfu cainda, kuti kucita boobu, twa kabuyaka kutegwa tukonzye kumamela coonse caco. Lino, tu jisi kubambwa oku awa. Mubwini, bunji bwa bantu mbeenzu. I bantu ba cikombelo balizi eci, kuti buyake buyanda kutuulwa ku mulimo wa Singuzuzyonse. Nkikaako, kulituula tobeni, atu yeeye, cindi twa njila mu busena busalalisya obo, kkalikila, kuli umwi aumbi, a kukomba Leza.

²⁷ Ikuti na tuyanda kuswayana umwi aumwi, kuli masena nge tukonzya kuswayana umwi aumwi mbuli booboo. Pele, kutali, kweendeenda koonse, awo mpo takonzyi kulimvwa kabotu mu kuyeeya, elyo muntu umwi wanjila nkabela tabazi buyo eco cakucita, mwabona, kulasabila maningi azintu. Nca buntunsi buyo, elyo Ndaka cibona mu mambungano kusikila caka ndibamba kulimvwa bubi loko. Nkaambo, ta tubooli mu busena bwa Mwami busalalisya kuzoswaanana umwi aumwi. Tu boola okuno kuzo komba Leza, mpawo kuya ku miinzi yesu. Obu busena busalalisya bwakatuulilwa kukombela. Cindi... Amwiime anze, akwaambaula kufumbwacintu nco muyanda kwaamba, kufumbwa kuti ka ciluleme akusalala. Amuunke ku miinzi ya umwi aumwi. Amuswayane umwi aumwi mu masena. Pele cindi mwanjila mulyango oyo, amuumune.

²⁸ Muboola okuno kuzoambaula a Nguwe, mwabona, aku Mu lekela kwaambaula ku muvwiila. I penzi lya ncico ndya kuti, twa ambaula maningi, a akuta swiilila loko. Mpawo, cindi twa njila omuno, amu Mu lindile.

²⁹ Lino, mu cikombelo cakale, inga kakutakwe muntu naba omwe uliko cifumo cino oyo wakaliko ku buzuba obo bwa kutuulwa, cindi Major Ulrich nakali kulizya lwiimbo. Elyo Nda kaima kunze lya ziingano zyotatwe okuno, ku kutuula busena. Nse kazumizya naba muntu...I bamaasha bakaima kumulyango, kubona kuti taakwe muntu wakali kwaambaula. Cindi, mwamana kwaambaula kwanu anze. Amu njile. Ikuti na mulayanda, cabuumuzi, wa kaboola ku cipaililo akukomba cabuumuzi. Wa keenda kujokela ku cuuno cako, kajula Bbaibbele lyako. Eco simukobonyoko nca kali kucita, eco cakali kuli nguwe. To kajisi cintu cakwaamba. Ikuti na wakali kuyanda kwaambaula kuli nguwe, kwaamba, "Njo mubona anze. Ndili omuno kukomba Mwami." Wa bala Ijwi Lyakwe, nape kukkanla cabuumuzi.

³⁰ Elyo, mpawo, lwiimbo. Mucizi Gertie, Ta ndizi na nkwalii cifumo cino, na pe, Mucizi Gibbs. I piyaano yakaindi, Nda

syoma, kakkede kusule mu kkona eli, ku kwiibaluka kwangu nkwekonzya. Elyo waa kali kunga walizya cabubotu botu, "Kunselelo lya ciingano oko Mufutuli wangu nkwa kafwida," lwiimbo lubotu, lubateme loko, elyo—elyo, mpawo, kusikila casika ku ciindi cakuswaangana. Elyo musololi wanyimbo wakaimikila akusololela mu nyimbo zisyoonto zya mbunga. Elyo mpawo ikuti na baka jisi nyimbo ya mugame nsalensale, baka lwiimba. Pele, kutali buyo nkamu yakulilemeka bumwi. Elyo mpawo lwiimbo lwa kazumanana kulizigwa. Elyo mpawo cindi ni Nda kamvwa booboo, Nda kaziba kuti cakali ciindi cangu cakuyutuka.

³¹ Cindi mukautausi aenda mu mbunga ya bantu kakomba, abunanike bwa Muuya, muli sinikizidwe kumvwa kuzwa ku Julu. Nkukoonse buyo. Kunyina nzila yaku citantamuka. Pele ikuti na weenda mu lupyopyongano, mpawo yebo—yebo...uli—uli nyongene loko, nkabela Muuya wanyemesegwa; nkabela ta tuyandi eco, peepe. Tu yanda kuboola kuzo komba okuno. Tuli jisi miinzi mibotu, Njeyo kanana, mu kaindi buyo kaniini, azimwi zimbi; ku muunzi, oko nko tuswaya beenzuma akubatola. Eyi ni ng'anda ya Mwami.

³² Lino, kuli bana baniini, lino, bavwanda baniini. Lino, tabazi lwaandano. Balo, nzila biyo njo bakonzya kujana eco nco bayanda, nku cililila. Elyo mu ziindizimwi nkwa kunywa meenda, alimwi ziindizimwi bayanda kulanganisigwa. Elyo aboobo tu jisi, kwiinda kuluzyalo lwa Leza, twa tuula kaanda. Kakali kwiitwa kuti, aamulongo, ii "kaanda kakulilila," pele kali nkoonya kumbele lyangu. Nka, majwi amwi, oko bamatumbu nkoba konzya kutola bavwanda babo.

³³ Lino, takuna nyonganya, ambweni, mebo okuno ku cikambaukilo. Ambweni Nse kakuboni akwalo, mukuba uunanikidwe. Pele kuli bantu bambi bakkede munsi, nkabela cila banyonganya, mwabona, elyo baboola okuno kuzoomvwa kuswaangana. Aboobo bamatumbu nku...Muvwanda wako muniini atalika kulilila ansi; to konzyi kucinca eco. Baa, masimpe, nku ii...We elede, weeledge ku muleta. Ii mutumbu wini ulayanda kutola muvwanda wakwe ku mbungano, nkabela nce cintu eco nco mweeledge ku cita.

³⁴ Elyo tuli jisi kaanda okuya oko nkolu konzya kubona kkona lyoonse lya buyake, auditoriamu yoonse; a sipika okuya, awo nko mukonzya kucinca volyomu kufumbwa nzila njomu yanda; antoomwe a—a kambuzi kaniini ku mamanino, aka dishi ka meenda, a zintuzyonse mboonya buyo zyalugwasyo ku mutumbu. A zyuuno azintu, ula konzya ku kkala acuuno; busena bwa kucincila muvwanda wako, ikuti na uyanda kucincewa, a zintuzyonse kokkede awo. Kalibambidwe koonse.

³⁵ Elyo mpawo, ziindi zinji, bana bakubusyi alimwi ziindizimwi bapati, bayo talika ku...Nywebo mulizi, bantu

baniini bayo pana tugwalo, na nzila ya coongo a bufuba, na cintucimwi, mu mbungano. Lino, muli bapati loko kuziba kabotu kwiinda boobo. Mwabona? Mwe elede kuziba kabotu kwiinda boobo. Mwabona? Ta mweelede kuboola okuno... Ikuti na ulangila kuyooba mwaalumi wini buzubabumwi, akukomezya mukwasyi ku Bwami bwa Leza, nkokuti kocitalikila limwi ku matalikilo, nywebo mwabona, a—a akulilemeka kabotu a kucita ciluleme, elyo lino, mubwini.

³⁶ Lino, bamaasha baimina mu makkona aa buyake, abumwi bumbi. Elyo ikuti kuli kulilemeka bumwi, baka—baka salwa, mbuli bulizi bwabo, elyo basyomesi bakkalila kumbele okuno, kutegwa ambweni muntuumwi talilemeka kabotu, bakalaililwa kulomba muntu oyo kuumuna.

³⁷ Mpawo, ikuti na taba jisi bulemu obo, inga cabota kuti kwakkala muntu umwi umbi, nkaambo kuli muntuumwi oyo uyanda kumvwa. Kuli muntuumwi wabbolela bukanze obo, kumvwa. Elyo eco nconcico ncotuli waano, nkumvwa Ijwi lya Mwami. Elyo aboobo bantu boonse bayanda ku Li mvwa, aku ciyanda cabuumuzi mbuli mbo bakonzya kuba. Cabuumuzi buyo mbuli mbo bakonzya kuba; oko nku, kutali cikama cakwaambaula a kulilemeka bumwi.

³⁸ Mubwini, muntuumwi ukomba Mwami, eco cilalangilwa. Obo mbo ceelede kuba. Nce ncico neo muli kokuno, nkukomba Mwami. Buyo ikuti na ulimvwa mbuli kulumbaizya Leza, na koongolola, kozumanana ncobeni, mwabona, nkaambo nce ncico ncomuli kokuno, mwabona, pele, nkukomba Mwami mu nzila yako omwini ya kukomba. Pele kunyina muntu ukomba Mwami kucindi nomwaambaula a kupedana tugwalo, elyo ugwasya muntuumwi umbi kuzwa mukukomba Mwami, mwabona, aboobo tulimvwa kuti eco inga calubila. Elyo tu yanda kubamba ceeco kuba muzeezo uuzuminidwe mu mbungano yesu, kutegwa mu mbunga yesu, kutegwa, ku buyake obu, mbungano eyi iyo tuulwa ku Bwami bwa Leza aku kukambauka kwa Ijwi. Amupaile! Amukombe! Nke kaambo neo mweelede kubollela kokuno, ku komba, mpawo.

³⁹ Elyo mpawo acintu cimbi, cindi kuswaangana kwamana, kanji bantu mu mambungano... Nse—Nse yeeyi kuti nko cili okuno, nkaambo... Ta ndiko lyoonse, mwabona, nkaambo Ndi lazwa.

⁴⁰ Kanji, nokuba mu kukambauka mu kuswaangana kumwi, bunanike bulasika, a zilengaano zilacitika. Elyo Ndila katala, nkabela Ndi lazwa kunjila mu kaanda. Elyo ambweni Billy, na baalumi bamwi okuya, bala nditolka mu muunzi, aku ndilekela kulyookezya kaindi kaniini, kusikila Nda zwa kuli ncico, nkaambo cila minya kapati.

⁴¹ Elyo mpawo Nda kabona mambungano, nekuba, oko bana nko bazumizigwa kuzuzaana koonse mu busena busalalisya, a—

a bapati kwiimikila a koompolola mubuyake, kuli umwi aumbi. Nje nzila mbotu ya kunyonganya kuswaangana kuboola busiku obo, na kufumbwa cindi mbo cibede. Mwabona?

⁴² Kuswaangana mbo kwamwaisigwa buyo, amusiye auditoriamu. Mwa mana, mu kukomba mpawo. Mpawo a muunke akuyo wambaula kuli umwi aumwi, a kufumbwa nco muyanda kucita. Ikuuti na ujisi cintucimwi nco yanda kwaambaula ku muntuumwi, ku—ku babona, ee, koya ambabo, na ku muunzi wabo, na kufumbwa mbo cibede, pele uta cicitili mu auditoriamu. Atu tuule obu kuli Leza. Mwabona? Obu mbusena Bwakwe bwa kuswaanganina, oko nko tu Mu swaana. Mwabona? Elyo Mulao ulazwa ku busena busalalisya, mubwini. Elyo Nda—Nda syoma kuti eco inga cabotelezya kuli Taata wesu Wakujulu.

⁴³ Elyo mpawo cindi mwaboola, elyo mwajana kuti zipego zyatalka ku muwida... Lino, kanji ci... Ndiyo syoma kuti tacikabi okuno pe; pele, cindi bantu baba aa mbungano mpya, cintu citaanzi nywebo mulizi, mbunga iba a kancimwa. To yandi eco kuba boobo. Nekubabooobo, obu mbusena bwa kukombela. Eyi ni ng'anda ya Mwami. Elyo ikuuti na zipego zya kumuuya zyatalka kusika akati kanu...

⁴⁴ Nda kamvwa, kuti kuzwa ni Nda kaunka, kuti bantu baka njila kuzwa ku zibeela zyandeene zya cisi, kupanga boobu kuba muunzi wabo. Ndili lumbide, lumbide kuli Leza, kuti, Nda syoma obo...

⁴⁵ I cifumo ni Nda katuula a kubikka ciswi cantalisyo awo, mbuli mwaalumi mukubusyi, Nda kakombela kwiima kwanjiyo kuyo bona Kuboola kwa Jesu Kristo. Elyo cindi Ne kacita, acikwelete ca zyuulu zya madollar, elyo oko... Inga mwabwezelela mulumbo mu mbunga musela uli boobu kuvula a kubweza maseenti ali makumi otatwe na makumi one, nkabela kusinikiziga kwesu kwa bulizi kwakali kubaanga mwaanda amakumi osanwe, madollar ali myaanda yobilu mu mweezi. Mbobuti Mbwe kali kuno konzya kusola kucicita? Elyo Nda kalizi kuti Nda kali kubeleka, elyo ni Nda kakubbadele. Nda... Myaka ili kkumi aciloba ya bweembeli kakutakwe kubweza seentii lyomwe, pele kupa koonse Nkwe kajisi, lwangu, kunze lya nkwekali kuponena; akoonse oko kwakali kunjila mu kabbokesi kaniini kusule, ku Bwami bwa Leza.

⁴⁶ Elyo bantu bakasinsima a kwaamba kuyo citika kuti mu ciindi ca mwaka buyo cincwa kuba galaji. Saatani wakasola kububweza kuzwa kuli ndiswe ciindi cimwi mu bulubizi, mu kutaminina kwa bubeji kwa katongaukwa mu nkuta. Muntu umwi waka taminina kuti wa kalicisa cituta cakwe nakali kubeleka ali mbubo, elyo mpawoaku cilekela kuunka, elyo mpawo... akutola kaambo ku mulao a kuyanda kubweza cikombelo. Elyo kwa mvwiki Nda kaimaa bulizi. Pele nekuba

kutamvwisya koonse akwaamba kuyo citika, aceeco ncoba kaamba, buliimvwi sunu mbuli bumwi bwa ma auditoriamu yeebeka kwiinda ayimwi ya mambungano mbotu maningi iliko mu United States. Mbo mbubo.

⁴⁷ Kuzwa waano kwaunka Ijwi lya Leza mumi, ku inyika yoonse, mwabona, ku inyika yoonse; alimwi lya zumanana kuzunguluka mubalo Walyo insi mbiizulwa, kuzwa ku masi oonse kunsi aa Julu, kuciimo mbotuzi, koonse a koonse inyika mbiizulwa. Atube balumba nkambo ka ceeći. Atu lumbe nkambo ka ceeći.

⁴⁸ Elyo lino mbo kunga tu jisi busena bwa kukkalamo, ciluli atala lya mutwe wesu, cikombelo, cibotu cinjoloma kukkalilamo, atuli tuule tobени cabupya ku ncito, a kulisalazyä tobени kuli Kristo.

⁴⁹ Elyo Mukwesu Neville, mukwesu wesu uulemekwa, mweembeli wini, mulanda wa Leza mumi. Kuciimo mwaalumi oyo mbwazi Mulumbe, ula jatilila a Nguwo, akoonse nkwa jisi. Mbo mbubo. Muntu sibuuya. Ula yoowa aniini ku, na, kutali kuyoowa; Nsya ambi booboo. Pele uli loko, sibuuya loko, uli buyo aniini, taambauli loko, nywebo mulizi, mbuli ku—ku kwaamba cintu eco canguzu a kutenda, na, “Kkala ansi,” na, “Kkalikila!” Nda—Nda cibona eco, a kuswiilila ku mateepu kunze lya ncico.

⁵⁰ Pele cicitika booboo kuti Ndi konzye kucita ceeço. Aboobo Ndi—Ndi... Elyo Ndi—Ndi yanda kuti muyeeye majwi aangu, nywebo mwabona. Elyo oku koonse kuli muku teping’wa, mwabona. Zintuzyonse zila teping’wa. Elyo, akaka, akube kuti daikona aumwi aime abulizi bwa mulimo wakwe, a kuyeeya kuti uli kunsi lya kulaililwa kuzwa kuli Leza, kujata bulizi obo busetekene. Mwabona? Musyomesi aumwi, mbubonya. Mweembeli weeledé kuleta...

⁵¹ Tabuli busena bwa mweembeli kuba akwaamba booboo. Balo mbasyomesi... na, Nda amba madaikona, nkambo mbasilikani ba mbungano. Oko nkuti, ikuti na banabukwetene baniini baboola anze akulizya mulangü, elyo, nywebo mulizi, obo mbo bacita kanji, na cintucimwi mbuli ceeço, ku miswaangano, na kuzwa kuya kokuya. Elyo mutumbu watuma musimbi wakwe anselelo awa, elyo wa unkilila kana kamwi kajisi kazangi, a kuzuzila okuya mu mootokala, nkabela banyina bayeeya kuti uli mu cikombelo, mbuli booboo. I daikona weeledé kulanganya ceeço. “Yebo ambweni wanjila omuno a kukkanala, na pe Ndiyo kubikka mu mootokala wangu aku kutola ku muunzi kuli banyoko.” Mwabona? Nywebo, mweelede ku cita ceeço.

⁵² Amuyeeye, luyandisyö nkululamika, mwabona, lyoonse. Luyandisyö lwini nkululamika, aboobo mweelede kutambula kululamikwa. Elyo, bamatumbu, amuzibe lino kuti kuli busena bwa bavwanda banu. Nywebo no twana tuniini amuzibe lwaandano lwakuta zuzaana koonse mubuyake. Mwabona?

Anywebo no bapati amuzibe lwaandano lwakuta ambaula a kulilemeka bumwi mu mibandi yanu mu auditoriamu. Mwabona? Muta citi eco. Cili lubide. Ta cibotezyi kuli Leza.

⁵³ Jesu wakati, "Kuli lembedwe, ng'anda Yangu iyo bambwa kuba ng'anda yakukombela, mupailo. Anze... Kwiipta kuti ng'anda ya mipailo, kwiinda ku masi oonse!" Elyo bakali kuula a kusambala, elyo Wa koosa ntambo a kutanda bantu kuzwa mu auditoriamu. Elyo ncobeni tatu ciyandi kucitika mu busena obu busalalisya. Aboobo, atu tuule maumi esu, mbungano yesu, ncito zyesu, kuswaangana kwesu, a zintuzyonse nzo tu jisi, ku Bwami bwa Leza.

⁵⁴ Lino, lino Ndi yanda kubala Magwalo amwi katutanaba a mupailo wakutuula. Elyo—elyo, mpawo, nkutuula buyo kwabili, nkaambo kutuulwa kwini kwa kacitika myaka ili makumi otatwe yakainda. Lino mu ii... Mpawo—mpawo mbuli mbotutu bala Lugwalo olu akukanana ali Ndulo kwa maminiti masyoonto, Nda syoma kuti Leza uyo leta zilongezyo Zyakwe kuli ndiswe.

⁵⁵ Elyo lino kwali cintu cimbi Nceli kuyanda kukanana. Iiyi. Awo mpo twa ka jisi marekkoda, azimwi zimbi, tuli jisi kaanda kalyoonse okuya, omo abo bayanda kurekkoda. Kuli zyakukwabanya zisalesale, a zintuzyonse omuya, ziboola cigaminina kuzwa ku maikki ini, omuya.

Kuli twaada, zisani, zintuzyonse zya mulimo wa lubbizyo.

⁵⁶ Elyo mpawo cintu comwe, bantu banji neco ba bijilwa kujatikizya ndime, bantu banji batakazi ncobeni Lugwalo, kujatikizya kuba a cikozyanyo ca cipingano mu cikombelo. Ndila yeeya ciindi cimwi cintucimwi caka citika okuno kujatikizya ceeco. Nda kajisi ziingano zyotatwe, nkabela mukwesu wa kagambwa loko nkambo wakamvwa kabungwe kamwi kaamba kuti cikozyanyo ca cipingano caamba Katolika.

⁵⁷ Ndi yanda sicikolo umwi, na muntuumwi, na Munakristo umwi wakazyalululwa, kwaamba kuti bana Katolika bajisi nguzu ku cikozyanyo ca cipingano. Cikozyanyo ca cipingano ica Kristo ta ciiminini zya Bunakatolika. Oko nkwiiminina Leza, Bwami. Lino, basalali baiminina Bunakatolika. Tula syoma kuti kuli "Sikwiiminina omwe akati ka muntu a Leza, nkabela oyo ngu Kristo." Pele bana Katolika basyoma mu misyobo yoonse ya basikwiiminina, zyuulu zya banakazi abaalumi, a zintuzyonse; muna Katolika uli oonse mubotu, kutandila, oyo uufwa, uba sikukombelezezya. Lino, cikozyanyo ca cipingano ica Kristo ciiminina Jesu Kristo.

⁵⁸ Sena mwakalizi kuti Banakristo bataanzi, kweendelana ku i—i makani akale akaindi aa mbungano ntaanzi, bakali kubbala ziingano, kufumbwa oko nkoba kaunka, kutondezya a kulizibya beni mbuli Banakristo? Lino, bana Katolika bataminina kuti bakali mbabo. Mubwini, bataminina kuti bakali bantu bataanzi,

pele mbungano ya Katolika tiiya kalina bunganisigwa kaindi. Mwabona? Pele Banakristo bakali kuyumuna ciingano aa... Mwa kamvwa bantu kabaamba cuti, "sikubbala ciingano." Sena mwaamba eco kumuna Katolika?

⁵⁹ Muna katolika wini, Mbungano ya Muuya Uusalala yanyika yoonse, ili luzi. Tuli ba katolika. Tuli ba katolika bataanzi, ba katolika basyoma Bbaibbele. Mwabona? Balo ni mbungano, Katolika, kabunga. Tula angulukide kuli kaako. Tuli buzumanane bwa Njiisyø ya baapostolo. Tuli buzumanane bwa lubapatizyo lwa Muuya Uusalala a zintuzyoonse ezyo Mbungano ntaanzi ncozya kaiminina, nkabela mbungano ya Katolika tai jisi comwe cazyo. Mwabona?

⁶⁰ Aboobo, ba kabikka cikozyanyo ca cipingano awa, oko kwa kaletwa, oko kwa kazyulwa kuzwa ku cisamu ca olifa kunsi oko Jesu mpa ka kukombela. Eco ncikozyanyo ca cipingano cakatola myaka, nkabela kwakapegwa kuli ndime kwiinda ku Mukwesu Arganbright. Elyo Ndi yanda ku cituula a mbungano eyi.

⁶¹ Elyo obo mbwelumba, cuti, kufumbwa oyo wa kacaanzika alya. Ta ndizi na nguni, oyo wa kacaanzika awa kulumwesi lwangu—lwangu. Wa kajatila mubbi kululyo Lwakwe; oyo ndime.

⁶² Elyo cintu cimbi nco ciiminina, mbuli mutwe Wakwe kau koteme, mbuli mbo mubona kupengaana Kwakwe. Kufumbwa bantu abo ba... Nku langa ku cipaililo. Elyo Ula kulangila awa, sizibi, elyo Uno langa ansi ali nduwe. Kwamana bano jisi mumuni musyoonto ukkede awa, kutegwa cindi lwiito lwaku cipaililo lwano bambwa, mumuni uyo mwekela ali ceeco, kutegwa cindi bantu nobali awa ku...

⁶³ Nywebo mwati, "Nkaambonzi neo yandila ceeco? To elede kuba a cikozyano."

⁶⁴ Ee, mpawo, nguwenya Leza wakati, "Mutali pangili zikozyanyo zibezedwe," nguwenya Leza wakati, "Amupange ba kerabbimu bobilo a kuswaanganya mpela zya mababa abo antoomwe, a ku babikka aa cuuno ca luse oko bantu nko bakombela."

Nywebo mwabona, kwalo—kwalo, takukwe akumvwisya. Mwabona?

⁶⁵ Aboobo, eco cili nanikidwe akwaanzikwa kwini ku busena bwaco bululeme. Elyo Ndili lumbide kapati kuba umwi ku lubazu lwa kululyo. Ndi syoma cuti Wa ndijatila, nkambo Mebo, kuciimo mbuli kubba kwini kufumbwa cintu, mbuli Mbwe zyi, Ta akwe ne kacita mu buumi bwangu; pele Nda kanyonyoona loko ciindi Cakwe kusikila Nda kabba mu nzila eyo. Elyo Nda kacita zintu zinji ezyo Nze ta keelede kucita. Elyo Ndili lumbide kuli Leza, cifumo cino, cuti Wa kajatila zibi zyangu.

⁶⁶ Elyo lino Ndi yanda kubala kuzwa mu Bbuku lya Makani Mataanzi 17, a kukanana buyo kutandila maminiti osanwe aa kuswaangana kwa kutuula, kukomba, elyo mpawo tula njila mu Mulumbe. Lino, mu Makani Mataanzi, i—i cipati ca 17.

Lino cakaboola ku citika, mbuli Davida nakakkede i mu ng'anda, cakuti Davida wakati kuli Natani musinsimi, Bona, Ndi kkala ii mu ng'anda ya kedari, pele bbokesi lya cizuminano ilya MWAMI licili mu zisitilizyo zyamasani.

Mpawo Natani wakati kuli Davida, Cita coonse eco cili mu moyo wako; nkambo Leza ula nduwe.

Elyo cakaboola kucitika masiku ngaonya, cakuti ijwi i lya MWAMI lya kasika kuli Natani, kaliti,

Koya ukamwaambile Davida mulanda wangu... Koya ukamwaambile Davida mulanda wangu, (mubwini), Mbuboobu mbwaamba MWAMI, Yebo toko ndiyakila ng'anda yakukkalamo:

Nkambo Nse nakkede mu ng'anda kuzwida buzuba Mbwe kaleta Israyeli kusikila buzuba obuno; pele keenda kuzwa ku tente kusikaku tente, a kuzwa ku cikombelo cimiwi kusika kuli cimbi.

Mbokunga Nda keenda a Israyeli yoonse, sena Nse kaamba ijwi kuli umwi wa babetes ba Israyeli, oyo Ngwe kalailila kusanina bantu bangu, kwaamba, Nkaambonzi tamu ndiyakili ng'anda...?

Lino nkikaako mbuboobu mboya kwaamba kuli... Davida, Mbuboobu mbwaamba MWAMI wa makamu, Nda ka kugusya kuzwa ku macelelo aambelele, nokuba kuzwa ku kweembela mbelele, kuti ube muleli wa bantu bangu ba Israyeli:

Elyo Nda kali a yebo kufumbwa nko keendela, alimwi kanyonyoona... basinkondonyoko kuzwa kunembo lyako, elyo ndakupa zina mbuli zina lya... bantu balemu bali mu nyika.

⁶⁷ Ndi yanda kwaamba, aabusena obu, kuti—kuti Davida waka bona cintu nciconya eco nco twa kabona. Davida wakati, “Ta cili cibotu kuti nywebo no bantu mwa kandiyakila ng'anda ya kedari, elyo bbokesi lya cizuminano ilya Leza wangu licili mu zisitilizyo zyamasani.” Ezyo zyakali zikutu zya kasumidwe antoomwe, zya mbelele a banyakama. Wa kati, “Ta ciluleme kuli ndime kuba a muunzi mubotu, elyo bbokesi lya cizuminano ilya Leza wangu licili mu tente.” Aboobo, Leza waka bikka aa moyo wakwe kuyaka cikombelo.

⁶⁸ Pele, Davida, mukuba ii—ii mwaalumi wa—wa luyandisyo a kulusalazya kuli Leza, nekubaboobo wakatila bulowa bunji loko. Aboobo wa kati... Davida, kakanana eci mu busyu

bwa musinsimi wa bukkalo obo, oyo wakali Natani. Elyo Natani, mukuziba kuti Leza wakali kumuyanda Davida, wa kati, "Davida, cita coonse cili mu moyo wako, nkambo Leza ula nduwe." Ino nkaambo! "Kocita eco coonse cili mu moyo wako, nkambo Leza ula nduwe." Elyo obo busiku mbubonya... Kutondezya kulisalazya kwa Davida ku luyandisyo lwa Leza.

⁶⁹ Elyo mpawo kubona, busiku mbubonya, mukuziba kuti wa kali mu bulubizi, kuti taka zumizigwa ku cicita, Leza wakali siluzyalo lunji kuboola aansi a kukanana kuli Natani. Elyo Nda kayandisyia majwi aya lyoonse, "Koya kaambile Natani Wangu... Koya kaambile Davida mulanda Wangu, kuti, 'Nda kakugusya ku macelelo aambelele.'" Buyo, ta kali cintu.

⁷⁰ Elyo Ndi—Ndi yanda kubikka eco awa, kwa kaindi buyo kaniini. "Nda kakugusya kuzwa kutakwe, nkabela Nda—Nda—Nda kakupa zina. Ujisi zina mbuli lya bantu balemu abo bali mu nyika." Elyo Nda yanda kubikka eco mu ii—mu kaziye, nekubaboo mu ii—ii nzila yaku bamba muzeezo. Nda kali kuyeyea kuti...

⁷¹ Ii myaka misyoonto yakainda, Nda kaliimvwi kumusanza mu dolopo okuno, elyo taakwe muntu wakandi bikkila maanu. Taakwe muntu wakali ku ndiyanda. Elyo Nda kali kubayanda bantu, pele taakwe muntu wakali kundiyanda, nkaambo ka ntalisyo ya mukwasyi. Kunyina kunyansya kuli baama abataata bayandisi.

⁷² Obo Mbwe lombozya kuti baama niba konzya kupona kweenda mu busena busalalisya obu, cifumo cino. Bunji bwa basikale abo bakabikka mali abo kugwasya ku buyaka okuno, ambweni Leza, cifumo cino, uyo balekela kulanga langa azikwabilizyo zya matantilo.

⁷³ Pele mukwasyi wa Branham tiwa kajisi zina bbotu okuno koonse, ku kaambo ka kunywa. Taakwe muntu wa kajisi cakucita andime. Elyo Nda yeeya kwaambila mukaintu wangu kutali ciindi cilamfu cainda, koyeeya buyo kuti Nse—Nse kakonzya kujana muntu naba omwe wa kwaambaula kuli ndime. Taakwe wakali kundi bikkila maanu. Elyo lino ndicita kuyuba, kuba akulyookezya kuniini.

⁷⁴ Elyo lino Mwami watupa busena obu upati, a—a zintu ezi zipati Nzya cita. Alimwi Wa ndipa ii... Kunze lya—lya zina bbi, Wa ndipa zina mbuli lya baalumi bamwi balemu. Elyo Wa nyonyoona basinkondoma koonse Nkwe kaya. Ta kunaba cintu cakaima kumbele kwa Ndilyo, koonse nko Lya kaya. Pele, obo Mbwe lumbide nkambo ka ceeco.

⁷⁵ Elyo mbobuti Mbwe kali kuno sola kuziba; mbuli kana kaniini kagalankene kutala okuno, mulongo wa mayake obilo na otatwe kuzwa okuno, kusika ku Cikolo ca Ingramville, cindi Ne kali cisesyo ca cikolo, kuzwa ku kugalankana loko, a muzeli wanswi zitegwa sketi muciziba cakaindi? Mbobuti Mbwe kaziba

kuti kundi kwini kwa ciziba eco kwa kalede mbuto ya mpana eyo yakali kunosyuuka boobu? Elyo mbobuti Mbwe kasola kuziba, kuti, taakwe muntu waambaula kuli ndime, elyo nekubabooinga Uyo ndipa ii—ii zina elyo linga liyo lemekwa akati ka bantu Bakwe?

⁷⁶ Elyo, lino, Davida taka zumizigwa kuyaka tempele. Ta kakonzya kucicita. Pele Wa kati, “Njo busya kuzwa ku lunyungu lwako, elyo uyo yaka tempele, nkabela eelyo tempele liyooba tempele liteeli. Elyo atala a mwana wako, mwana wa Davida, buyooba bwami buteeli; uyo endelezya.” Solomoni, mwana wa Davida kunyama, kuzwa ku nsana zyakwe zya kunyama, wa kayakila Mwami ng’anda, tempele.

⁷⁷ Pele cindi Lunyungu lwini lwa Davida nilwa kasika, Mwana wa Davida, Wa kabaambilika okuya kuti kuyo boola ciindi nokutakabi bbwe liyo syaala atala aa bbwe nyina, lya tempele eelyo. Pele Wa kasola kuba tondekela ku tempele limbi.

⁷⁸ Johane, sikuyubunwidwa, omo mu Bbuku lya Ciybunuzyo, wa kabona Cikombelo eci. Ciybunuzyo 21, wa kabona, “I Tempele lipya kali boola, kaliseluka kuzwa ku Julu, kalisakatidwe kabotu mbuli nabwiinga mbwali sakatizya nkambo ka mulumi wakwe. Elyo Jwi kuzwa mu Tempele, lyakati, ‘Amubone, Cikombelo ca Leza cili antoomwe a bantu, nkabela Leza uyooba a mbabo, alimwi bayo sindula misozi kumeso abo. Elyo takukabi limbi nzala, taku cinokwe kuusa, taku cinookwe kuciswa na lufu; nkambo zintu zyakaindi zyakaloba.’”

⁷⁹ Mpawo Mwana wa Davida wini, mbuli mbo tuyu bona mu ziyyo ezi ziboola mu mvwiki eyi, tuyu sika ku Tempele Lyakwe mpawo, Tempele lya Leza, Cikombelo cini eco Nca kaunkila kuyo yaka lino. Nkambo, Wa kati, muli Johane 14, “Mu Ng’anda ya Taata Wangu kuli makkalilo manji, elyo Ndiyo unka...” Ncinzi Nca kali kwaamba kwiinda kuli ceeco? Wa kaanzwa kale. “Elyo Ndiyo unka kuyo mubambilila Busena, elyo njo jokela alubo, kuzo mu tambwida Ndime.” Elyo, mubwini, tu lizi kuti obo buyooba mu Bukkalo upati buboola. Elyo Lunyungu ncobeni lwa Davida luyo bweza Cuuno cabwami, uuli ngu Jesu Kristo, elyo okuya uyo endelezya Mbungano, mbuli Nabwiinga Wakwe, mu Ng’anda a Nguwe, a ku misyobo ili kkumi aibili ya Israyeli, moonse mu Butamani zu.

⁸⁰ Elyo aya masena masyoonto; mbuli Davida, ta kakonzya kuyaka Cikombelo cini ca Leza, nkaambo taka bambilidwe ku cicita. Kwakanyina cintu ncakali kukonzya kucita. Wa kali ufwika, alimwi wa katilide bulowa. Mbo cibede asunu, kuli ndiswe, tatu bambilidwe kuyaka Cikombelo cini ca Leza. Kuli oyo Omwe uukonzya kucita ceeco, alimwi Cili mu kuyakawa Kwaco lino.

⁸¹ Pele eci cikombelo ciniini, antoomwe a tempele elyo Solomoni ndyaka Mu yakila, alimwi antoomwe a ambi, masena

buyo a kukombela kwa kaindi kasyoonto kusikila ciindi cikasike Cikombelo cini nociyo yakwa atala anyika. "Elyo bululami buyo lela kuzwa ku mulengalenga kusika ku mulengalenga. Elyo takukabi limbi kuusa." Takukabi madilwe aakambaukwa mu Cikombelo eco. Takukabi limbi micado, nkambo Mucado uyooba Mucado omwe mupati wa Butamani. Ino nciindi mbo ciyooba!

⁸² Pele atu kanze mu moyo wesu, sunu, sunu, kuti mukwiiibaluka a kulindila kuboola kwa Cikombelo eco, kuti tuyu litondezya loko kubube kwiinda ku Muuya Wakwe, kuti tuyu kombela mu busena obu mbuli kuti twa kali mu Busena obuya bumbi, kulindila Busena obo kuboola.

⁸³ Lino atwi imikile ku matende eesu, elyo mbuli Mbwe bala Malembe Aasalala.

Elyo Nda kabona majulu mapya a nyika mpya: nkambo julu taanzi a nyika ntaanzi zya kali lobede; elyo tii kwa kacilikwe lwizi.

...Nde Johane ndakabona munzi uusalala, i Jerusalema mupya, kauseluka kuzwa kuli Leza kuzwaku julu, kaubambidwe mbuli nabwiinga walisakatizya nkambo ka mulumi wakwe.

Elyo Nda kamvwa i...jwi kuzwaku julu kaliti, Amubone, cikombelo ca Leza cili antoomwe a bantu, elyo walo uyo kkala a mbabo, elyo bayooba bantu bakwe, alimwi Leza mwini uyooba a mbabo, a kuba Leza wabo.

Atu kotamike mitwe yesu lino.

⁸⁴ Taata wesu Wakujulu, twa imikila mu kulemeka a kuyoowa. Twa imikila mu lulemeko Lusalala. Elyo twa Ku lomba, Mwami, kutambula cipo cesu, cakuti Wa tupa luzyalo, mali, kubambilila busena bwa kukombela Nduwe. Kunyina cintu, na kunyina busena obo mbotu konzya kubamba atala aa nyika, obo bunga bweelela ku i—i Muuya wa Leza kukkanilamo. Pele twa bupa obu kuli Nduwe mbuli citondezyo ca luyandisyo a kulimvwa kuli Nduwe, Mwami. Elyo twa Ku lomba ku zintu zyonse Nzo tucitila.

⁸⁵ Elyo, lino, buyake ansi zya katuulwa kaindi, ku mulimo, alimwi twa Ku lumba ku ziibalusyo zya kaliko. Elyo lino, Mwami Leza, mbuli cilengaano mbu cakalibonya, myaka yainda, kutondezya ceeći, kuti Nda kabona mayake akaindi ayo bantu cimwi cindi mobaka bede, a kabambululwa a kubambwa bupyä, nkabela Nda katumwa kujoka mutala aa mulonga.

⁸⁶ Lino, Mwami Leza, Mulengi wa majulu anyika, twa imikila mbuli bantu ba cimpatti Cako. Twa imikila mbuli i—i—i—ibantu ba Bwami Bwako. Elyo alwangu, a mweembeli, a mbungano, bantu, twa tuula buyake obu ku mulimo wa Leza Singuzuzyonse, kwiinda mu Zina lya Jesu Kristo, Mwana Wakwe, ku mulimo wa Leza, a lulemeko a kulemeka kuli Leza. Elyo akube kuti

Makanimabotu akunke kuzwa mu busena obu kusikila Aka citye inyika kuboola kuzwa ku makkona one aa ntundubwi, kubona Bulemu bwa Leza kabuyutuka kuzwa muli mbubo. Mbuli Mbo kacita kaindi, akube kuti ciindi ciciza cibe ziindi zinji kuvulisy.

⁸⁷ Taata, twa lituula tobeni lino ku mulimo, kwiinda ku Ijwi, a koonse kuli muli ndiswe. Mwami, mbunga a bantu, bali tuula beni, cifumo cino, ku kumvwa Ijwi. Elyo swebo, mbuli bakutausi, twalituula tobeni, “Ku kukambauka kwa Ijwi; kowajatisya muciindi ceelede, muciindi citeelede; kulaya, kutapatila a kukkazikacamba koonse.” Mbuli mbo kulembedwe omuya mu ciswi cantalisyo, kuzwa myaka ili makumi otatwe yainda. Wa kati, “I ciindi ciyoosika bantu nobata kazumini Njiisyio iini, pele bayo lilundikila bamayi, kuti babotelwe kubamvwa; a kunyonwa kuzwa ku Bwini, kuya kuli zya mankwangwalizya.” Mwami, mbuli mbotwa kasola kupa Ijwi ku bantu, atube bananikidwe a bapedwe nsana ku kusoleka kobilo. Mwami, mbuli cibeeda cabubili ca Muuya mbo cuuma aabusena, akube kuti Muuya Uusalala . . .

⁸⁸ Mbuli mbo kwakabede mu buzuba bwa kutuulwa kwa tempele, cindi Solomoni na kakomba; Muuya Uusalala, mu ciimo ca Musumpululu wa Mulilo a Kkumbi, kanjila ku mulyango wa kumbele, wakendeenda koonse atala lya ba Kerabbimu, kaunka ku Busena Busalala awo a kukkanala aabusena Bwawo. O Leza! Solomoni wakati, “Ikuti na bantu Bako banjila mu mapenzi kulikoonse, kulanga ku Busena obu Busalala akukomba, mpawo kavuwe kuzwa ku Julu.”

⁸⁹ Mwami, akube kuti Muuya Uusalala, cifumo cino, uboole mu moyo wa umwi aumwi, a bumwi buntu bwasalazigwa obo buli waano. Elyo Bbaibbele lyaamba, kuti, “I Bulemu bwa Leza bwakali upati maningi kusikila bakutausi tiiba kakonzya kukutauka, nkambo ka Bulemu bwa Leza.” O Mwami Leza, acili loolole alubo mbuli mbo tulipa tobeni kuli Nduwe, a mbungano, mu kutuulwa kwa mulimo. Alimwi kuli lembedwe, “Amulombe, elyo moyo tambula.”

⁹⁰ Elyo twa lipa tobeni, a mulumbo wesu wa mbungano, cifumo cino, kuli Nduwe, ku mulimo, nkambo ka Mimuni ya buzuba bucaalizi, nkambo ka Mimuni ya ciindi caku mangolezya; kutegwa tulete kuumbulazigwa a lusyomo ku bantu balindila abo balindila Kuboola kwa Sibwiinga, ku samika Nabwiinga mu Makanimabotu aa Kristo, nkambo ka Mwami Jesu kuti atambule. Eci twa cituula, Iwangu, Mukwesu Neville, ambunga, ku mulimo wa Leza, mu Zina lya Jesu Kristo. Ameni.

Inga mwakkala.

⁹¹ Davida wakati, “Nda kakkomania niba kandaambila, ‘Atwe ende mu ng’anda ya Mwami.’” Elyo acibe a ndiswe lyoonse, kuti, cindi caambwa, tuyu kkomana kubungana mu ng’anda ya Mwami. [Mbunga yaamba, “Ameni.”—Mul.] Ameni.

⁹² Lino, kwamana kuswaangana kusyoonto kwa kutuula, Ndi jisi oora lino.

⁹³ Elyo, lino, atu yeeye buyo oko nkutwa tuulwa; ku lulemeko, busalali, butontozi kunembo lya Mwami, kukomba kunembo lya Mwami. Amube buyo babateme mbuli mbo mukonzya kuba, mu ng'anda ya Mwami. Elyo, lino, elyo cindi kuswaangana kwamwaisigwa, mbo kuti manine buyo kuswaangana, amuzwe mu buyake. Mwabona? Elyo eco cipa sikulanga mayake ciindi ca kunjila omuno a kububamba kabotu ku ciindi citobela, a kulibambila. Elyo mpawo taluli lupyopyonganu mu ng'anda ya Mwami. Elyo...?...Ndi yeeya kuti mu... busena bunomanide bantu kuzwa kutandila maminiti ali kkumi aosanwe kwamana kumwaisigwa kwa kuswaangana. Amube masimpe kuba basibulongwe. Amusukane maanza a bantuboonse, a kutamba bantubonse kujokela.

⁹⁴ Elyo—elyo tulangila kuba, eyi mvwiki iboola lino, kumwi kwa miswaangano isetekene loko eyo yaka solwa kucitwa mu cikombelo. Tu langila njiyo kumbele. Lino, Ndi—Ndi... takuna pasuka ali ndime kusikila cintucimwi... mane ciindi cilamfu, cakumuka, maoora masyoonto busiku bwainda, mu mupailo, Nda katalika ku bona cintucimwi. Aboobo, Nda syoma kuti eci ciyooba ciindi cipati, eco Nce syoma kuti mbo ciyooba, ikuti na Mwami uyo tugwasya. Lino, lino, cindi ni Nda kati, "ciindi cipati," lino, Ndiyo kanana aa cintucimwi kujatikizya ceeco, cifumo cino. Nywebo mulizi, eco muntu ncaita kuti "cipati," cindicimwi inga tacili cipati. Pele eco Leza ncaita kuti "cipati," muntu uciita kuti mbufubafuba; nkabela eco Leza ncaita kuti "mbufubafuba," muntu uciita kuti cipati. Aboobo atu cibikke eco mu mizeeo, kupima Ijwi lyoonse.

⁹⁵ Lino, miswaangano milamfu. Iyo tola ciindi cilamfu, nkaambo nkuswaangana kuyumu, kuiiisya kunji, kusalazy. Elyo Ndi buyo...

⁹⁶ I busena oko Nkwe kkala, bantu basola buyo, akuyanda ku ndisanina zintuzyonse, pele Nda... Kati, "Ee, wakotela manigi, Mukwesu Branham, zintuzyonse." Pele Nda kali mu kuswaangana kwa kutolelela. Nde elede kuzwa okuno busiku bwa Munsono mutobela, kusika kuli umwi aumwi, cakufwambaana loko, mu Mexico. Aboobo, ncintu ciyumu buyo. Aboobo, pele Ndi soleka buyo kuleka kulya manigi, a—a kuli bambila lwangu.

⁹⁷ Elyo Ndili kkomene, cifumo cino, ku bona Mukwesu Junior Jackson, a—a Mukwesu Ruddell, a—a bakutausi baandeene, abamwi bambi, koonse. Leza amu longezye nyoonse.

⁹⁸ Lino Ndi—Ndi yanda ku—ku kanana kuli ndinywe cifumo cino aa ciijo eco Nce jisi bulembu bulembedwe awa. Elyo Ndi yanda kubala lutaanzi kuzwa mu Bbuku lya Isaya, cipati 53.

Lino, nomu cijula kuli njiyo, Nda yanda kwaambilizya komwe, na kobilo.

⁹⁹ Kuti, sunumasiku, Ndi yanda kukanana aa Bbuku *eli*, ku Li swaanganya akati ka bukkalo bwa mbungano yamamanino kusika ku kujulwa kwa Zinamatizyo. Lino, kuli mwaakwe mupati omuya.

¹⁰⁰ Elyo, katutana, cindi Ne kagolela ku makkalo aa mbungano, Nda kakanana akwalo awo aa mvwiki zili makumi ali ciloba zya Daniele, mpoonya biyo kucitobezya, nkaambo caka njilana. Elyo Nda kati, "Lino, ikuti na Nda sola kubweza Zinamatizyo zili Ciloba, Nde elede kuti nkemanizizye ezi mvwiki zili makumi ali ciloba zya Daniele, kutegwa kunjilane mu Zinamatizyo." Kusiya cintu comwe cijukide, nkabela eco cakali cipati ca 5, ica Bbuku Ly'a kanamatikwa a Zinamatizyo zili Ciloba. Elyo tuyu bweza ceeco sunumasiku.

¹⁰¹ Tu yanda kusola kufwambaana katalika sunumasiku. Ino mbobuti kujatikizya ndime...Wa caamba kale, sena waamba, kufwambaana katalika? [Mukwesu Neville waamba, "Iiyi."—Mul.] Cili buti, sa bantubonse inga bakonzya kuba okuno kutandila seveni okuloko? [Mbunga yaamba, "Ameni."] Ncibotu. Atu katalike kuswaangana kwalyonse aa sikisi theeti, kuswaangana kwa nyimbo, nkabela Ndi nooli okuno aa seveni. Elyo mpawo kwiinda mu mvwiki tuyu bamba kufwambaana katalika. Elyo—elyo twa, lino, twa boola...

¹⁰² Kunyina muntu uyandisya kwiimba kwiinda Banakristo mbo bacita. Tula kuyandisya kwiimba. Tula yandisya zintu ezyo.

¹⁰³ Pele lino tuli—tuli mu cintucimwi cimbi lino. Tuli—tuli mu Ijwi, mwabona, aboobo atu—atu kkale ncobeni a Ndilyo lino. Tula njila. Tuli—tuli mu kuyiisya. Elyo inga mwa mvwisya kuti nkuminwa kupati nko kujisi ali ndime, mwabona, nkaambo, ikuti na Nda yiisya cili coonse cilubide, Ndiyo elela kucipeda bwiiinguzi. Mwabona? Elyo aboobo Nse elede kubweza ceeco muntu uli oonse ncaamba. Nde elede...Ceelede kunanikwa. Elyo Ndi syoma kuti Baangelo bali Ciloba, Abo ba jisi eyi Mizuzumo ili Ciloba, bayo cipa. Mwabona?

¹⁰⁴ Elyo lino muli Isaya, cipati ca 53 ica Isaya, kampango 1, na tobilo. Ndi yanda kubuzya mubuzyo oyu.

¹⁰⁵ Lino, eci tacijatikizyi ku Zinamatizyo zili Ciloba, pe. Oyu Mulumbe buyo. Nkambo, Nda kalizi kuti Nda keelede kuba a kutuula, elyo Nse kakonzya kunjila muli Ceeco nkaambo ni Nda taba aciindi. Pele Nda kayeeya, ku kuswaangana buyo kuniini kwakutuula, kuswaangana kuniini kwa ciibalusyo ca mbungano eyi, na kuswaangana kuniini kwakutuula, mubwini, mpawo ba—ba...inga caba ciindi mpawo caku njila muli ceeco Nce yanda kwaamba, mwabona, ku kujulwa oku kwa Bbuku *eli*, aboobo Ndiyo cita sunumasiku. Elyo lino oku nkuswaangana

buyo kuniini, kutegwa, kuyo—kuyo njilana moonya muli Ndilyo, nokuba.

¹⁰⁶ Aboobo, lino, amuswiilile ku Ijwi lyoonse. Amu Li jate. Elyo—elyo ikuti na mu Libwezela aa mateepu, na kufumbwacintu, mpawo amukkale ncobeni a Kuiiisya oko kwa teepu. Muta ambi nociba cintu cita eco teepu eyo nco yaamba. Amwaambe buyo mbubonya eco teepu nco yaamba. Mwabona? Lino, nkaambo, zintu zimwi ezyo, tuyu mvwisya koonse kunji kujatikizya eci lino, kaambo nco Li tamvwugwi kabotu. Mwabona? Elyo amube masimpe, amwaambe ceeco buyo teepu nco yaamba. Mutaambi cintu cimbi. Mwabona? Nkambo, Nse lyaambili Eco lwangu pe. Walo Ngu Lyaamba, nywebo mwabona. Elyo aboobo ziindi zinji, lupyopyongano, bantu bala buka a kwaamba, “Ee, *Niini-a-niini* wakaamba kuti Lya kali kupandulula *boobu-a-boobu*.” Amu Li leke buyo—buyo mu nzila mbo Li bede.

¹⁰⁷ Mwabona, nje nzila eyo njo tu yanda Bbaibbele. Nzila buyo Bbaibbele mbo Lya amba, nje nzila eyo njo tu Li yanda, mbubonya—mbubonya buyo mbuli Eelyo. Muta bikki bupanduluzi bwanu kuli Ndilyo. Lya kapandululwa kale, nywebo mwabona. Lino:

Nguni wa syoma makani esu? alimwi nkualini oko janza lya Mwami nkolya yubunwidwa?

¹⁰⁸ Andi cibale alubo lino, kabotu.

Nguni wa syoma makani esu? (Mubuzyo!) alimwi nkualini oko janza lya Mwami nkolya yubunwidwa?

¹⁰⁹ Mu majwi amwi, “Ikuti na mwasyoma makani esu, nkokuti janza lya Mwami lya yubununwa.” Mwabona?

Nguni wa syoma makani esu? alimwi nkualini oko janza lya Mwami nkolya yubunwidwa?

¹¹⁰ Lino Ndi yanda kubala amwalo mu Bbuku lya Makanimabotu aa Musalali Matayo, cipati ca 11 ica Musalali Matayo. Elyo, lino, mulete mapepa anu a zintu, nkaambo cakuzumanana tuy... .Ikuti na tamujisi rekkoda, amu—amulete i... .pepa lyanu kutegwa tu cibweze. I cipati 11 ca Musalali Matayo, tumpango 25 a 26, 11:26 a 27. Yaa, Jesu kakanana, mu mupailo. Ndi yanda kutalikila musule lya ceeco anini. Atu cibambe kampango 25 a 26. Nda syoma mpompawo Mpe ambilizya, nokuba, nkambo Nda kaceengela awa mu Bbaibbele lyangu.

Ku ciindi eco Jesu wakaingula a kwaamba, Nda kulumba, O Taata, Mwami wa julu a nyika, nkaambo wasisa zintu ezi kuzwa ku basongo a basimaanu, nkabela wa ziyubununa ku bavwanda.

Mbubonya obo, Taata: nkambo ciboneka kabotu obo ku meso ako.

¹¹¹ Amwa ajate Magwalo ayo obilo. “Nguni wa syoma makani esu? Alimwi nkuulini janza lya Mwami nkolya yubunwidwa?” “Akwalo mpawo Jesu wakalumba Leza kuti Wa kasissa makani aasisidwe kuzwa ku basongo a basimaanu, akwa yubununa ku bavwanda abo banga baiya, nkambo cakaboneka kabotu kuli Leza kucita boobo.”

¹¹² Lino, kuzwa ku cibalo eci, na, ku ciita, na kuzwa kukubala oku kwa Lugwalo, Nda gusya cibalo eci: *Leza Kalisisa Mwini Mu Buubauba, Mpawo Kaliyubununa Mwini Muli Mbubonya*. Lino, ku mateepu Nda zumanana kuloolola boobu, ku mateepu, nyewebo mwabona, nkaambo ali—bali muku Kuu teping’ a. Mwabona? *Leza Kalisisa Mwini Mu Buubauba, Mpawo Kaliyubununa Mwini Muli Mbubonya*.

¹¹³ Nceenzu kuyeeya obo kuti Leza mbwacita cintu mbuli ceeco. Leza uyo lisisa Mwini mu cintucimwi cabuubauba eco ciyo citya basongo ku ciimpya kwa mamaile ali mamilioni; elyo mpawo kunyona mpoonya ncobeni, muli ceeco, cintu cimwi cuubauba mu buubauba bwa nzila Yakwe yakubeleka, a kuli yubununa Mwini mpoonya biyo alubo. Nda kayeeya kuti cabamba ii—ii cibalo, kutegwa tula ngelange ceeci katutana njila mu i—i—i Njiisylo zipati zya Zinamatizyo zili Ciloba. Banji bala Mwi impya kwiinda mu nzila Nja liyubununa Mwini.

¹¹⁴ Lino, bantu bali jisi mizeezo yabo beni yaboobo Leza mbwaelede kuba aceeco Leza ncayo cita. Elyo mbuli Mbwe kabamba kwaamba kwakale ziindi zinji, kwakuti, muntu ucili muntu. Muntu lyoonse ulumbaizya Leza kuli ceeco Nca kacita, alimwi a kulanga kumbele lyoonse kuli ceeco Ncayo cita, akuta bikkila maanu kuli ceeco Ncali mukucita. Mwabona? Mwabona? Eyo nje nzila mboba ciimpya. Bala langa musule a kubona eco cintu cipati Nca kacita, pele bala kakilwa kubona kuti eco cintu cuubauba Nca kabelesya, ku cicita aco. Mwabona? Elyo mpawo balanga kumbele akubona cintu cipati ciboola, eco ciyo citika, alimwi, ziindi zili fuka kuzwa muli zili kkumi, cili mukucitika kale mpoonya ali mbabo. Elyo ncuubauba loko cakuti tabacizi. Mwabona?

¹¹⁵ Buzuba bumwi, ii—ii mwaalumi kutala okuno ku Utica. . . Elyo ikuti na bamwi bantu bakwe nkobali okuno, Nse ambi ceeci kulikoonse—kulikoonse kuyutulula cintu cipy a canguzuuzu zya mwaalumi. Wa kali ii—ii sikalumamba uukubwene wa Nkondo ya Mulicabo. Elyo Nda syoma wa kali. . . Nse zyi ku lubazu ndwa kabede, pele Nda syoma wakali Sikupapila. Pele, wa—wa kali muhedeni, alimwi waka taminina kuti taakwe cintu cili boobo mbuli Leza. Wa kali kukkala mu Utica. Zina lyakwe wakali Jim Dorsey. Bunji bwanu nobantu ambweni mwakali muzi.

¹¹⁶ Wa kandipa banamunywa banji, cindi Ne kali mulombwana muniini. Wa kali kulima banamunywa kunselelo lya mulonga, mu i—munselelo omuya. Elyo wakali mweenzinyina wa bataata

uukubwene. Pele wa kati, buzuba bumwi, cimwi ca zintu zipati caka solwa kwaambwa kuli nguwe, mu lwiindano. Lino, Nda kali buyo musankwa muniini mu mazuba ayo. Pele, mu lwiindano ku buzumini bwakwe, eco cakamucitya kweenda kuzwa a kuungumika mutwe wakwe akulila. Elyo Nda kamvwisya kuti, kwiinda kuli ceeci, mwaalumi waka sandulwa cabulemu kuli Kristo kali amyaka yakukomena iitandila ku makumi ali lusele ayosanwe.

¹¹⁷ Wa kabuzya musimbi muniini, buzuba bumwi, oyo wakali kuzwa ku cikolo ca Munsondo, nkaambonzi nca kali kusowa ciindi cakwe kucita cintu mbuli ceeco? Waa kati, nkaambo waa kali kusyoma kuti kwakali Leza. Elyo Ba. Dorsey bakati, wa kati, "Mwana, uli lubide loko, ku kusyoma cintu mbuli ceeco."

¹¹⁸ Elyo kati musimbi muniini wakadingama a kubweza ii—ii kaluba kaniini kuzwa ku...kuzwida aansi, kakasomona kuzwa ku tubeela twalyo twadelema tuniini, akuti, "Ba. Dorsey, sa inga mwa ndaambila aka mbo kapona?"

¹¹⁹ Nceeco mbo cakabede. Cindi na katalika kulingaula kaindi, na kati kumwana, "Ee, ka komenena mu nyika." Elyo mpawo mibuzyo niya kajokela, "Nkokuli nyika nkoya kazwida? Mbobuti eyo mbuto mboya kasika okuya? Mbobuti mbo cakacitika?" Kuyabuya, a kuyabuya, a kuyakuya, a kucijosya kusikila wa kabona. Mwabona?

¹²⁰ Kutali zintu zipati zya bweebesi ezyo nzo tu yeeya, pele zintu zyuubauba ezyo omo Leza mwali kasimpe maningi, buubauba. Aboobo, cibotezya Leza kulyubununa Mwini, elyo mpawo kuli sis Mwini; mpawo kulisisa Mwini, a kulyubununa Mwini, mu buubauba, zintu ziniini. Ci-ci bikidwe atala lya mutwe wa muntu.

Nkaambo, ikuti na mwaamba kuti, "Nkaambonzi Leza ululeme ncacitila ceeco?"

¹²¹ Nku kaambo kakuti muntu wakalengwa, ku matalikilo, kutali kusola kuli lonzya mwini. Ii muntu waka bambwa kuyaamina ali Leza cakumaninina. Nkekaambo nco tu kozyanisigwa ku tubelele, na mbelele. Ii mbelele tai konzyi kuli solela lwayo; yeelede kuba amusololi. Elyo Muuya Uusalala weeledé kutu solela. Aboobo, muntu ubambilidwe mu nzila eyo.

¹²² Elyo Leza wakapanga milimo Yakwe yoonse kuuba, kutegwa babombe baka konzye kucimvwisya. Elyo Leza ula libombya Mwini, a babombe, kutegwa a mvwugwe ku babombe. Mu bumbi, Wa kati, muli Isaya 35, Nda syoma. Wa kati, "Nekuba mufubafuba, taelede kulubila muli ceeco." Ncuuba loko!

¹²³ Elyo tu lizi kuti Leza mupati loko, kusikila tu cilangila kuba cintucimwi cipati, elyo tula impya cintu cuubauba. Tula lifumpula ku buubauba. Eyo nje nzila mbo twiimpya Leza, nkwiinda ku kulfumpula ku buubauba. Leza uli mu buubauba loko cakuti basicikolo bapati iba mazuba aya, a mazuba oonse,

bala Mwi impya kwa mamaile ali mamilioni. Nkaambo, mu bupampu bwabo, balizi kuti kunyina cintu mbuli Nguwe, mupati loko; pele, mu ciyubunuzyo Cakwe, Ula cuubya loko cakuti bala unka atala kwiindilila ncico aku ciimpya.

¹²⁴ Lino, amu cilingaule Eco. Amu Ci lingaule coonse. Elyo anywebo nobantu nomuswaya okuno, cindi mwaunka ku mamotelo anu, amutole zintu ezyo a kuziyeeya kabotu. Ta tu jisi ciindi caku Li komauna mbuli Mbo lyeelede kukomaunwa, pele Ndi yanda kuti muka cicite cindi mwasika ku motelo, na hotela, na kufumbwa nko mukkala, na muunzi. Amu kabungane aku Li lingaula.

¹²⁵ Ku Mwi impya kwiinda ku nzila eyo Njali yubununa Mwini; nkambo Mupati loko, nekubaboobo, Ula lisisa mu buubauba, kulizibya Mwini ku bace. Mwabona? Muta soli kubweza cipati, nkaambo Ula indilila atala lya nkuko. Pele amu swiilile ku buubauba bwa Leza, elyo mpawo moyo jana Leza moonya mu nzila ngubauba.

¹²⁶ Basyazibwene maningi, basibusongo bwanyika, bayiide, lyoonse bala Mwi impya. Lino, Nseli waano...Nkabela Ndi lizi kuli bamayi bazikolo, bobilo na botatwe, abo Mbo ndizi, bakkede omuno. Elyo Nseli waano kukazya cikolo alwiyo, akusola kusumpula kutayiya. Nseli waano kuli ceeco. Pele, mbo cibede, bantu basiminina maningi ali ceeco kusikila ba, amwalo mu maseminarri amumwi mumbi, bali mukwiimpya cintu nciconya Leza nca bikka kumbele lyabo.

¹²⁷ Nke kaambo Nse lwani bakwesu bali mu tubungwe, pele Ndi lwana ciyanza ca tubungwe, nkaambo cisola kuli tukumuna cini, a—a—a kuyiisya bakutausi baco mu busena buli *boobu-aboo*, kusikila, ikuti na taba jisi kwiiya alwiyo luli kabotu, bala tandwa mu milimo. Elyo—elyo beelede kuzwidilila ku kusolwa kwa musilisi wa mizeezo, azimwi zimbi. Nse na yeeyede kuti na lwakali luyando lwa Leza kusoleka mukutausi kwiinda kukulilemeka kwa mizeezo, pele ku musoleka kwiinda ku Ijwi. Mwabona? Inga—inga—inga yaba nzila ya Leza iya kusoleka muntu Wakwe oyo Ngwa katuma, kuba a Ijwi.

¹²⁸ “Mukambauke Ijwi!” Lino, sunu tu kambauka buzumini bwakulilemeka bwa buumi, tukambauka tuyanza twabuzumini azyatubungwe, elyo zintu zinji kapati, a kusiya Ijwi, nkaambo baamba kuti ta Li konzyi kumvugwa. Lila konzya kumvugwa. Wa kasyomezya ku cicita. Lino tu Mu lomba ku cicita.

¹²⁹ Lino tuyu bweza basyakacite basyoonto awa kwa maminiti masyoonto.

¹³⁰ Atu bone mu mazuba aa Nowa. Buzuba bwa Nowa, Leza wa kabona busongo bwanyika bwa kalemekwa kutambulwa kapati loko, Wa katuma mulumbe muubauba kwiinda ku muntu mubombe, ku batondezya upati Bwakwe.

¹³¹ Lino, tulizi kuti mu buzuba bwa—bwa—bwa Nowa, bataminina kuti lusumpuko lwakali lwanguzu kapati, mpawo, kusikila ta tunasika aa mbaakaneyo, mu lusumpuko lwesu lwasunu. Elyo Ndi syoma kuti kumalekelo kuyo sīkwa, nkaambo Mwami wesu wakati, “Mbuli mbo kwakabede mu mazuba akwa Nowa, mbo kuyooba ku Kuboola kwa Mwana wa muntu.” Wa kapa zyabupanduluzi zimwi.

¹³² Elyo bakayaka piramidi acibumbwa cibezedwe kumabwe okuya mu Egepita, alimwi bakayaka zintu zipati zilamfu ezyo nzyo tu tajisi nguzu, sunu, zya kuyaka zeezyo. Ba kajisi ii—ii—kusita mitunta kulesya kubola, bakali kukonzya kusita mitunta kulesya kubola, cakuti bakali kukonzya kuubamba kulibonya kabotu loko kusikila ucikkede asunu. Ta tu konzyi. Ta tukonzyi kupanga kusitwa kwa mutunta mu mafuta akuuzambaila mu cisani sunu. Ta tu jisi zintu zya kuupanzya. Ba kajisi mibala eyo—eyo ijata cakufwambaana maningi, kwa myaka ili zyuulu zyone na zyosanwe yainda, ucili mboubede mubala nguwenya buyo mbowakabede. Mwabona? Ta tu jisi zili boobo sunu.

¹³³ Elyo zintu zinji zipati zya lusumpuko olo zikanana bubotu bwa mbubo bwiinda ku lusumpuko lwesu lwasunu. Elyo aboobo mulakonzya kuyeeyela obo lwiiyo a sayaansi, ku zilumbo zipati nzo twa kasiya, kuti lwakali lusumpuko mbuli loolo. Ino ii—ino ndusumpuko lupati mbo lwa keelede kuba, ee, ezi ziibalusyo, obo sayaansi eyo a—a lusumpuko lwasunu a lwiiyo zyakali—zyakali ii—ii zyelede ku bantu. “Zileelede kuba. Ca keelede kuba.” Kwa kanyina naba omwe, Nda yeeyela, naba omwe wata kayiide, noku ceya.

¹³⁴ Elyo aboobo, Leza, kalangalanga kwiinda mu lubono olo lupati ku buzuba obo, mu ziyanza zyabo, tako konzya, antela, kujana musyobo wa muntu ululeme, kusikila Wa kajana utayiide, ambweni, mulimi ulaazina lya Nowa, sikweembela mbelele. Elyo Wa kamupa mulumbe Wakwe wakukambauka ku bantu, oyo wakali muubauba loko, kuli zya—zya lwiiyo lwabo lupati lwa buzuba obo, kusikila bantu bakali fumpula ku buubauba bwa mulumbe. Elyo, nekubaboobo, mulumbe wakali, mu busyu bwa sayaansi, “Nguzuuzu zipya! Mbobuti mbo kukonzya kuba mvula mu milengalenga, kakuli kwakanyina mvula kujulu okuya?” Mwabona? Elyo mulumbe muubauba wa—wa kuyaka bwaato, kupanga cintucimwi caku njilamo, cakuti taakwe meenda akuti bwiimpaukile. Baa, wa kaba sikwiindilizya. Alimwi wa kaba ii—ii—ii—ii... eco nco tukonzya kwiita, ikuti na inga mwajatila bwaambe bwasunu, ii “cigambyo.”

¹³⁵ Elyo kanji bantu ba Leza boonse “nzigambyo,” mwabona. Mbo babede. Ndili kkomene kuba umwi wabo. Aboobo, nywebo mulizi, ba—balandeene kuzwa ku i—i bweende bwa lusumpuko lwasunu, aboobo baba bagambya, beenzu. Wa kaamba kuti bantu Bakwe bakali “Ii bantu basalesale, bagambya, beenzu;

pele bupaizi bwa kumuuya, cisi cabwami, kabatuula zituuzyo zyamuuya kuli Leza, micelo ya milomo yabo, kupa kulumbaizya ku Zina Lyakwe.” Ino ii—ino mbantu! Uli bajisi.

¹³⁶ Elyo amubone, lino, ino ncintu cipati eco cakali mu buzuba obo, kuli sikwiindilizya umwi kuyutukila ku mbungano; sikwiindilizya, aku kambauka makanimabotu ayo akali kulibonya kuleya mu bweende boonse bululeme, ku nzila yabo yakusyoma. Elyo banasayaansi, “Baa, bwa—bwa kali buyo bufuba.” Obo mbobakali kukonzya kutondezya kusayaansi kuti kwakanyina mvula okuya!

¹³⁷ Pele oyu sikweembela mbelele mubombe waka syoma, “Ikuti na Leza wakaamba kuti iyowa, inga yawa.” Mwabona?

¹³⁸ Elyo aboobo mpawo amuceezyanisye buyo eco asunu, kujatikizya umwi waponesegwa. Ba lati, “Nku limvwa biyo. Nda konzya kusayaansi kutondezya kuli ndinywe kuti kkulenge, na i cintu, na—na—na cintu nko cicili.” Pele, ku musyomi mubombe, ca kamana. Mwabona? Nkaambo, talangi aa cintu, ulanga ku cisymezyo, mbubonya buyo mbuli Nowa mbwa kacita.

¹³⁹ Aboobo sena tamuboni, “Mbuli mbo kwakabede mu mazuba akwa Nowa, mbo kuyooba mu Kuboola kwa Mwana wa muntu”?

¹⁴⁰ Kusayaansi, kwiina umwi... I dokotela wakali kukonzya kwaamba, “Langisya okuno, icikoto cako nko cicili. Kkulenge lyako nkoli cili. Kuboko kwako ku cilemene mbuli mbo kwakabede lyonse. Uli mufuba.”

¹⁴¹ Elyo, amuyeyeye, ngo muuya nguwenya kuzwa ku mazuba akwa Nowa, oyo wakati, “Kunyina mvula kujulu okuya. Tula konzya kudubula mweezi a zibelesyo, nkabela kunyina mvula okuya.” Pele ikuti na Leza wakaamba kuti kuyooba mvula okuya!

¹⁴² “Nkambo lusyomo ncintu ca zintu zilangilwa, bumboni bwa zintu zitabonwi.” Elyo lusyomo lujana busena bwalo bwamamanino bwa kukkalila aa Ijwi lya Leza. Mpaawo mpo lujana busena bwalo bwa kukkalila. Sena mwamvwisy? [Mbunga yaamba, “Ameni.”—Mul.] Busena bwalo bwakukkalila mpaa Ijwi lya Leza.

¹⁴³ Mpo mpawo Nowa mpaka lubikka, “Leza wakaamba boobo.” Eco nco cicibamba. Lino ikuti na mwabona alubo, mpawo, lino, Nowa, mu kusyoma ceeco, wakali sikwiindilizya.

¹⁴⁴ Elyo bantu basunu abo basyoma mu lubapatizyo lwa Muuya Uusalala. Lino, mbungano yaamba kuti, “Aba bantu mbasikwiindilizya. Tabali cintu pele cikama ca bantu balibilikide maningi cakunyongana kuyeeya kabotu, bakanyanyamukwa, basikulimvwa ibapatide.” Pele nkusyoonto nko bazi kuti Ijwi lya Leza liyiisa ceeco. Nci syomezyo.

¹⁴⁵ Elyo, kuli Nowa, tacikwe makani kunji nkoba kaamba, “I mudaala wakali sondokede; kuti wakali lubide kunzila

yasayaansi; a—a—a, kumizeeo, wa kali lubide.” Pele, kuli Nowa, lyakali Ijwi lya Mwami, nkabela Nowa waka kkala a ndilyo. Elyo basongo a basimaanu bakali fumpula ku buubauba bwa ndilyo, a kusweekelwa buntu bwabo. Ino ii—ii—ii nkutapatilwa lino, nkonkuko, ku nzyalani eyo!

¹⁴⁶ Bantu banji baamba kuti, “Ikuti ni Nda kapona kaindi okuya!” Peepe, niwa kabweza kulanganya nkukonya. Nkaambo, sunu, mu cintu nciconya cili mukuba alubo sunu, mu ciimo biyo cimbi, bala lifumpula kuli Ndilyo sunu mbubonya buyo mbu bakacita kaindi.

¹⁴⁷ Kunyina kudonaika, mu mazuba ayo, baka jisi bamakambausi banji, pele Nowa waka nanikidwe aa Leza. Elyo Nowa wakali kukonzya kulanga koonse akubona ceeco cakali kuli bambila ku citika, akuziba kuti eyo nzyalani mbyaabi yabwaamu, mbuli yeeyo, kuti Leza takaillekeli kwiima. Aboobo ino tula cita nzi, sunu, pele kubona cintu nciconya! Ii Sodoma a Gomorra yasunu, mwabona, bantu, babyaabi a basibwaamu, bakalondolwa loko mu lwiyo lwaatala nkobakali fumpula ku buubauba bwa luyubunuko lwa Leza ilwa Buntu Bwakwe a Ijwi Lyakwe, kutondezeya Ijwi Lyakwe.

¹⁴⁸ Kunyina muntu mu inyika, Rosella, oyo, na, kufumbwa—kufumbwa ukonzya kwaamba kuti—kuti tatu boni antoomwe a ndiswe Ijwi lya Leza ndilyonya kuyubululwa. I cisyomezyo nciconya ca mazuba aakumamanino, njoonya Mimuni yaku mangolezya eyo ya keelede kumweka, tuli bantu bala coolwe kubona ceeco. Elyo, oko, inyika yakalondolwa loko, cili sisidwe kuli mbabo. Jesu wakaamba kuli Leza, Taata, Wa kati, “Ca Ka kubotela kucisia kuzwa kuli mbabo. Nekuba obo, Taata, Wa kacisia.” Mu baleke, a busongo bwabo...

¹⁴⁹ Nywebo mwabona, bwa kali busongo bwakatalisyia kuyabuya masifwilila aa cibi, ku matalikilo; nkambo Eva wakali kuyandaula busongo naka swaana Saatani, nkabela Saatani waka bupa kuli nguwe, mwabona. Elyo busongo buliimpene ku Ijwi. Tee twa kaambilwa kuba a busongo. Twa kaambilwa kuba a lusyomo muli ceeco cakaambwa kale. Aboobo, mwabona? Pele, sunu, basicikolo batapi baka Li botya mu nzila ili boobo, aku Li bikka aawo, kubikka bupanduluzi bwabo beni kuli Ndilyo, lyoonse kacita. Bala cita cintu nciconya sunu; cili mu kweeleka nkukonya. Lino, bantu, pele i...

¹⁵⁰ Na, bantu mpoonya tiiba kacibona, mbuli biyo mboba taka cibona a kucicita sunu. Cintu nciconya. Bala cita cintu nciconya. Nkambo, bala... Nkambo nci bata kaubona, nkambo bakali basimaanu maningi kuusyoma. Mwabona? Lino, mulumbe wakali mu buubauba maningi, kuti basimaanu baka jisi maanu maningi kuusyoma buubauba bwa mulumbe. Oh, ma! Leza wakaubamba mu buubauba, mu Bwini, kuti basimaanu a bapampu baka kacilwa kuubona, nkaambo wakali mu

buubauba maningi. Ee, eco nce cibamba bupati bwa Leza kuba mupati maningi; nkaambo, mukuba mupati wiinda, ula konzya kulibamba mu buubauba Mwini.

¹⁵¹ Bantu sunu, kutondezya kuti tabali ba Leza, mbapati alimwi basola kuba bapati kwiinda, akuli tondezya beni kuba bapati bainda, alimwi, "Bishopo Mupati, Mwiiyi Uusalala Popu," zintuzyonse, kulibamba beni kuba cintucimwi ncoba tali boobo ncobeni. Elyo Leza, mukuba mupati maningi wiinda, ulalileta aansi Mwini mu buubauba. Buubauba mbo bupati.

¹⁵² Inga twa panga ndeke ya jeeti, inga twa waala rokketi ku i...ku...na kubikka ii—ii—ii kadandamiti mu mukondo. Elyo inga twa cita zintu ezi zyoonse, nekubaboobo, pele tatu konzyi kupanga itu lyomwe lya bwizu. Uh huh. Ameni. Ino kujatikizya ceeco? Pele mucibaka ca kusola kujokela a kubona eco cipanga bwizu, a kuzumina Leza nguonya wakalenga bwizu, kupanga kadandamiti kayo sika okuya cakufwambaana kwiinda muntuumwi umbi nka konzya kupanga. Mwabona?

¹⁵³ Tuli basimaanu a bapampu maningi, mu mambungano eseu, mane tula konzya kuyaka buyake butola madollar ali milioni, na buyake bwa madollar a mamilioni ali kkumi, pele, nekubaboobo, alimwi kusola kuyaka bumwi bubotu kwiinda bwa Methodisti, na Baptisti kuyaka bumwi bubotu kwiinda bwa bana Presbyteria, alimwi Pentekoste yakanjila mu muzundano wa mbeba. Pele cintu ca ncico, nceeci; tuli, nekubaboobo, tuli basimaanu maningi a kusitikila loko mu nzila zyesu kusikila tula kakilwa kulibombya kukumvwisya Leza oyo uuli mu missioni niini kumbali. Mwabona? Mbo mbubo. Ee, nkikaambo, tula lifumpula mu buubauba. Ba kacicita lyoonse.

¹⁵⁴ Lino, ba, ba kali—ba kali basimaanu maningi kusyoma mulumbe muubauba boobo. Tii wakabambidwe kubota loko kweelede ku kubbutukizya kwabo kwasayaansi oko nko baka jisi. Tii wakali—tii wakali kweebeka, mulumbe tii wakali kukkwanya, ku mabambe aabo aalwiiyo nge baka jisi mu buzuba obo. Mwabona? Ba kali yiide kuziba kuti kwakali Leza, alimwi ba kali yiide kuziba kuti Wa kali mupati, alimwi bakasola kulyiyaka benikuba bapati a Nguwe. Kakuli, nzila yaatala lyoonse njaansi.

¹⁵⁵ Lino, nguni uuzi naa Northi Poo ili Kunyika, na Southi Poo nja Kumusanza; na Northi Poo nja Kumusanza, Southi Poo ili Kunyika? Njeili ili kutala alimwi njeili ili aansi? Tula lengelela mu mwaakwe. Tu laamba, "I North Pole ili kutala." Mbobuti mbo ziba? Southi Poo inga kiinoli Kunyika. Mwabona, ta muzi pe. Aboobo atwi ibaluke, alimwi Ijwi eli...

¹⁵⁶ Kati, "Mpawo mbobuti mbo mukonzya kwaamba kuti, Mukwesu Branham, kuti, 'Atala mpaansi'?"

¹⁵⁷ Aa mbaakani ya Ijwi lya Jesu Kristo! Wa kati, "Oyo uulibombya uyo sumpulwa, pele oyo uulisumpula uyo tolwa

aansi, uyo bombesegwa.” Aboobo mpawo, mukasimpe, ataala mpaansi, alimwi aansi mpa atala.

¹⁵⁸ Mboli musalali wakaindi mu Chicago, kuti... Ii mwaalumi, mukutausi umwi uuzwa ku kabunga kamwi, wakaimikila kumbele lyu ba Pentekoste bamwi. Wa kabikkide zintu zyakwe zyoonse zyabupampu antoomwe. Wa kaimikila awo a kubelesya mabala ayo ba Pentekoste ngeba takazi ncaamba, elyo wa kaimikila okuya, nkabela wa kacibona taakwe nko cakali kuya a bantu ba Pentekoste. Elyo wa kaunka atala, a camba cakwe cidukumene, alimwi wakali “Mwiiyi Uusalala *Niini-a-niini*,” nywebo mulizi, kuzwa ku cikolo *cimwi—cimwi* cipati okuya camu Chicago. Elyo wa kalanga koonse, elyo ba Pentekoste bakali kulangana umwi aumwi. Tii bakazi akwalo eco nca kali kwaambaula; wa kali yiide maningi, simaanu maningi, mucenjezu. Tii bakazi.

¹⁵⁹ Wa kali muntuumwi mboli sikwaanza milao umwi, na mwaalumi wakazwa kwima kuba muleli wacisi nkabela waka zundwa. Tuck Coots waka ndaambila. Cindi ni Nda kali kukambauka aa dilwe lyu Baama ba Ford, nkabela kali kwaamba zya bubuke, kaanzambwene ka bubuke, “Mboli buyo masimpe zuba lila pasuka, mbubonya Ndiyo buka. Mboli buyo masimpe bwizu mbo bufwa mu ciindi Cabutololo, alimwi itu lila loka kuzwa ku cisamu, lila jokela alubo. Cindi nyika yali lulamika kuzunguluka mu mukondo, yeelede kubuka alubo.”

¹⁶⁰ Tuck wakati, “Nda ulumba Mulumbe oyo, Billy.” Mukwesu Neville a Ndime twakali kkede antoomwe mu mootokala. Elyo Nda kati, “Tuck...” Wa kati, “Nda ilumba Milumbe yako.”

Nda kati, “Tuck, Nse jisi lwiiyo,” Nda kaamba.

Wa kati, “Eco ncibeela cibotu kujatikizya ncico.” Mwabona?

¹⁶¹ Elyo, lino, wa kaamba kuti wa kaunka kuyo bona... Ee, Ndi yeeyela kuti mwaalumi inga wandi jatila, Ta ndi kanzi... Adlai Stevenson, nywebo mulizi. Elyo wa kaamba kuteeti wa kamumvwa kwa maminiti ali kkumi aosanwe. Elyo Ba. Stevenson mbakanazi baboteleyza, beeledge kuba, nywebo mulizi, kusikila Tuck wakati... Ndi yeeyela kuti ujisi lwiiyo lwa ku kkolegi. Wa kati wa kakkala awo a kufukula. Elyo wakati wa kafukula, ka muswiilila, mu maminiti ali kkumi aosanwe. Pele wakati, “A lwiiyo lwa ku kkolegi, tii Nda kamwisya citabiyio mabala masyoonto loko; akali londwedwe maningi.” Wa kati, “Tona ndibona kufukula muli umwi wa miswaangano yako, sa wakacita, Mukwesu Branham?”

¹⁶² Aboobo, mwabona, mbuubauba bwa Nguwo, kuubauba biyo, mpempawo Leza mpa bede.

¹⁶³ Lino, ba kali—ba kali basimaanu maningi, mu buzuba obo, kuti bamvwisyé bupanduluzi bwa nzila ya Leza ngubauba ya kucita zintu. Ya kalondolwa kuli mbabo. Yeelede kulondolwa, Yeelede kubambwa kubalamu maningi, nape ta baka ciboni.

Lino, pele, Jehova mupati wakali sisidwe mu Ijwi Lyakwe. Elyo Wa kalizibya Mwini ku bantu abo bakasyoma mu Ijwi Lyakwe, kwiinda ku kubafutula, a kuzwidilizya mulumbe muubauba. I mulumbe muubauba wa Nowa, Leza waka uzwidilizya. Lino amubone eco.

¹⁶⁴ Lino, mpawo, alubo mu buzuba bwa Musa, amubone ciindi cimbi ca kuvunwa.

¹⁶⁵ Cindi Leza nali aafwi kucita cintucimwi ku kuvuna bantu Bakwe, Leza ula tuma Mulumbe ku bantu. Elyo, Walo muubauba maningi, mbuli mbo tuyu mvwisya mu kujula kwa Zinamatizyo ezi. Obo bwakali bukanze bwangu bwakuuleta oyu lutaanzi. Cakuti, tu jana kuti kujulwa kwa Zinamatizyo ezyo nkuubauba maningi, i—i—i basimaanu taba Uboni, mamaile ali milioni. Mwabona? Nda syoma kuti Leza ulandi nanika nkambo ka Nguwo. Mwabona? Mwabona? Ula unka buyo atala. Elyo nke kaambo Nda yeeya Mulumbe oyu, cifumo cino, inga weeleta, kulazika ntalisyo, ya buubauba bwa Leza, mwabona, nzila Leza mbwa lisisa Mwini mu buubauba.

¹⁶⁶ Amuciyeeye buyo, bala konzya kupasaula maatomu a kucita zintuzyonse zimbi; pele cindi caboola kuguma buumi, taba konzyi akwalo kuziba nko buzwa. Ii itu lyuubauba lya bwizu, nkabela Leza uli sisidwe muli ndilyo. Bala konzya kudubula rokketi kuya ku mweezi, alimwi—alimwi kufusa redar okuya, na kufumbwa zinji, elyo nekubaboobo taba konzyi kupandulula buumi mu itu lya bwizu. Mbo mbubo. Mwabona? Ngu kaambo kakuti tabu konzyi kupandululwa. Mbuubauba maningi, taba bumvwisy obo.

¹⁶⁷ Lino amubone Musa, mu buzuba obo Leza mbwakali kuyanda kuvuna bana ba Israyeli, kweendelana ku Ijwi Lyakwe. Wa, ino Wa kacita nzi? Wa kasala mukwasyi muubauba. Ta tukwe bulunguluzi bwa mbabo. Mwabona, buyo “mwana wa Levi,” nku koonse nko tuzi. Mwabona? Elyo aboobo tu...elyo mukaintu wakwe. Uta gambyi, antela ii—ii sikukanda daka, mbuli inyika mboi yeeya, okuya kuumina sinkondo matina. Wa kali muzike buyo uta gambyi mu Israyeli, pele Leza wakasala mukwasyi oyo kuzyala muvuni; mukwasyi buyo utagambyi waci Juda. Ta akwe nakaunka a kuyo jana busyomesi a simpuwo, na cintucimwi, na kujana mupaizi umwi. Wa kabweza mukwasyi, uta gambyi walyoonse. Mwabona? Buubauba! Amubone eco Nca kacita, mpawo, Wa kazyala imwana, muntunsi utakwankwaya. Ta ka...

¹⁶⁸ Na kakonzya—Na kakonzya kusala zuba, ikuti Na kali kuyanda ku, kubavuna. Na kakonzya kusala muuwo ku kubavunya. Na kakonzya kusala Angelo ku kubavuna. Oh, aleluya! Leza ula konzya kucita kufumbwa cintu Nca yanda kucita.

“Ee, mbobuti mbo zyi mpawo, Mukwesu Branham?”

¹⁶⁹ Leza taka siyi mabambe Aakwe. Ako nkekaambo nco tuzi booboo, buzuba obuno, We elede kuba muubauba. Mwabona? Lino, Ula beleka mu buubauba lyoonse. Pele Leza, ku matalikilo, oyo wakali kukonzya kucitya zuba kukambauka Makanimabotu, na myuuwo kukambauka Makanimabotu, na Angelo kukambauka Makanimabotu, pele Wa kasala bantu ku bukanze obo, alimwi Ta bucinci pe. Ta akwe naka sala muli i... Ta akwe naka sala tubungwe. Ta akwe naka sala nkamu ya bantu. Wa kasala bantu kukambauka Makanimabotu; kutali mincina, zibelesyo zyamincini, na kufumbwa Cilenge ca Angelo. Wa kali muntu!

¹⁷⁰ Elyo cindi Na kaleta kuvunwa ku bantu kumusanza, Wa katuma muntunsi uutakweankwaya, wakazyalwa mu mukwasyi uutakweankouya mu nkamu ya bazike. Oh, ma! Ino ngu Leza Mbwa bede, kalivungulula Mwini mu buubauba!

¹⁷¹ Lino amubone. Elyo Wa kamuyiisya mu busongo bwanyika, kutegwa a kakonzye kukakilwa, a kutondezya kuti tabuli busongo mbo tuyu sola kuvuninwa. Nkwiinda ku lusyomo nko tu vuninwa. Wa kamulekela kunjila a kujana lwiyo lumwi kusikila wa kali kukonzya kuiyisya busongo kubana Egepita; wa kali mucenjezu maningi. Leza wakali a mukwasyi oyo uutakweankouya wakali kukonzya, antela, ndiza kuta konzya kulemba zina lyabo. Elyo Musa wakanjila mukwiya kwaatala loko, a lwiyo lupati booboo, mane wa kali kukonzya ku yiisya bamayi busongo. Wa kali kukonzya kuiyisya bapampu. Iiyi. Elyo Leza waka mulekela kuba booboo kutegwa Ako nzye kulitondezya Mwini mu bubombe, kutondezya kuti busongo tabukwe cintu cakucita a ncico. Elyo Musa waka kacilwa cakuusa loko mu bupampu bwakwe. Wa kamu lekela booboo ku bukanze Bwakwe, kutegwa aka kacilwe. Elyo waka kacilwa, nkabela wa kawa.

¹⁷² Aboobo, ku tondezya, "Kutali kwiinda ku nguzu, kutali kwiinda ku bukozu," pele kutali kwiinda ku busongo bwa Egepita, kutali kwiinda ku busongo bwa zikolo zyesu, kutali kwiinda ku nguzu zya maseminar esu, pele kutali kwiinda ku kuvula mu kabunga kesu, kutali kwiinda ku nguzu zya njiisyo yesu yakwiiya kwaatala, "pele kwiinda ku Muuya Wangu, mbwaamba Leza." Busongo bwakwe bwaka zimaana alimwi kumamanino aabo, cindi naka swaana Leza mu citeo ciyaka okuya. Wa kasamununa mabbusu akwe a kulibombya mu bubombe, a kuluba koonse kujatikizya busongo bwakwe.

¹⁷³ Leza, kaleta kuvunwa, kacita ku muysiya mu busongo, ku mulekela kuwa, kutondezya kuti to konzyi kuyaamina kukumvwisyka kwako, na kufumbwa kumvwisyka kwa muntu uli oonse. Ku mulekela kuwa, ku tondezya janza Lyakwe. Sa mwakonzya kucibona? [Mbunga yaamba, "Ameni."—Mul.] Bukanze bwa Leza mu kucita booboo, wa keelede kulizibya Mwini mu bubombe. Elyo Waka lekela Musa kuba waatala maningi,

kusikila inga na—kusikila inga na kaba farao utobel. Wa kali silutwe wanguzu koonse. Kweendelana ku makani aakale, wa kazunda, Musa lwakwe, masi akazungulukide. Elyo mpawo cindi na kanyonena ku ncito ya Mwami, a talenta yakwe yoonse, Leza waka mulekela kubweza bumuvwangule butasitikide a kuwa, kutegwa Ako nzye ku mubikka okuya mulukula a kugusya koonse oko muli nguwe; elyo mpawo kulibonya kuli nguwe, mu bubombe, elyo kumutuma a musako mu janza lyakwe, kuyo vuna bantu.

¹⁷⁴ Cindi, ta kakonzya kucicita kwiinda ku kwiiya kwa impi, kwiinda ku kuyisigwa, kwiinda ku lwiiyo lwasaayansi. Elyo kwiinda ku impi yalumamba ta kakonzya kucicita. Elyo Wa kamupa musako wakaindi uupilingene uuzwa mu lukula, elyo Wa kacicita a nguwe. Leza mu bubombe, buubauba! Leza wakali mu musako a muli Musa. Elyo kufumbwa kuti Musa waka jisi musako, mpawo Leza wakali uujisi, nkaambo Leza wakali muli Musa. Masimpe.

¹⁷⁵ Amubone, “Kutali kwiinda ku nguzu, nanka kwiinda—kwiinda ku bukozu, pele kwiinda ku Muuya Wangu.” Pele kwiinda ku lusyomo luubauba!

¹⁷⁶ Musa waka jisi kumvwisya kuti wa keelede kuba muvuni, kuzwa ku kwiiya kwa banyina. Elyo wa kaliyiisya mwini mu bukozu bwa impi, kucita boobu, pele caka kakilwa. Mwabona? Wa kajisi kumvwisya, wa kajisi lwiiyo, pele olo tii lwaka beleka. Aboobo wa kacita kuciluba coonse, a kuboola ku cintu cuubauba cakubweza Leza ku Ijwi Lyakwe, elyo mpawo wa kavuna bantu. Iiyi, munene.

¹⁷⁷ Leza uvuna kwiinda (kunzi?) lusyomo mu Ijwi Lyakwe. Lyoonse mbo kwakabede. Inga twaba a kulanga ikuti ni twali jisi ciindi. Tu jisi maminiti atandila ku makumi obilo amwi acilik. Twa kajisi...

¹⁷⁸ Inga twa bweza ii—ii kulanga kuli Kaini a Abela, obo cakuti—cakuti Kaini wakasola kubotezya Leza kwiinda ku bubotu bumwi.

¹⁷⁹ Nzila imbi, bantu njoba yeeya, “Kwiinda—kwiinda ku mambunga, mapati aasama kabotu, kwiinda ku mupaizi a—a... bakutausi basamide zikobela, makkwaya aasamide zikobela, a zyoonse i—i zya kulisamika, eco cibotezya Leza.” Sa inga mwabona nko cakazwida? Kaini wakasola cintu nciconya. Elyo wa kamuyakila cipaililo, kwiina kuzumbaunya kuti wacibamba kacili cibotu.

¹⁸⁰ Elyo muntu wakali sinizizye. Wa kakomba. Wa kayeeya, “Kufumbwa kuti Nke sinizizye, ta cipangi lwaandaano luli loonse.” Cila panga lwandaano. Ula konzya kolubide cakusinizya.

¹⁸¹ Amubone, wa—wa kayaka cipaililo eci alimwi wa, tandila mbuli, bikka malubaluba a kucibamba, a kubikka micelo

mibotu, elyo kayeeya, "Incobeni, Leza, mupati, uusetekene, uusalala uyo zumina cituuzyo eco." Pele, mwabona, wa kacicita a busongo bwakwe mwini. Wa kacicita ku miyeeyo yakwe mwini.

¹⁸² Elyo mbo cibede sunu. Wa—wa... Ba kacicita kwiinda ku busongo bwabo beni, kwiinda ku kwiiya kwabo, kwiinda ku lwiyyo a milao yabo yakulilemeka eyo njo bakaiya.

¹⁸³ "Pele Abela, kwiinda ku ciyubunuzyo, kwiinda ku lusyomo, waka tuulila Leza cituuzyo cibotu maningi." Taakwe cisalala kujatikizya ncico, kuciimo mbo cakalibonya, kukanana kwabuntu. I mulombwana muniini, a kumu kwempa ku nsingo a kumuvungaila musaansa, mbuli *boobo*, a kumu kwelela ku cipaililo eci. Kwakanyina cintu cibotu maningi kujatikizya ncico. Kumulazika aa cipaililo, alimwi kutenda kameneno kakwe kaniini kubelesya ii—ii bbwe libosya, kusikila bulowa bwakwe bwaka mu fwaamukila koonse, a walo kalila, kafwa. Kwakali kuboneka kusesemya, mwabona, ku cibona. Ca kali cuubauba, nekuba.

¹⁸⁴ Mu buubauba, wa kalizi kuti wa kazyalwa ku bulowa bwa banyina a bawisi, kuzyalwa ku bulowa bwa banyina, kwiinda ku bulowa bwa bawisi; nkabela bwakali bulowa bwakacitya kuwa, mbubonya bwakali bulowa bwaka kujosya. "Aboobo waka tuulila Leza cituuzyo cibotu maningi, nkaambo caka yubununwa kuli nguwe."

¹⁸⁵ Elyo bamwi bakwesu, sunu, abo bayeeya kuti ba kalya maapele a mapia! Elyo Nda kabona cintu cipyä maningi buzuba bumwi, mu mutende. Ba kati, "Lino ba kacitondezya kuti tee lyakali apele eelyeo—eelyeo Eva ndya kalya." Cakuti, Ndi—Ndi yeeya kuti bataminina kuteeti, "Lya kali aprikoti." Aboobo, oh, amubone oko muuya oyo nkouzwida!

¹⁸⁶ Elyo ba kati, kuti, "Musa taakwe naka zabuka ncobeni Lwizi Lusalala. Cakuti, cakali ii—ii cikungo ca matete kunselelo okuya, lwizi lwa matete. Elyo wa kainzya bana ba Israyeli aa lwizi lwa matete. Kusikila kumamanino a—a lwizi, kuli cikungo cipati ca matete kutala okuya. Elyo Musa waka zabuka lwizi, pele lwakali lwizi lwa matete ndwa kazabuka; nywebo mulizi, bwizu, bulamfu, mbuli buteteete a zintu, cakuti wa kazabuka kwiinda awo." Mbocili cabufuba!

¹⁸⁷ Kakuli, "I maanzi," Bbaibbele lyakati, "akaandaana kuzwa kululyo kuya kulumwesi, nkabela Leza wakacitya ii—ii muwo wanguzu uzwa kujwe ku kupambukanya." Mwabona? Mwabona?

¹⁸⁸ Balo, ba sola kucimvwisyä mu nzila yabo beni. Elyo nje nzila lyoonse njo baka kacilwa, alimwi bayo zumanana ku kacilwa. Nywebo mulizi, zintu ezi zyoonse!

¹⁸⁹ Elyo Kaini wakali cikozyanyo nciconya ca muntu uuyeeya cakunyama, uli mukombi caanze. Uyanda kucita cintucimwi

caanje, pele walo i... Ula njila cikombelo, alimwi—alimwi uyo cita zintu zinji zya i—i buyake.

Kuli Mbungano yomwe luzutu, nkabela Eyo toi sangani biyo.

¹⁹⁰ Aya masangabalilo. Mwabona? Musangana mu nsangabalilo zya Methodisti, nsangabalilo ya Baptisti, nsangabalilo lya Presbyteria, nsangabalilo lya Pentekoste.

Pele mula zyalwa mu Mbungano. Iiyi, munene. Mwabona?

¹⁹¹ Aya onse masangabalilo. Taali mambungano. Alo masangabalilo. Elyo kunyina cintu cili booboo mbuli “mbungano” ya Methodisti, na “mbungano” ya Pentekoste. Peepe, takukwe cintu cili booboo. Peepe, eco coonse cili lubide. Mwabona? Alo... Mbo mbubo. Alo, masangabalilo ayo bantu ngo basangana.

¹⁹² Pele mula zyalwa mu Mbungano ya Leza muumi, elyo oyo Mubili wa maseseke aa bukombi iwa Jesu Kristo uli mukupangwa.

¹⁹³ Lino, pele, caka botezya Leza kuyubununa maseseke Akwe kuli Abela, kwiinda ku lusyomo luubauba mu bulowa bwakatika. Oh, Ni Ndali jisi ciindi ca kukkala ali ceeco kwa kaindi kalamfu aniini. Mwabona?

¹⁹⁴ Nekubaboobo, elyo Kaini, abusongo bwakwe boonse, muntu uucenjede! “Oh,” nywebo mwati, “lino, Mukwesu Branham, wa amba kuti wa... Usola ku mubamba sibupampu musalesale?” Mbwa kabede. Wa kali cenjede... Mutobebe bwakwe—mutobebe bube bwakwe. Amulange bana bakwe. Umwi aumwi wabo wakali munasayaansi, a madokotela, a baalumi bapampu, umwi aumwi.

¹⁹⁵ Pele, nywebo amutobebe nzyalani ya Seti, bakali babombe, basimpulazi batengwani, abalimi, abamwi bambi, kuyabuya ku lunyonyooko.

¹⁹⁶ Pele bana ba Kaini yakali, nkamu ya bapampu bacenjede. Akwalo bala, ba taminina, kali kukonzya kuyumya mukuba, akupanga zibulo; abasikuyaka. Elyo bakali bantu bacenjede.

¹⁹⁷ Cindi—cindi, aba bamwi bamaalumi bakali kukkala buyo mu matente, a kweembela mbelele zyabo, a kukkala ku zisyomezyo zya Leza. Mwabona? Mwabona? Mwabona mbo cakabede na? Lino amutobebe buyo mizukulu muciindi cakatobela, a kubona ikuti na eco taciluleme. Mwabona? Baka kkala ku cisymezyo ca Leza.

¹⁹⁸ Nje nzila Nowa mbwa kasalwa, kuzwa ku musyobo wa bantu bali booboo. Eyo nje nzila Paulo mbwa kagusigma kuzwa ku buntanga bwakwe. Mwabona? Eyo nje nzila, John Wesley, Martin Luther, abamwi banji. Eyo nje nzila mbo muboola kuba mbuli mbomubede sunu, mwabona, cintu nciconya, cibombe, ku syoma cisymezyo ca Leza cuubauba.

¹⁹⁹ Lino, amubone, ca kabotezya Leza ku—ku zibya. Lino, Leza lyoonse uyo simpikizya na Mbwini naa pe. Mwabona? Lino, bantu banji basola kuli njizya beni mu cintucimwi eco Leza nca tantamuka kwa mamaile ali milioni. Mbo mbubo. Pele cindi mwabona Leza kujokela acilao, kwaamba Nca...ku Ci zumina, kwaamba kuti, “*Mbo mbubo, Mbo mbubo, Mbo mbubo*,” mpawo mulaziba kuti Obo mbwini.

²⁰⁰ Lino, cindi milumbo niyali aa cipaililo, Leza wakaka muzeego wakwe wabupampu kujatikizya Leza. Pele cindi Na kabona Abela, kwiinda ku lusyomo luubauba lwa kusyoma kuti takali maapele na micelo yamu muunda, pele bwakali bulowa; kwiinda ku lusyomo wa kacisyoma, kwiinda ku ciyubunuzyo kuzwa kuli Leza. Leza wakasimpikizya Adamu kwiinda ku kuzumina cituuzyo cakwe. Mwabona?

²⁰¹ Mpe mpawo mpotu yeeya ku kombela baciswa, kufumbwa cintu cimbi. Jesu wakati, “Ikuti na mwa kkalilila muli Ndime, a Ijwi Lyangu muli ndinywe, amulombe buyo kufumbwa ncomu yanda elyo ciyo citwa kuli ndinywe.”

²⁰² Lino mbuli mbo tuyu buselemuka kwini, cakubinda lino, twa syaazya maminiti ali makumi obilo.

²⁰³ Amubone, buzuba bwa Eliya, Leza wakasala kulisia Mwini mu muntu ubombede. Lino amu ciyeeye buyo. Leza wakasala. Oko kwakali kusala Kwakwe. Amuyeeye, baka jisi bama rabi, bapaizi. Ba kajisi bantu bapati mu mazuba ayo. Akwalo Mwaami Ahabu, lwakwe, wakali mu Juda. Wa ka jisi bantu bapati mu cisi, mu buzuba obo. Pele Leza wa kalisia Mwini mu muntu mubombe; kutali sicikolo mupati; peepe, kutali muntu ulaampupo yamu inyika, umwi sibupampu mupati wampi na cintucimwi; peepe, taakwe zina pati. Ta tuzi akwalo na bawisi a banyina bakali bani. Ta tuzi nociba cintu ca mizukulu yakwe. I mudaala mulimi buyo uutakweankwaya, oyo wakakomezegwa ku bukanze bwa kuba musinsimi. Leza waka mucitya kupona alikke mu nkanda. Cintu biyo ncotuzi, wa kazoo yutuka buyo kuzwa akutazizilwe, akunjila moonya akutapatila ciyanza coonse cabupaizi bunakristo. Ma!

²⁰⁴ Elyo sena mulizi eco ncoba kayeeya kujatikizya nguwe? “Ino ncikolo nzi nkwa kazwida?” Mwabona? “Ino uli antoomwe a kabungwe nzi? Sa ula ba Farisi, Basaduki,” na bamwi bambi mboba kajisi? Taakwe nakali kuzulilwa kuli komwe kabo, pele waka tapatila cintu coonse. Mwabona? Leza wakasala kucita ceeco.

²⁰⁵ Pele, mwaalumi mubombe, kunyina Iwiiyo. Ta tukwe busena oko nkwa kasola kuunka ku cikolo. Ta tu jisi cintu kujatikizya nguwe. Muntu mubombe buyo, pele Leza wakasala kulisia mu muntu oyo mubombe. Leza, kaindi eelyo, a muntu oyu mubombe, kulisia mu muntunsi. Sena mula konzya kucimvwisya kumaninina? [Mbunga yaamba, “Ameni.”—Mul.]

²⁰⁶ Leza kalisisa mu “muntu utayiide wamizeezo myeenzu,” ku inyika. Nkaambo, nywebo mulizi, ba—ba ka mutamizya zintuzyonse, akwalo kuba “mulozi,” Eliya. Basinsimi boonse bala tamikizigwa, obo, mwabona.

²⁰⁷ Aboobo, Jesu waka tamikizigwa kuba umwi, nywebo mwabona, “Beezebule; kuba unyongene.” Kati, “Baa, uli sondokede. Inzya, tulizi kuti unjidwe dyabulosi. Yebo—yebo tokkwene mu kuyeeya kwako.” Mwabona?

²⁰⁸ Mpe mpawo Na kabaambila, “Cindi Cakusika mu mazuba aakumamanino, ikuti na bas...oko kuyooba kusanka, ku cita booboo.” Wa kabalekelela, pele taci kalekelelwi mu mazuba aya aakumamanino. Ce elede kuyo bbadelelwa, ku kwaandaana Kutamani, “Kunyina kulekelelwa, mu inyika eyi na inyika iboola.”

²⁰⁹ Pele Eliya waka langanisigwa mbuli mufuba. Sena inga mwezeezya kwiimikila ku...I—i banakazi boonse bakali kugela masusu mbuli mazuba asunu, Nda yeeyela, akupenta mbuli Jezebele, mukaintu wamuleli wacisi. Alimwi—alimwi bakambausi boonse kunjila zyanyika a zintuzyonse. Elyo mpawo ncinzi ca kacitika? Mpawo mpaawa kwa kasika Eliya mudaala, kutapatila cintu conse, nzila yoonse kuzwa kuli Jezebele kuya buselemuka.

²¹⁰ “Baa,” kayeeya, “ta twe elede kuswiilila kuli nduwe! Tuli jisi beembeli.”

²¹¹ Masimpe, teeба keelede ku, pele wa kali mweembeli wabo nekuba. Wa kali mweembeli wa Jezebele. Taa kali kuciyanda. Kwayanda waa kajisi musyobo waandeeene. Pele, pele, wakatumwa aa Leza, mbwa kabede. Mwabona? Wa kali mweembeli wakatumwa aa Leza kuli nguwe. Waa kamusula, pele wa kali mweembeli mbubonya buyo. Amubone.

²¹² Elyo Eliya wa kalibombya mwini aku kkala aceeco Leza nca kaamba, mu nzila ili booboo, cakuti cakabotezya Leza ku bweza Muuya oyo nguwenya kuzwa kuli Eliya a kusyomezya Kuu swenezya ziindi zyotatwe kunselelo lya mugwagwa. Mwabona? Amen. Elyo Wa kacicita. Amen. Masimpe, Wa kacita. Masimpe. Wa ka Usyo mezya, kuti Uyo boola. Elyo Wa kasika kuli Elisha, sikutola busena bwakwe; mpawo wakasika ali Johane Mubapatizi; elyo, kweendelana a Malaki 4, We elede kuba okuno alubo mu buzuba bwakumamanino. Mwabona?

²¹³ Leza wakauyanda oyo Muuya wakali ali sigani oyo, utayiide mubombe kuzwa kaindi okuya musokwe kubusena bumwi. Elyo, aboobo, Wa kali kuswiilila loko ku Ijwi Lyakwe, cakuti Wa kali kukonzya kwaamba kuti, “Eliya, cita ceeci,” nkabela Eliya wakali kucicita. Elyo Leza wakalisisa Mwini omuya, mu buubauba obo!

²¹⁴ Boonse baka mwaambila, “Ulya mudaala wamizeezo myeenzu, mutabi acintu ca kucita anguwe,” azimwi zimbi.

²¹⁵ Pele buzuba bumwi, cindi na—na kacembaala, amutwe wakwe kuujisi lubala, a zyakwe—a zilezu zyakwe kazilengelela, zyamvwi, amasusu masyoonto ngaka jisi kaalengelela ku makuko aakwe; maboko maniini akotede loko makulukulu, a nyama kulengalenga koonse mbuli booboo; kaboola kaya bweenda kuselemuka mu mugwagwa oyo kuya ku Samaria, ameso ayo kalangide ku mulengalenga, a musako upilingene mu janza lyakwe. Ta kali kuboteleyza loko kulanga, pele wa kajisi “MBUBOOBU MBWAAMBA I MWAMI” wa buzuba. Ta ka mamauka a Ndilyo. Ta kapengaana kwaambaula. Taakwe nakati, “Lino, Ahabu *mupati*.” Wa kaunka kutala akuti, “Kutali awalo mume uyowa kuzwa kujulu kusikila Ndi kawiitile.” Aleluya! Mwabona? Leza wakali zwidilizya buubauba bwakwe.

²¹⁶ Lino, nywebo mwabona, kuciindi nicakali mu nzila ngubauba, alimwi bantubonse—bantubonse kaba mulwana, bantubonse baka mukazya. Inkamu yoonse ya bakutausi, zintuzyonse zimbi, zya kamukazya, obo mbwini, kusola kumugwisya a zintuzyonse zimbi. Pele, mu buubauba obo, nekubakuti tiiba kajisi kubelekela antoomwe a miswaangano yakwe yanguzu kufumbwa zimbi nzya kajisi. Bantubonse bakayeeya kuti wakali muntu simizeezo myeenzu. Leza wakali kulisisa Mwini.

²¹⁷ Pele nicakasika ciindi cakuti mbuto eyo kuteeti ikomene, eyo ya kasyangidwe, Leza wakali yubulula Mwini kwiinda ku kutuma Mulilo kuzwa ku Julu akusyukuta cituuzyo. Leza kayuba mubuubauba, elyo mpawo kuli yubununa Mwini alubo. Mwabona? Masimpe. Ca kabotezya Leza kucita booboo. Wa kacita mu nzila eyo lyoonse. Iiyi, munene. Lino, tujana kuti Wa—Wa kasyomezya zintu ezi.

²¹⁸ I penzi ndya kuti, sunu, ku bunji bwesu tobantu, tu yanda kuba maningi, nywebo mulizi, basimaseminar, a basitubungwe, bamizeezo yakaiya maningi, cakuti Leza takonzyi ku tubelesya. Leza ula konzya kupa muntu ntalisyo yakucitila cintucimwi, aku mupa mulimo; cintu citaanzi nywebo mulizi, uyo unka kukutauka ceeco bantu nco baamba, alimwi, cintu citaanzi nywebo mulizi, uyo zambailwa koonse mu cikama cipati cazintu. Elyo mpawo Leza ugusya buyo maanza Aakwe kuzwa kuli nguwe, aku muleka alikke. Mwabona? Mwabona?

²¹⁹ Mpawo Uyosola ku Li janina muntu umbi, muntumwi uyo ucita. Mwabona? We elede kujana cintucimwi eco ciyo—ciyo bweza Ijwi Lyakwe, uybweza ciyubunuzyo Cabuleza a ku teenda a Ncico, uyo kkala mpoonya a Ijwi eelyo. Nje nzila eyo Nja—Nja cicita. Wa kacita mu nzila eyo lyoonse.

²²⁰ Aboobo cindi muntu cindi aba uyiide a mupampu loko, cakuti, usola kubikka bupanduluzi bwakwe mwini. Ee, mbuli mbobaamba, “I lubapatizyo lwa Muuya Uusalala,” bayooti, “oh, olo lwakali lwa buzuba bumbi.” Pele, ikuti na taba citi, ee, “Tii

lwakali lwa buzuba bumbi, pele, Njo mwaambila, Ta lubooli buyo mbuli Mbo lwa kacita aa Buzuba bwa Pentekoste. Tu tambula Muuya Uusalala cindi twa syoma.” Alimwi—alimwi a misyobo yoonse ya zintu mbuli zeezyo, nywebo mwabona. Elyo kwaambaula kujatikizya lubapatizyo mu Zina lyu Jesu Kristo, ba . . . oko Bbaibbele nkoli liyiisa mu nzila eyo; ee, nywebo mwati, “Ee, pele, seminari ilaamba! Elyo *Niini-a-niini* ulaamba!” Oko nkulimvwanyamvwanya. Mwabona? Leza takonzyi kubelesya muntu uli boobo. Mwabona?

²²¹ Ula konzya kulekela muntu kucitila buyumuyumu moonse mu cisi mbuli booboo, amuntu kutandwa a kusekwa, a kufubaazigwa, azintuzyonse mbuli booboo. Pele cindi kazekelo keni kasika, Leza ulabuka a kulisimpikizya Mwini moonya mu buubauba obo.

²²² Kubuka ncobeni, mbuli lubaluba. I mbuto, libonya kuti ilimanide kuli njiyo, ilafwa akuwida mu bulongo. Koisyta mbuto niini, elyo ili bolede, a kulibonya mbuli tombe. Pele kuzwa omuya kulasonsa buumi kuzyalulula lubaluba limbi alubo.

²²³ Leza mu buubauba. Ula cita cintu nciconya. I nzila iya mujulu njo iya ansi, lyoonse. Amulibombye nobeni. Uuta ambi kuti, “Ee, Ndi jisi *ceeci a ceeco*.” To jisi cintu. Koyeeya buyo—buyo, ikuti na ujisi luzyalo lwa Leza, koba buyo sikulumba kuli ndulo, a kuba mubombe kuli ndulo. Mwabona, kozumanana buyo kulibombya.

²²⁴ Lino Ndiyo elela kubinda, nkambo nkoloko . . . Nse yandi ku mukkazika kwa ciindi cilamfu, nkambo Nse yandi kumubamba kukatala, mwabona. Tujisi ciindi cilamfu nokuba kwiinda mu mvwiki eyi.

²²⁵ Lino, elyo lino tujana kuti bantu balaba bapampu a bayiide maningi.

²²⁶ Lino Ndi yanda ku mutondezya cimbi. I—i bamwi bainka kule loko ku lubazu lumbi, balaba basikwiindilizya, kusola kuba bakombi. Lino, tulizi tujisi nkamu eyo. Mwabona? Baunka ku lubazu lumbi.

²²⁷ Aawo Mpe impana a nkamu ya bakwesu abo bakazanduka kuzwa okuno kutali ciindi cilamfu cainda kuzwa ku i—i nzila ya Mumuni. Ba, tiiba kakonzya kubona cikankamanisyo kacicitwa cita mane bakali bambila nkamu beni, aboobo bakabungana mu Canada a—a kubamba nkamu ya bantu kuti bakali kuyo vozya akubamba baapostolo abasinsimi kuzwa kuli umwi aumwi, a zintu. Elyo yakawa ncobeni moonse. Mwabona? Elyo lyoonse ciyo cita. Mwabona? Ba laba . . . Bala limvwa kuti nkaambo kakuti bali . . . kuti taba . . . Bapa mulandu maningi ku zintu zimwi, a—a zintu, kusikila bala indilila kulaale ku lubazu lumwi. Mwabona?

²²⁸ Kuli lubazu lumwi olo lwa bupampu bwaatala, butontola a bwatuncimwa, balakaka zintuzyonse okuya. Elyo bamwi baunka

ku lubazu lumbi, ku lubazu lumbi a cikama ca nguzuuzu zya kunyanyamukwa, a kukaka Ijwi.

²²⁹ Pele Mbungano ini yabwini ilakkala mpoonya akati ka mugwagwa. Lino, ikuti mwalanga, ili—ili—ili jisi luzibo lwa Bbaibbele kuli ceeco Leza nca kaamba, alimwi nca—nca kumuuya kweelela ku kasaala mu moyo wanjiyo, alimwi mugwagwa buyo. Isaya wakaamba kuti iyooba munzila eyo. Wa kati, “Kuyooba mugwagwamupati...”

²³⁰ Elyo beenzuma bayandisi, basalala, balelekedwe ba mbungano ya Nazareni, inkamu niini yanguzu eyo Leza nja katalisya, pele ncinzi ncibakaba? Cindi Leza nakatalika kukanana mu myaambo mu mbungano, bakali bakombi maningi abalutaka maningi buyeeeyelwa kuba kabotu, cakuti baka ciita kuti “i dyabulosi.” Elyo sena mwakabona ca kacitika kuli mbabo? Mwabona? Mwabona? Ba, ba, “Basalala kwiinda mbo mubede.” Elyo—elyo aboobo tu jana kuti zyoonse zintu ezyo ziyooba mbuto akufwa mpoonya awo. Mwabona? Elyo i—i lubazu lumbi.

²³¹ Lino, lubazu lumwi luba sikwiindilizya. I lubazu lumbi luba lutontola abatamvwani.

Lino, Isaya wakati, “Kuyooba mugwagwamupati...”

²³² Elyo ba Nazareni, abunji bwa bantu bakale basalala, bakali kwaamba kuti, “I mugwagwamupati wakale ulelekedwe! Bulemu kuli Leza! Tuya bweenda kutanta mugwagwamupati wakale!” Pele, nywebo mulayeyea, obo embo ncobeni mbwa kaamba.

²³³ Wa kati, “Kuyooba mugwagwamupati, alimwi,” *alimwi nkuswaanganya*, “alimwi a nzila.” Elyo tai kaitwi kuti mugwagwamupati wa busalali, pele, “Inzila ya busalali.”

²³⁴ Lino, mugwagwamupati wabusalali, bantu basola kulibamba kusalala beni. Elyo cindi mwa cita, cili buyo mbuli Mbwe ambide, cili mbuli ii... Inga uyooba mbuli lubanze usola ku libikka mapepe aa nziba muli nguwe, kulipanga nziba, kakuli bulenge bwakwe bucili bwa lubanze. Mwabona? Walo, nci... Inga uyooba mbuli cikwangala usola kulibikka ii—ii mapepe aa nkwilimba, na piikokko, a kwaamba, “Nywebo mwabona, Ndili tuyuni muboto.” Mwabona, ncintucimwi capangwa.

²³⁵ Pele piikokko tapengani naa uyooba amapepe aa piikokko na pe. I nziba taipengani naa iyooba amapepe aanziba na pe. Kufumbwa kuti bupange bwayo kabuli bwa nziba, iyooba a mapepe aa nziba.

²³⁶ Elyo, mwabona, bantu babusalali batalika kwaamba kuti, “Ibanakazi beelede kuba amasusu malamfu akusama zisanzi zilamfu maboko, a—a zintu zyoonse ezi, amisinsi milamfu, a kutasama nweenwe zya micado na zya kulisakatizya zya musyobo uli oonse.” Mwabona, inga bwaba busalali

bwakuyeyela kuba kabotu. Mwabona? Mwabona? Obo—obo—obo mbusalali bwakulipangila. Pele Mbungano ini ya Leza muumi ila... Elyo amulange eco caka citika ku kabungwe. Lino boonse bajisi masusu ageledwe, mbuli ba Pentekoste, a—a zimwi zimbi. Elyo—elyo boonse ba, batandila, kusama nweenwe a zimwi zimbi. Amulange ba Pentekoste, myaka yainda, obo mbu bakaambaula ali ceeco, mwabona, alimwi, “Swebo, mbungano! Swebo, mbungano!”

²³⁷ I Mbungano Mubili wa Kristo. Ngwa mugame, akati ka bagame bamwi, abo bakazyalwa mu Bwami bwa Leza. Obo buzwa mukati kuyaanze. Bula ponwa cakulicitikila.

²³⁸ To lombi mbelele kuti imene boyo, na, kupanga boyo, Nkwe amba. I mbelele ta yeelede kupanga boyo. Ula ti, “Lino, simalela wangu uyanda kuti ndibe a boyo uno mwaka. Nde elede kupakasya.” Peepe, cintu biyo nca yeelede kucita nku kkala buyo mbuli mbelele. Mbo mbubo. I boyo buyo licitikila... Buya—buya... Iyo mena nkaambo ila...

²³⁹ Elyo ta tulombwi kupanga micelo. Twe elede kuzyala micelo, mwabona, kuleta micelo. Mwabona? Twe elede kuleta micelo. Elyo kufumbwa kuti koli cisamu ca Leza icamicelo, antoomwe a Ijwi lya Leza, Ijwi lya Leza liyo lisimpikizya Lini. Liyo leta micelo kufumbwa buyo kuti Ijwi kalili omuya. Jesu wakati, “Ikuti na mwakkalilila muli Ndime, a Ijwi Lyangu muli ndinywe, amulombe ncomu yanda elyo ciyo citwa.” Mwabona? Ta mu cipangi pe. Mutali nyanyamuzyi kuli ncico. Mubwini nkocili ncobeni, a kweenda kuyabuya a kuyabuya.

²⁴⁰ Lino atwe ende, kubindaana buyo lino, amaminiti buyo masyoonto asyeede, elyo mpawo tula jala.

²⁴¹ Lino, lino, bamwi balasakana loko mbuli kuba basikiindilizya. Lino, bala zumanana kuya ku lubazu lumbi. Elyo bayeeya kuti, nkaambo buyo kakuti balasotauka mujulu aansi, na kuba amusyobo umwi wakunyanyamukwa na kulimvwa, kukanana mu myaambo, na—na—na kupa cisinsime eco caka citika kululama, na cintucimwi mbuli ceeco, bayeeya kuti ngo Nguwe, kuti—kuti baka Uta mbula. Pele, tacili ncico.

²⁴² Jesu wakati, “Banji bayooza kuli Ndime mu buzuba obo, a kwaamba, ‘Mwami, sena Nse kasinsima mu Zina Lyako? Mu Zina Lyako kacita milimo minji, a kutanda madaimona?’” Wa kati, “Amuzwe, Nse kamuzi.” Mwabona? Obo embo. Obo embo, mweenzuma.

²⁴³ Nke kaambo... Elyo, myaambo, cizibyo? Nda syoma mu kukanana mu myaambo, pele Nse cibwezi kuba cizibyo cilikke ca Muuya Uusalala. Peepe, munene. I mucelo wa Muuya nce cizibyo. Mwabona? Inzya. Lino, nywebo mwabona, nke kaambo Nce impana a nkamu ya bakwesu ba Pentekoste, mu nzila eyo, eyo njobaamba, “Ikuti na muntu wakanana mu myaambo, ujisi

Muuya Uusalala.” Nda impana. Eco tacili citondezyo cakuti ujisi Muuya Uusalala. Mwabona?

²⁴⁴ Nda kaamvwa madaimona kakanana mu myaambo cakufwambaana buyo mbwa kakonzya kucita, kunywa bulowa kuzwa ku kapombo kamutwe wa muntu, akwiitila dyabulosi.

²⁴⁵ Nda kabona bama India kababweza nzoka a kuli zambaila azyo, mu i—mu i—mu cizyano camvula okuya mu Arizona; kutambika maanza abo mbuli *boobo*, aku zuzaana kuzunguluka ncobeni. I mung’anga ulabbunuka, kuli tendaula lwakwe. Alimwi kubikka penso ansi, elyo ila lemba mu myaambo itazizilwe, akupa bupanduluzi kuli njiyo. Mwabona?

Aboobo, muta, muta ndaambili ceeco. Nda komenesya kuli ceeco. Mwabona?

²⁴⁶ Aboobo i—i mucelo wa Muuya nci-... Jesu wakati, “Kwiinda ku micelo yabo,” kutali myaambo na kulimvwa, “pele kwiinda ku mucelo wabo moyo baziba.” Mwabona? Aboobo oyo ngo mucelo wa Muuya. Ngu Leza kali vungulula Mwini mu bubombe, bubotu, alimwi buzuba abumwi mbubonya. Ncintucimwi kujatikizya ncico, muntu uukkala ncobeni a Ijwi. Ciindi acimwi ncakuti ubona Ijwi, ula Li zuminha kubelesya “ameni,” takukwe makani eco bantu bamwi nco baamba. Nkuti, ula Li syoma, nywebo mwabona. Yaa. Mwabona?

²⁴⁷ Pele tulasakana maningi loko, mpawo, kuyaamina ali zyakwiindilizya, nkabela Saatani ulasika akati ka bantu. Oyo mulimo wa Saatani. Elyo ngu simakwebo muboto. Elyo ulasika akati ka bantu, kuba bamba kuyeyya kuti bali Ujisi nkaambo kakuti balakonzya kusotauka mujulu aansi. Elyo mpawo kosulaika simukobonyokwe? Peepe. Mwabona?...ku—ku kwaamba zintu, a kukanana mu myaambo cabubotu loko, a zintu mbuli zeezyo.

²⁴⁸ Elyo, amuyeeye, mulakonzya kukanana mu Muuya Uusalala wini elyo nekubaboo kamuta jisi Muuya Uusalala. I Bbaibbele lya kaamba boob. “Nekubakuti Nda kanana a myaambo ya bantu aya Baangelo, elyo nketa jisi luyando, ta cindigwasyi. Ndiba mbuli mulangu uulila, a cizyano cicokola cokola.” Bakorinto Bataanzi 13. Mwabona? Aboobo tamu...Oko taku cicit, mwabona.

²⁴⁹ Iba Methodisti bakati, “Cindi nitwa kaongolola, twa kali Ujisi,” pele tiiba kacita. Ba Nazareni bakati, “Cindi niba kapona cabusalali, bakali Ujisi,” pele tiiba kacita. Iba Pentekoste bakati, “Tula kanana mu myaambo; twa ka Uta mbula,” pele tiiba kacita. Mwabona? Mwabona?

²⁵⁰ Leza, kalivungulula Mwini, kutali mu kunyanyamukwa. Peepe, kuti...Kunyanyamukwa, nekubaboo, uli a Nguwo. Sena mwabona busena? Walo Uba buyo uubombede maningi mane uli oonse ulakonzya Kuu bona, ikuti na to—ikuti na to soli

kubikka, kunjizya muzeezo wako wini muli Nguwo, wabona, a miyeeyo yako ini. Ngu Leza.

²⁵¹ Lino, elyo mpawo balaba cikama ca basikwiindilizya. Mpawo, *mbaaba* batulengwa tutontola ku lubazu olu; *mbaaba* basikwiindilizya ku lubazu lumbi; elyo *ngooyu* Nabwiinga waunka nkoonya kugama kwiinda muli coonse, kwiita kuzwa ku mabazu oonse obilo. Mbo mbubo. Leza ka Li simpikizya mbuli Mbwa unka antoomwe, Ijwi Lyakwe.

²⁵² Lino, oh, Nde elede kusotoka zimwi ezi nkaambo Ndi jisi zinji awa. Alimwi Ndi—Ndi jisi... Ciindi cangu camana. Njo bindaana cakufwambaana mbuli Mbwe konzya lino.

²⁵³ Kuzwa ku Edeni, kuzwa ku Edeni caboola, caka—caka sinsimwa kuti kwakali kuboola Mesiya; lweendo loonse kuzwa ku Edeni.

²⁵⁴ Lino Ndiyo sotoka amwi Magwalo aangu masyoonto Nge lembede awa, a bulembro, kumanizya buyo Mulumbe, mu ciindi, ikuti na Nda konzya. Leza kayuba mu bubombe. Lino, Ndiyo ambaula kufwambaana, pele, nekubaboobo, Ndi—Ndi yanda kuti mu cijate eci. Mwabona?

²⁵⁵ Kuzwida mu Edeni, kwa kasinsimwa kuti kuyo boola Mesiya. Kwakali aambidwe kumbele musyobo wa muntu Mbwa keelede kuyooba. Inga twa indilizya kwaciindi cilamfu. Nywebo mulizi Bbaibbele, obo Mbwa yooba, musyobo wa muntu Mbwa yooba. Musa wakati, “I Mwami Leza wanu uyo busya Musinsimi, mbuli ndime.” Ba kalizi kuti oyo Mesiya wa keelede kuyooba musinsimi, musyobo wa mulimo Ngwa kali kuno jisi a Nguwe. Basinsimi boonse ba kaamba kwa eco Nca kali kuyo cita. Ba kacaamba mu ziiminizyo. Elyo cakainka kulaale atala lya mitwe yako, a kwiinka kulaale kunsi lya bamwi babo. Mwabona? Mwabona? Kainka kunsi lya umwi, alimwi atala lya umwi umbi. Mwabona?

²⁵⁶ Ku ciindi eco ni Ca kasika aa cilao ca ciindi, bantu oko Nkwa katumidwe baka jisi bupanduluzi bwabo beni bwa ceeco Mbwa keelede kuba, mu bupanduluzi bwabo beni bwakuyeeyela.

²⁵⁷ I Bbaibbele tilya kacinca. I Bbaibbele lili mbubonya lyoonse. Nke kaambo Nce ambila kuti, “I Lugwalo lwakati, nkabela Ndila kkala a Ndulo, ‘I Bbaibbele tali jisi bupanduluzi bwa kumuntu omwe.’”

²⁵⁸ Aboobo, ba Methodisti, ba Baptisti, ba Pentekoste, muta soli kubikka bupanduluzi bwanu kuli Ndilyo, kwaamba, “Ta lyaambi Ceeco. Lya amba ceeći.”

²⁵⁹ Lya amba buyo eco nco Lya kaamba, mbubonya buyo. Muntu umwi wakati, “Mboluti mbo cikonzya?” Ta ndizi nzila. Oyo tali ndime weeledge kwaamba ceeco. Ngu Leza weeledge kumamela ceeco. Walo ngo Nguwe Wa kacaamba, kutali ndime, mwabona, elyo Uyo mamela Cakwe Mwini.

²⁶⁰ Pele lino, pele, oyu Mesiya wa kasinsimi. I basinsimi ba kaamba obo cigaminina Mbwa keelede kuboola, eco Ncayo cita cindi Aku boola. Pele, bupanduluzi bwabo beni bwakumbali bwa ncico, akati ka bantu! Elyo cindi Na kasika, Wa kali mu nzila eyo ngubauba, mu buubauba, kusikila nkamu yoonse yakali fumpula kuli ncico. Sa mbo mbubo? [Mbunga yaamba, "Ameni."—Mul.] Okuya, abo baalumi baka yiisigwa . . .

²⁶¹ Ii muntu takali kukonzya kuba mwiiyi, mupaizi, citakuti wa kazyalwa ku mukowa umwi, wa Levi. Elyo, amuyeeye buyo, basyaanyinakulu bapati-bapati-bapati-bapati-bapati bakali bapaizi, kaba kkede moonya mu Ijwi eelyo, mu tempele, sikati a masiku.

²⁶² Mbuli mupaizi na mukutausi wa Katolika oyo wa-wa mukutausi wakapegwa kukona, kuzwa ku nzyalani, ku mambungano amwi, azimwi zimbi, "Basyaanene bapati-bapati bakali ba bishopo ba Methodisti. Basyaanene bakali ba bishopo, azimwi zimbi." Mwabona?

²⁶³ Boonse abo, baka ponena kabotu mu Ijwi, pele baka panga nzila yabo beni ya ncico. Elyo bana babo baka citambula kuzwaku nzila eyo bamatata mbo baka ciyiisya. Kusikila, bamatata baka ciyiisya kuzwa munzila iini, elyo bakabamba kabunga ka ncico, mane, cindi Muuya niwa kasola kutondezya Bwini, tiiba kakonzya ku Bu tambula.

²⁶⁴ Elyo nce cintu nciconya asunu. Nse pandululi kuba sikunyemya, pele cili kabotu. Nce cintu nciconya asunu. Ba cipanga loko—kuyuma kumvugwa kabotu, a—a nzila imwi imbi. Ba yiisya babo... Mbubonya buyo mbukwa kaambwa kuti, "Leza tajisi bazukulu pe." Sena mulizi obo? Leza ujisi banabasankwa, alimwi Ujisi banabasimbi, pele taakwe bazukulu basankwa a basimbi. Muntu aumwi weelede kubbadela muulo nguwenya akuboola nzila njiyonya. Mbubonya mbuli bauso mbu bakacita, mbomweelede anywebo.

²⁶⁵ Lino, aboobo, Wa kali mubombe loko. Cindi oyu Mesiya... Nkambo kwa myaka ili zyuulu zyone, musinsimi aumwi wa kakanana zya Nguwe; Davida wa kaimba zya Nguwe, elyo muciindi coonse cakatobela. Elyo cindi Na kasika, bantu baka jisi muzeezo wabo beni wakapangidwe, eco Nca keelede kucita, obo Mbwa kali kuyo cita. Obo mbuca kapandululwa coonse, ku dulowing'wa azipepa zijisi madayagiramu a zintuzyonse, mane, cindi Na kasika mu nzila eyo ini ngubauba, ca buyo-ca kanyonganya buyo lwiiyo lwabo lwa bukombi. Mwabona, tiiba kacizi.

²⁶⁶ Wa kasika kweendelana a Ijwi. Lino, sa mula syoma kuti Leza waka kanana kwiinda mu basinsimi, kuti oyo Mesiya wakali kuyo boola mu nzila imwi? Ca bija loko kuti ta tujisi kutandila oora limbi lyakuti nitwa konzya kwiindamo awo akupandulula obo mbu cakabede. Mwabona? Toonse tulizi obo

mbu cakabede, nokubakuti, bunji bwesu. Obo Leza mbwa kaamba kuti Uyo boola, elyo obo kuti, "Yebo, Betelehemu waku Judea, sa toli muniini akati..." Elyo muciindi coonse okuya, aboobo Mbwa kali kuyo cita, aceeco Nca kali kuyo cita. Mwabona?

²⁶⁷ Elyo, nekubaboo, Wa kali mubombe loko! Mane, abo basicikolo bapati baka cimvwisyua munzila ipilingene, mane baka ciimpya. Pele, nywebo mulizi kuti Jesu taka boola kwiiampa ku Ijwi. Wa kaboola kweendelana a Ijwi, pele kwiiimpene ku bupanduluzi bwabo. Mwabona? Wa kayiisya zintu ezyo zyakali kulwana kuyiisiga kwabo kwa bukambausi kujatikizya Nguwe.

²⁶⁸ Lino, ba kati, lino, kupa mukozyanyo, "Cindi Mesiya aboola, incobeni, Uyo yutukila ku tempele akuti, 'Kayafasi,' na kufumbwa na nguni mupaizi mupati, 'Nda sika.' Uyo boola aa kusaliyuta kwa Baangelo bali mamilioni ali kkumi. I Leza uyooti, 'Yaa, balombwana, kunselelo oko, muli ncobeni ii—ii mbungano yanguzu. Muli bantu Bangu. Ndiyo kungulusya cakuguja awa akulekela tuzila tuniini twa Julu kuseluka. Ndi tuma Mesiya kuli ndinywe, cifumo cino. Nda ilekela kuselukila awo mpoonya aa lubuwa, nkabela bantu boonse bala bungana.' Kwaamba, 'Mwiyyi *Niini-a-niini*, yebo a Mwiyyi *Niini-a-niini*, mula konzya nyoonse kwiiima kumpela, ku Mu juzya lutaanzi, nywebo mwabona."

²⁶⁹ Lino eco ambweni ncintucimwi mbuli mbo bayeeya sunu. Lino, Ndi lizi nciniini... Cili mvwisya kutaba kabetu aniini. Pele ta Ndi... Ndi sola kubamba muzeezo.

²⁷⁰ "Elyo—elyo, awo, nje nzila mbo ciyooba. Elyo ikuti na ta cibooli mu nzila eyo, ta ciluleme; kwalo nkulwanakristo. Mwabona? Ikuti na tacibooli buyo mu nzila eyo, kwalo nkulwanakristo, nywebo mwabona, aboobo ta cikabi. Elyo aboobo, mpawo, kuyooba ii... Mpawo, cintu citobela kuseluka, kuyooba kusaliyuta kwa Baangelo batandila ku zyuulu zili mamilioni ali kkumi, ankamu zyabo zyabalizya nyimbo. Elyo bayo selukila awo aa bbuwa, oko Solomoni nkwa kayaka tempele, elyo, oh, koonse mujulu ansi kwiinda waawa, obu busena busalala oko basalali abasongo nkoba kafwida, a bamwi bambi!"

²⁷¹ "Iiyi," Jesu wakati, "nywebo basikuupaupa! Nywebo nobana ba dyabulosi!" Kati, "Mula botya zyuumbwe zya basinsimi, alimwi bamauso baka babikka mukati omuya." Mbo mbubo. Mbo mbubo. Mwabona? "Mbangage bantu baluleme a basinsimi baka tumwa kuli ndinywe, elyo nekuba booboo mwaka bajaya boonse babo!" Mwabona? Pele mbaani Mba kali noita kuti "balulami"? Balo, ezyo nzo baita kuti, "basikiindilizya a basimizeezo myeenzu." Iiyi.

Okuya, baka yeeya kuti nicakaboola mu nzila eyo.

²⁷² Pele, cindi, Na kasika mu cilido ca banyama, kazyalwa kuli ii—ii nakalindu, a simufala buyo wa mapulanga uzizilwe kuba wisi kukulelwa buyo, alimwi ii—ii musimbi, muniini utazizilwe. Mwabona, kutali mwanamusimbi wa mupaizi mupati, na umwi umbi. Wa—Wa kaboola mbuli... kuzwa ku mulindu muniini oyo wa kali kukkala kunselelo mu i—mu cisi cakaindi, cisyoonto cuubaukide ca Nazareta. Elyo sikufwidwa mwaalumi; mukaintu wakwe wakalifwide. Wa kajisi bana; Josefa. Elyo—elyo waa kali tangidwe. Elyo mpawo Wakaboola azina bbi, kukutalika. Bakaamba kuti Wa kazyalilwa musokwe. Oh, ma!

²⁷³ Eco cakauma bubotu bwabo canguzu loko. Mwabona? Milao yabo yakulilemeka iya lwiyo tii ya kakonzya kuzumina ceeco. Bupanduluzi bwabo bwa Magwalo tii bwakazi cintu kujatikizya ceeco, pele nekubabobo cakali MBUBOOBU MBWAAMBA I MWAMI. Oh, ma!

²⁷⁴ Kula ndibimbya, ku ciyeeya, a kubona cintu nciconya kulaloolola alubo. Leza takonzyi ku cinca.

²⁷⁵ Ya kkwana kale twelufu, pele Ndi... Sa inga mwa, na, sa Ndileke, na kuzumanana buyo? [Mbunga yaamba, “Peepe.”—Mul.] Oko... Ndamu lumba. Amukkalikile aniiini buyo, mwabona. [“Kuzumanana ncobeni kuyabuya.”] Lino, oku nku, Ndi bikka ntalisyo ya cintucimwi awa ca Mulumbe uboola, mwabona. Elyo Njo sola ku muleka kuzwa cakufwambaana buyo, ambweni kwa maminiti atobela ali kkumi na kkumi aosanwe, ikuti na tula konzya. Leza amulongezye.

²⁷⁶ Amubone, lino, ncuubauba loko, kuti ca—ca—ca kaimpya buyo mbaakani, iya mbabo. Pele cakauma mbaakani ya Leza. Mwabona, cakauma Ijwi. Wa kasika mbubonya buyo mu nzila Nja kaamba. Pele, ba, bupanduluzi bwabo bwa ncico bwakali lubide. I bupanduluzi bwa munununi mu ciindi ca Musa bwakali lubide. I bupanduluzi mu ciindi ca Nowa bwakali lubide, mwabona, pele Leza uboola kweendelana a Ijwi Lyakwe.

²⁷⁷ Elyo mpawo Jesu waka boola, elyo Wa—elyo Wa kayiisia zintu zya kaimpene. “Ikuti na Nduwe Mesiya, cita ceeci a ceeci,” nywebo mwabona. “Ikuti na Nduwe, kosaluka kuzwa ku ciingano aku citondezya kuli ndiswe lino.” Mwabona? Pele Leza tasangabalisyi bantu. Leza ucita buyo zintu zibotezya aziluleme.

²⁷⁸ Ba kali kuyeyya kuti Uli boobo uyo eelela kuboola a kusalyuta kupati kwa Baangelo. Pele Wa kaboola kwiinda mu cilido ca banyama. Elyo, ku milao yabo yakulilemeka yakalondolwa, cakali cabufubafuba ku muntunsi wabuyo kuyeyya kuti Leza Singuzuyonse, Jehova mupati singuzu, Oyo wakali mwini wa nyika a kulenga cintu coonse, takali kukonzya kubamba busena bwakuzyalilwa Muvwanda Wakwe Mwini, bubotu kwiinda caanda ca ng’ombe atala a cilwi ica mafumba. Mbobuti mbo kwakali kukonzya kuyo...? Mwabona?

²⁷⁹ Ino cakali cinzi? Leza mu buubauba. Eco nci caka Mu bamba kuba mupati maningi. Mwabona, milao yakulilemeka iya lwiiyo taikonzyi kuli cesya iini mbuli boobo; mwabona, tai konzyi kwiima. Pele Leza mupati maningi cakuti Wa kalileta aansi Mwini kuli ceeco, kaatakwe akwalo zisani zya kusamika Muvwanda Wakwe Mwini. Amu ciyeeye! Elyo inyika... Kwakanyina busena mu kahotela kaniini. Elyo Wa kaunka mu cilido ca ng'ombe, kakkota kaniini—kaniini, ii—ii mpangala niini, mbuli, kunze ku lubazu lwa cilundu. Elyo awo atala aabulo bwa makuba kwakaboola Mwana wa Leza. Oh, oko kwakali kwiindana kunji kuzwa ku muswaangano kutala okuya...

²⁸⁰ Elyo banyina Bakwe bakali kutandila kuba mutumbu. Waa kajanwa kuba mutumbu, oh, myeezi kabatana kutangana akwalo kuti bakwatane, na, akwalo kukwatana. Mwabona? Waa keelede kuyooba mutumbu. Elyo bantu baka cibona, alimwi bakalizi kuti cakali munzila eyi. Elyo, Maria, mu moyo wakwe wini, waa kalizi cakali kucitika.

²⁸¹ Elyo Josefa takamvwisy. Pele Angelo wa Mwami wakeza kuli nguwe masiku, kaamba, "Josefa, uli mwana wa Davida. Ta yoowi kulibwezela Maria mukaintu wako, nkambo eco tacili cintu cibi, pele eco nca Muuya Uusalala." Eco cakacibamba. I mwaalumi, Josefa, a luswaanano luli boobo kuli Leza, mane Leza waka konzya ku kanana kuli nguwe.

²⁸² Pele sunu tubweza majakete esu aa bupaizi atu vumbilide maningi kusikila taakwe cikonzya ku kanana kuli ndiswe, anze lya nkamu ya bupaizi nko tuzulilwa. Nse yandi kuba silunya na kwiimpana, aboobo Ndiyo cileka buyo eco cilikke mpoonya awo. Amubone. Pele mula mvwisy eco Nce pandulula. Amubone.

²⁸³ Ii cilido cabanyama cakali cisesyo, kuli mbabo, bayiide loko. Ta tu jisi nobuba bulunguluzi oko Nkwa kajanika buzuba bomwe ku cikolo; elyo nekubaboo, aciimo ca myaka yakukomena ili kkumi aibili, Mulombe uutakweankwaya wakanyonganya akugambya bapaizi mu tempele, kwiinda ku kuiyiisa Kwakwe. Oh, ma! Ino cakali cinzi? Leza kalisia Mwini mu bubombe. Ndi limvwa cabukombi loko ndyoonya lino. Leza kalisia Mwini mu caanda. Leza kalisia Mwini mu Muvwanda muniini. Mwabona? Amulangilile, ciyoletwa atuba, kwainda kaindi, nokuba, mwabona.

²⁸⁴ Wa kacita ku.... Wa....oko Nkwa kaunka mu tugwagwa. I bazyali, taakwe kudonaika, bakali kunga baambaula a kwaamba, "Muta noosobani a kana ako. Mutabi a cintu cakucita anguwe. Banyina Bakwe tabali cintu pele mwaamu uuzizilwe, mwabona. Elyo, bawisi a banyina, imuvwanda wakazyalwa.... Kabatana ncobeni a kukwatana, waa keelede kuba mutumbu. Imutabi a cintu cakucita ankako."

²⁸⁵ Ino Mariya wakayeeya! Pele, koonse, takukwe makani eco baanze ncoba kayeeya, waa kayeeya kabotu zintu ezi zyoonse. Baka cisisa mu moyo wabo. Ba kalizi. Tii bakakonzya ku cisampaula.

²⁸⁶ Leza ulakanana ku muntu Wakwe, ciindicimwi, kwaamba, “Ko umuna. Uta ambi cintu kujatikizya ncico.”

²⁸⁷ Nda kalijisi bantu mu muswaangano wangu kabati, “Ee, ikuti na uli mulanda wa Kristo, ula ziba kuti *eci* cilacitika okuya.”

²⁸⁸ Masimpe, Nda kalizi cakali kucitika. Pele mpawo ncinzi neyo cita cindi Aamba kuti, “Ko umuna. Taambi cintu kujatikizya ncico”?

²⁸⁹ Kabweza baalumi bamwi buzuba bumwi, aku batondezya, aa bbuku. “Cintucimwi ca kaambwa, myaka yainda,” Nda kaamba.

Kati, “Ee, Nse kakonzya ku cimvwisya.”

²⁹⁰ Nda kati, “Nywebo mwabona okuya?” Nceeci mbo cakabede, kaindi okuno, cili lembedwe buzuba azintuzyonse, cindi nica kacitika kaindi okuya. Bantu banji baka cibona aa bbuku awo. Nda kati, “Ciyo boola kucitika kuti *eci* ciyo cita mu nzila *eyi* a nzila *eyo*.”

²⁹¹ Kati, “Ee, nkaambonzi to kaamba cintucimwi kujatikizya ncico?” Ni caka city-...Ca keelede kuba mu nzila eyo. Mwabona?

²⁹² Elyo Josefa wakazi bwandeene. Wa kalizi Oyo Muvwanda nkvakali kuzulilwa. Maria wakalizi Walo Nkwakali kuzulilwa. Jesu wakalizi Oyo Wisi Wakwe kuti wakalini. Ino Wa kaamba nzi? “Nde elede kucita mulimo wa Taata Wangu.” Kutali kufala zisamu a—akupanga citendele; pele kucita mulimo wa Wisi Wakwe. Ameni. Kaamba kuti kuli banyina Bakwe, “Sa tamu mvwisyi kuti, Mebo, nciindi Cangu cakucita mulimo wa Taata Wangu?”

²⁹³ Lino, ba kayeeya, “Oyu Muvwanda muniini utabotelyi...” Kufumbwa muvwanda wakazyalilwa musokwe ubaanga ulagambya, cintu ceenzu, nekuba. Elyo mpaawo we, mwabona, pele, Leza kalisisa Mwini. Amuswiilile. Leza kalisisa Mwini muli ceco cakali kuyeyelwa, kuba ca nyika, mbuli, “Busofwi, cabubi, cita luleme.”

²⁹⁴ Amulange, Leza kalisisa Mwini mu kubola kwa mbuto ifwide, kuti alete buumi. Mwabona? Sena mwa cimvwa?

²⁹⁵ Leza ulalisisa Mwini mu bubombe, mwanakazi muubauba sikuwacilila zisani zya bantu. Na mwaalumi wabuyo a cilalilo cakwe ku janza lyakwe, kumyonta mukaintu wakwe a bana bakwe kuteeti a musyaale kabotu,akuunka okuya, elyo ambweni kulisia Mwini mu muntu oyo ku kucita cintucimwi eco archibishopo nca takonzyi kuziba cintu kujatikizya ncico.

Mwabona? Ta mu Mumvwi kulizya mpeta a ku cimwaya. Walo, Leza, ujana buyo bulemu, kwa mana. I babombe bala cimvwa elyo bala kondwa, mwabona.

²⁹⁶ Lino, Leza wakali kulisisa Mwini mu buubauba bwa Muvwanda, kalisisa Mwini mu buubauba bwa ii-ii bwa mukwasyi uzizilwe. Leza! Elyo bapaizi babukristo, a bantu bapati, basongo, sibupampu musalesale, a—a boonse babo, a ba Heroda, abamwi bambi, ba buzuba obo, a ba Nero, elyo boonse tii baka cimvwisyia pe. Leza kalisisa mu buubauba.

²⁹⁷ Lino, cakufwambaana. Johane Mubapatizi, muli Isaya 40. Inga twa cijana ikuti na mwayanda. Malaki 3. Oonse, inzya, amu ceengele ikuti na mula yanda. Isaya 40, oonse, nywebo mulizi, kakanana luumuno ku i...mbuli mbo lubede. Ambweni Nda... Inga cabota kuti Nda—Nda—Nda cibala mpoonya awa, ikuti na mujisi—mujisi ciindi cinji boobo. [Mbunga yaamba, “Ameni.”—Mul.] Atu cicite, mu kaindi buyo kaniini. Tuyo jula awa mu Bbuku lya Isaya, cipati ca 40, a—a kubala awa akubona buyo eco ncaamba. Amulange awa, “Amuumuzye, amuumuzye bantu bangu.” Lino, amuyeeye, eyi yakali myaka ya myaanda ili ciloba aili kkumi aibili. Amulange mutwe atala awo, mwabona. Myaka ya myaanda ili ciloba aili kkumi aibili, ngooyu musinsimi kakanana nguwe.

*Amu umuzye, amu umuzye bantu bangu, mbaamba i
MWAMI.*

*Kokanana majwi aakuumuzya kuli Jerusalema, aku
mulilila, kuti inkondo yakwe yamana, kutegwa bubi
bwakwe bujatilwe: nkambo waa tambula... i janza lya
MWAMI ziindi zyobilo ku zibi zyakwe zyonse.*

*I jwi lya nguwe... lyoompolola mu nkanda,
Amubambe nzila ya MWAMI, amululamika kazila kakwe
mu lukula, mugwagwamupati wa Leza wesu.*

*Elyo makkuti oonse ayo sumpulwa, nkabela
malundu oonse a zilundu ziyo fwiinsigwa: azi
pilingene ziyo bambululwa, acincimene... ayo bambwa
kweezyanisigwa:*

²⁹⁸ Oh, ma, ma! Ino wakali muntu wakeelede kuyooba! Mwabona? Lino amujule kuli Malaki, a ndime, Bbuku lyamamanino lya... wamamanino ku basinsimi bamu Cizuminano Cakale. Lino, muli Malaki, amuswiilile awa. Malaki ula cibweza, ku ciindi camamanino buyo, aboobo amube masimpe kuti muta cilubi. Malaki, cipati ca 3.

*Amubone, Njo tuma mutumwa wangu, elyo uyo
bamba nzila kumbele lyangu: nkabela Mwami, ngo
muyandaula, uyo yutukila ku tempele lyakwe, akwalo
mutumwa wa cizuminano, oyo ngo mubotelwa mo:
amubone, uyo boola, mbwaamba MWAMI wa makamu.*

²⁹⁹ Uci kanana Johane, “Tuma mutumwa Wangu kumbele Lyangu, ku bamba nzila.” Jesu waka cikanana, muli Matayo 11:10, kati:

Ikuti na mulakonzya ku citambula, ngooyo wakaambwa, *Amubone, Nda tuma mutumwa wangu kumbele lyabya bwangu,...*

³⁰⁰ Mwabona? Mbombubo. Lino, obo koonse oku mbu kwa kaambwa! Cindi, yakali myaka ya myaanda ili ciloba, kwa keelede kuboola sikusolola kakutanaba Mesiya. Pele cindi na kasika aa cilao, mu buubauba obo, baka mwiimpya. Baka mwiimpya.

³⁰¹ Lino, amuyeeeye, wa kali mwana wa mupaizi. Ee, amulange mbu cakali cisesyo kuli nguwe kuta tobela incito ya bawisi, kujokela ku seminari. Pele mulimo wakwe wakali tuyandisi kapati. Aa myaka ili fuka yakukomena, wa kaunka mu nkanda. Elyo wakazwa, kakambauka. Baka ciimpya. Wa kali mubombe loko, mubombe loko, ku lwiiyo lwabo lwaatala loko kusyoma mbuli oyo. Ba kayeeya, cindi muntu oyu aboola...

³⁰² Mbobuti makani, “Oonse masena alaatala ayo fwiinsigwa, oonse masena ansi ayosumpulwa, oose masena mabi ayo bulunganisigwa”? Davida waka cibona, a kuti, “I—i malundu akasotauka mbuli tubelele tugutu, amatuvu akakamba maanza awo.” [Mukwesu Branham wakamba maanza akwe antoomwe ziindi zisyonto—Mul.]

³⁰³ Inzi? Sena caka citika? Ii mulombwana mudaala wa malezu mbuli oyo, kata jisi lwiiyo nokuceya, kajisi kabeela ka cikutu cambelele kasamide, kaboola kaya bugagalika kuzwa munkanda yaku Judea, kaamba, “Amweempwe, nkambo Bwami bwaku Julu buli afwaafwi. Elyo nywebo no cikama ca nzoka, mutayeeyi kwaamba kuti, ‘Ndi zulilwa ku kabunga kamwi.’ Leza ulakonzya ku mabwe aya ku busya bana ba Abrahamu.” Ma!

“Ee, oyo tali nguwe awo. Tulizi kuti tali nguwe.”

³⁰⁴ Pele wakali nguwe! Mwabona, wa kali kusalazyia kazila. Mwabona? Ndeelyo cindi masena mabi naka bulunganisigwa. Ndeelyo masena atala naka letwa ansi. “Muta yeeyi kuti muli jisi Abrahamu taata wanu. Muta taliki ku ndaambila oyo musyobo wa cintu, nkaambo Leza ula konzya ku mabwe aya kubusya bana ba Abrahamu.” I masena aatala akaletwa ansi. Oh, ma! Nce ncico. Iiyi. Mwalubona lwandaano? Wa kaamba kuti eco nce ciyo citika.

³⁰⁵ Elyo cindi niba kasika, bakayeeya kuti, oh, ma, ba kali libambilide buyo kumutambula, ikuti na kaboola ku kabunga kabo beni. Pele nkaambo... Uboola bobuya, mu nzila eyo ngubauba. Nekubaboobo, mu kupandulula Magwalo, masena atala akafwiinsigwa. Tiiba kali kuyanda ku citambula, pele mbu bakabede.

³⁰⁶ Mulombe, wa kabagela. Wa kupulula lukanda ncobeni kuzwa kuli mbabo. Kati, “Nywebo nocikama ca bacipile! Nywebo no nzoka zili mu bwizu! Nda mwaambila, keembe kali bikkidwe ku muyanda wa cisamu. Elyo musamu oonse oyo uta kazyali micelo, ula gonkwa akusowelwa mu mulilo. Mebo ncobeni njo mubapatizya a meenda, pele kuli Umwi uboola kuzwa ndime, Oyo ngu singuzu kwiinda Ndime; Uyo mubapatizya a Muuya Uusalala a Mulilo. Elyo cipupuluzyo Cakwe cili mu janza Lyakwe. Uyo salazya zibuye cakumaninina. Elyo Uyo bwe- . . . uumpa buungu; akutola whiiti ku butala.” Ameni.

³⁰⁷ Eco nce cindi masena mabi naka bulunganisigwa, mwabona, pele bantu tiiba kacimvwa. Pele cili mbubonya mbuli Ijwi, mbubonya buyo bwini Ijwi mbo lya kacaamba. Cabuubauba loko, cakuti baka ciimpya. Ba kaimpya ku cibona.

³⁰⁸ Mutabi boofu booboo. Mwabona? Mutabi boofu booboo. Aboobo, amuswiilile, lino.

³⁰⁹ Ba ka ciimpya. Wa kali mubombe loko, kambo buzumini bwabo buzizilwe bwa muntu uli booboo, cakuti wa ka ciimpya. Alubo, ino cakali cinzi? Leza, uuli ndi Ijwi, kalisia mu buubauba; kutali mupaizi uli sumpula koonse, ba kali yiide, silwiyo.

³¹⁰ Jesu waka babuzya cintu nciconya. Wa kati, “Ino mwakainkila kuyobona nzi?” Cindi basikwiya ba Johane niba kasika. Kati, “Ino mwakainkila kuyo bona nzi? Sena mwakainkila kuyo bona muntu usamide cikobela cabupaizi, nywebo mulizi, a cisani citeteete,” Wa kati, “oyo—oyo—oyo—oyo musyobo wa mukambausi?” Wa kati, “Sena mwakainkila kuyo bona ceeco?”

³¹¹ Kati, “Peepe. Ba musyobo oyo bamyonta bavwanda, alimwi, nywebo mulizi, aku zikka bafwide. Balo, balo tabazi cintu kujatikizya cceba lijatwa aamaanza obilo kunembo lya nkondo. Ba kali kokuya a bukanazi bumwi bwabupampu, ku Kkilabbu ya ma Kiwanis, nywebo mulizi. Bali nkoonya okuya boonse. Pele cindi casika okuya ku nkondo, kwi ilanganya, taakwe cintu ncobazi kujatikizya njiyo. Bali—bali, bali mu maanda a mwaami. Ba leena koonse amusyobo oyo wa mpuwo.”

³¹² Pele kati, “Mpawo mwakainkila kuyo bona nzi? Sena mwa kainkila kuyo bona tete liyuntaanizigwa ku muwo uli onse? Ii muntu wakali kukonzya kwaamba . . . Muntuumwi waamba, ‘Yebo ulizi, uzulilwa ku i—uzulilwa kuli Babumwi; pele ikuti ukaboolie buyo okuno ku Asembilisi, Njo kwaambila eco Nceyo cita, tuyu—tuyo cipanga . . .’ ‘Nda syoma Njo cicita eco.’ Huh! Ii tete, liyuntaanizigwa? Kutali Johane. Peepe, peepe. Peepe, peepe. ‘Ikuti na uyosika, koba mu Saduki kutali mu Farisi, na cintucimwi, mpawo?’ Taakwe nimwa kabona muntu

kuyuntaanisigwa ku muuwo; kutali Johane.” Peepe, munene, mukwesu; kutali nguwe.

³¹³ Wa kati, “Mpawo ino ncinzi nco mwakainkila kuyo bona? Ii musinsimi na?” Inga caka tola musinsimi kucita ceeco, mwabona. Wa kati...Lino, eco cali cizibyo ca musinsimi, mwabona, Ijwi lya Leza a nguwe. I Ijwi liboola ku musinsimi. Mwabona? Kati, “Ino mwakainkila kuyo bona nzi? Ii musinsimi na?” Kati, “Iiyi, mbo mbubo. Pele, Nda mwaambila, akwalo mupati kwiinda musinsimi, nkambo mbwa bede.”

³¹⁴ Nkaambonzi ncali kwiinda kuba musinsimi? Wa kali mutumwa wa Cizuminano, masimpe mbwa bede, kuswaanganya nzila akati ka mulao a luzyalo. Wa kali cintu ciyandisi loko, mukati omuya, wa kaambwa.

³¹⁵ Wa kati, “Ikuti na mula konzya ku citambula, oyu ngo nguwe oyo musinsimi ngwa kaamba, ‘Amubone,’ muli Malaki 3, ‘Njo tuma mutumwa Wangu kumbele lya busyu Bwangu, mwabona, elyo uyo bamba nzila kumbele Lyangu.’” Mwabona? Oh, wa kali mubombe maningi. Leza alubo kalisisa mu buubauba.

³¹⁶ Mpawo amulangilile eco nca kacita. Wa kakambauka makani aa Kristo singuzu oyo wakali kuboola, “Uli jisi cipupuluzyo Cakwe mujanza Lyakwe. Uyo...Walo upupulula nzila Yakwe. Mulombe, Ndi pandulula, Uyo salazya zibuye Zyakwe cakumaninina. Uyo nyampula masifwilila, a kwa pyaangila kulaale a kwa umpa, akwalo. Mbo mbubo. Uyo bwezelela museke a kuubikka mu butala.” Mwabona, wakali nanikidwe.

³¹⁷ Pele cindi Jesu naka sika, bakali kulangila...Elyo boonse babo baapostolo, nywebo mulizi, bakali kulangila cintucimwi cipati kuboola. “Ma, ma! Oh, Ula boola. Nkukoonse kuliko kuli ncico. Mulombe, Unoli singuzu. Uyo tanda Baroma kuzwa ku busyu bwa nyika. Ma! Uyo bamba bama Griki kuunka nzila *eyi*, Baroma kuunka *oko*, cindi Aboola.”

³¹⁸ Cindi Aboola, mulombwana muniini mubombe utontaikwa koonse kuzwa ku lubazu kusika kuli lumbi. Ino cakali cinzi? Leza kalisisa Mwini mu buubauba. Oh, ma!

³¹⁹ Mpawo Wa kaima kumamanino aa Mulumbe Wakwe, a kuti, “Nguni ukonzya ku Ndi pa mulandu wa cibi? Eco coonse Bbaibble nco lya kaamba kuti Ndiyo cita... Ikuti na Nse citi milimo ya Taata Wangu, nkokuti amu Ndi pe mulandu. Pele ino ncinzi Magwalo nca kaamba kuti Ndiyo cita, eco Nce tana cita?” Cibi nkutasyoma, nywebo mulizi. “Nguni ukonzya ku Ndi tamikizya? Ikuti na Ndi tanda madaimona kwiinda ku minwe ya Leza, nkokuti amu Ndi tondezye eco nco mucita kujatikizya ncico.” Buubauba!

³²⁰ Akwalo wakalipa Mwini ku lufu! Pele, oh, aa cifumo eco ca Pasika, aleluya, mpe mpawo Mpa kasalazya zibuye. Wa kapyanga masifwilila, yaa, mukwesu. Iiyi, incobeni. Elyo whiiti

waka jalilwa mu butala. Kalede omuya mu bulongo, a Buumi Butamani kabukkede muli mbubo, kulindila ku Buzuba obo bupati obo mbo tuyu kanana, Kuboola kwa Mwami, cindi obo buumi nobuyo sika ku Buumi; nkabela tuyu buka mu bubuke obo, a ku kwempwa a Nguwe mu mulengalenga, akuyo bunganisigwa mu Butala. Elyo masifwilila ayo umpwa kutala; makweelele ayo avungaidwe, a kasola Kuu kwelela nzila *eyi* na nzila *eyo*, ziyo umpwa a mulilo utakwe buzime. Ameni. Oh, sena Tali mubotuloko? [Mbunga yaamba, “Ameni.”—Mul.]

³²¹ Ba ka Mwi impya, Leza mu buubauba. Nkaambonzi? Nkaambonzi? Taakwe na ka kambauka akwalo muziimo zya bupaizi. Ta kacita. Ta ka kambauka mbuli mukambausi. Mwabona? Wa kakambauka mbuli ii...Wa kabelesya ziimo zya buubauba bwa Leza, ziimo mbuli “keembe kabikkidwe,” ziimo zya “cisamu,” ziimo zya “nzoka.” Kutali mwiiyi umwi wa seminari, mbuli mu bupaizi bwa buzuba, mbuli Mwiiyi mupati wazya Buleza, Mwiiyi mupati *Niini-a-niini*. Ta kacita ceeco. Wa ka kambauka mbuli sigani okuya kulaale ku busenabumwi. Wa kaambaula kujatikizya tweembe, a masamu, a nzoka, a zintu mbuli zeezo, a whiiti, a mata, a zintuzyonse mbuli zeezyo. Na kalanganisigwa, sunu, Nda yeeyela, mukambausi wa kabumbili kaciindi ciniini. Ndi yeeya kuti Wa kali kwiiitwa kuti “mukambausi zifumpu” mu buzuba obo, kaimvwi a cifumpu kunselelo okuya kumbali lya Jodano. Ipen... Leza mu buubauba, kalisisa kuzwa ku busongo bwa inyika.

³²² Lino atu zibe. Jesu wakati, “Nda Ku lumba, Taata, Wa sisa zintu ezi kuzwa ku basongo ba inyika, elyo uyo ziyubulula ku bavwanda abo bali boobo bayo iiya.” Mwabona? Leza kalisisa mu buubauba, muli Kristo. Leza kalisisa mu buubauba, muli Johane. Mwabona? Buyo... Mwabona, Wa—Wa kali... Amuciyeeye buyo, Leza mu buubauba, kulisisa Mwini kuzwa ku busongo bwa inyika.

³²³ Tula jala lino, muminiti buyo, na obilo, nkaambo Nse yandi kumujata kwaciindi cilamfu.

³²⁴ Amulange, atwiime kwa kaindi buyo kaniini, cintucimwi cabugame. Amuyeeye kujatikizya buzuba obo mbo tuponamo, ku jala oyu kumaninina lino. Amuyeeye kujatikizya buzuba mbo tuponamo, cindi Leza nakali kuselukila mu busena bwakaindi buniini bubombe omo mo twali kukkalila, kuponya balwazi. Elyo bavubi, a basikamikami, a balwiyo lwatala maningi, “Mazuba a maleele akainda. Takukwe cintu mbuli kuponesegwa kwa Buleza.”

³²⁵ Mula yeeya Mulumbe oyo Ngwe kakambauka kuzwa nkoonya ku cibela eci cansi awa, icifumo Nce kaunka, kujatikizya Davida a Goliati?

³²⁶ Kati, “Mbobuti mboya kuswaana inyika ya Iwiiyo okuya, Mukwesu Branham, a koonse Oku?”

³²⁷ Nda kati, “Nse konzyi kugwasya obo Mbweyo iiswaana. Leza wakati, ‘Kamuya.’” Mwabona? Kwa mana, mwabona. Ndi Ijwi Lyakwe. Wa ka Li syomezya. I oora lili waano.

³²⁸ Cindi oyo Angelo, oyo ngo mubona mu cifoto okuya, nakaseluka ku mulonga okuya buzuba obo, myaka ili makumi otatwe yainda oyu Gandapati uboola, na myaka ili makumi otatwe aitatu yainda, mubwini, oyu Gandapati uboola; a kuti, “Mbuli Johane Mubapatizi mbwa katumwa,” kumbele lyabantu bali zyuulu zyosanwe na kwiinda, “oora lyasika cindi Mulumbe wako nouyo yaamuna inyika.”

³²⁹ Mula yeeya kukazigwa, ikuti kufumbwa wanu oko. Nda yeeyela, Roy Slaughter, na bamwi babo bakkede awa, inga bayeeya buzuba; na bamwi, Muka. Spencer, na-na kufumbwa oyo unga waba umwi wa bantu bakaindi banga—banga baziba, mwabona; George Wright, na bamwi babo, mwabona, bazi obo, mbuli mbo cakabede. Pele sa tii Wa kacicita? [Mbunga yaamba, “Ameni.”—Mul.] Wa kacicita.

³³⁰ Elyo mpawo akatikati, cindi niba kakaka, a kuti, “Nkuponesegwa buyo kwamizeezo.” Elyo Leza wakavuulukila nkoonya kusule a kutuma, opossamu utaambauli ucembeede omuya, nkabela waka ponesegwa ku Nguzu zya Leza.

³³¹ Lyle Wood a Banks, cindi nitwa kakkede okuya, a kuziba Bwini bwa kasimpikizigwa aa Leza. Cindi, kaswi, kaniini kakaindi kakafwide, kamu meenda mabotu, kailede atala ameenda. Elyo Muuya Uusalala wa kakanana, buzuba kabutana, Wa kali kuyo batondezya Bulemu Bwakwe a kucita cintucimwi kujatikizya nkako. Elyo okuya cifumo eco, nkeimvwi okuya, elyo Muuya Uusalala wakaseluka mu bwaato obo, elyo Nda kabuka a kwaambila kaswi ako. Elyo kailede atala a meenda, kaifwide, ku cisela ca oora; malakavviya a zyamukati zyako zya kayutuka ku mulomo wako. Kaka jokela ku buumi, a kuyamba kuyabuya kutandila mbuli nswi imbi ili yoonse. Ino ncinzi? Leza kalisisa Mwini mu buubauba.

³³² Leza ula konzya ku mabwe aya ku busya bana kuli Abrahamu. Leza ula konzya kuponya opossamu, na kaswi, na kufumbwa cintu. Ikuti na Uyo leta Mulumbe Wakwe, nkabela bantu bata Usyomi, Leza ula konzya kubusya opossamu ku Usyoma. Aleluya! Leza ula konzya kubusya kaswi kafwide. Ula konzya kubusya opossamu ufwide. Ula konzya. Ula konzya kucita kufumbwa cintu Nca yanda kucita.

³³³ Ino nkutapatilwa ku nzyalani eyi! Cindi niba kalifumpula kuli Nguwo, a kuzwangana kujatikizya Nguwo, alimwi, “Toka cita *ceeci* aku cita *ceeco*.” Elyo Leza wa katuma munyama mukati uutakeankwaya. Mwabona? Ino nkutapatilwa! Ino cakali cinzi? Leza mu buubauba, mwabona, kulitondezya Mwini kuba mupati, oh, ma, tapatila bantu aba banzyalani eyi, ku kutasyoma kwabo.

³³⁴ Lino, bala yeeya lino mbuli mbo bakacita lyoonse, ceelede kucitwa mu nzila yabo beni. “Lino, ikuti na kuli cintu cili boobo mbuli kuponesegwa kwa Buleza . . .” Mbuli, mwaalumi muna Katolika mbwa ka ndaambila eci. Ii mulombwana, busiku bumwi, ka ndaambila kujatikizya ceeco. Nywebo mulizi kujatikizya ncico. Kati . . . Oyu Ayers, kuti Nda kaunka kuyo bona mulombe wakwe ku Houston, wa kati—wa kati, “Ee, lino, ikuti na—ikuti na eco cakali cipego ca Leza, nicaka boola mu mbungano ya Katolika.” Nywebo mwabona? Mwabona? Inzya, ba Methodisti bakayeeya kuti ni Ca kaboola mu mbungano yabo. Aba Pentekoste bakayeeya ni Ca kaboola mu mbungano yabo. Pele tii Ca kaboola nomuba muli imwi ya mbabo.

³³⁵ Ci boola mu Nguzu zya bubuke bwa Jesu Kristo kalyubulula Mwini. Mbo mbubo. Masimpe, Ula cita. Inzya. Amu Ci langilile buyo. Muta Ci lekeli ku mwindilila. Amu Ci bambe kunsi kwa wanu—moyo wanu, a ku Ci ibaluka. Amu Ci yeeye kabotu awo.

³³⁶ We elede kuboola mu nzila yabo beni, nkambo kabo, kuzwa ku kabungwe kabo beni. “Elyo na tii wacita boobo, tali Nguwe, mwabona. Nca lwiyo lwakulilemekwa kwamizeeo buyo, na ngu dyabulosi. Tali ii—tali ii . . . Tali Leza. Nkaambo, ikuti na kali Leza, Wa keelede kuboola,” mu nzila yabo beni, nywebo mwabona, “inzila mbo ka Upa ndulwide.”

³³⁷ Eyo nje nzila Jesu nja kaboola kuba Farisi. Ca keelela kuba mu nzila eyo. Mwabona? Ikuti na wabo . . . Ikuti na Leza wakali kuyo—kuyo tuma ii—ii Mesiya, ba kacipandulwide nzila buyo Mbwa keelede kuba. Elyo nkaambo kakuti Wa kaboola bwaandeene, nkokuti, “Ta kali Mesiya. Wa kali cintucimwi ca musokwe. Wa kali Beezebule.” Pele wa kali Leza kalisisa mu buubauba.

³³⁸ I sikusolola weelete kuba umwi muntu uuyiide . . . Ee, omwe, kunyina kudonaika . . . Buzuba abumwi, mwaka aumwi nibakali, inzya, kananika bakutausi babo a ku batuma mbuli mamissionari, kuyo sandula bamwi bantu a kuba leta mukati; aumwi wakayeeya, “Oyu uyooba ulya sikusolola oyo uboola.” Pele Leza wa kamibusya kuzwa mu nkanda omo mwatakalikwe seminari pe, mwabona, a zintu mbuli zezyo. Mwabona? Leza kalisisa Mwini mu bubombe a mu buubauba.

³³⁹ Pele lino amulindile. Mu kujala, twa ambe ceeci. Pele kukaka Mulumbe wa Leza muubauba; ku—ku—ku Ukaka, nzila ya Leza ngubauba, nkunyonyoonwa Kutamani. Lino, oko nko kunji . . . Twa ambaula inzila mbo Uli muubauba, nkabela bantu bayeeya kuti, ee, bala konzya Ku useka a Ku ulyatala, Ku ulanganya mu nzila kufumbwa njo bayanda, pele nkwaandaana Kutamani kuzwa kuli Leza.

³⁴⁰ Abo bakafwa mu mazuba akwa Nowa, alimwi tiiba kaswiilila ku mulumbe wakwe, ba kaloba. Elyo Jesu wakaunka a kukambauka kuli mbabo mu nketani zya mudima, mu

lufu Lwakwe, Ka tana buka. Elyo Wa kaunka ku gehena, a kukambauka ku myuuya yakali mu ntongo, abo bata keempwa mu kukkazikacamba kwa mazuba aa Nowa; kuciindi mulumbe muubauba wa Leza, kwinda ku muntu mubombe, niwa kali kukambaukwa. Wa kainka. Wa kati, "Nowa waka kambauka kuti Ndi yooba kookuno, elyo mpaawa Mpo ndili." Mbo mbubo. Mwabona?

³⁴¹ Abo bakakakilwa kuswiilila ku mulumbe oyo wa musinsimi, Musa okuya mu nkanda, oyo ngwa katambula kuzwa kuli Leza, waka simpikizigwa kabotukabotu ku Musumpululu wa Mulilo, nkabela wakasololelwu kuya mu nkanda. Elyo mpawo kusola kubuka a kupanga kabunga kwinda kuli nguwo, nkabela bakafwa a kuloba mu nkanda, umwi aumwi wabo; pele baalumi bobilo, Joshua a Kalebi.

³⁴² Elyo okuya, i—i ba Farisi bakali ofweede loko cakuti tiiba ka konzya kubona ceeco, aboobo bakalanga musule a kuti, "Ba matata bakalya mana, bakalya mana mu nkanda."

³⁴³ Elyo Jesu wakati, "Elyo bali, boonse, balifwide." Ba kabona Bulemu bwa Leza. Ba keenda mu Mumuni wa i... Ba keenda mu Mumuni. Ba keenda mu Mumuni wa Musumpululu wa Mulilo. Ba keenda mu Busyu bwa nguzu Zyawo. Ba keenda kwinda mu masena ayo Muuya Uusalala awo mpowa kababambilila kweendela. Ba kalya mana ayo a kaloka kuzwa ku Julu, ayo Leza nga kapa. Nkabela, bakasweeka, a kuunka ku gehena. "Bali, boonse, *balifwide*." Ikuti na mwabweza bbala eelyo, nku "kwaandana Kutamani" kuzwa ku Busyu bwa Leza. "Bali, boonse, balifwide." Mwabona?

³⁴⁴ Boonse abo bakakaka Jesu ba laloba. Mwabona Nce amba? Kukaka buubauba bwa Leza! Tacili buyo cintucimwi... Yebo wati, "Ee, Nda kalubizya." To ciciti munzila eyo. Leza ta citambuli mu nzila eyo. Muyo loba, Kutamani. Ncibotu katuyeeya kujatikizya cintucimwi. Lino, weelede kuzibisigwa kabotu a Leza, mwabona, elyo mpawo, ikuti na mbombubo, ndi Ijwi Lyakwe. Mwabona? Oh! Mboli baabo baka kaka Musa, ba kakaka Eliya, ba kakaka Johane, ba kakaka Jesu, wa buzuba bwabo.

³⁴⁵ Okuno, andi mwaambile cintu ciniini. Elyo, mpawo, Nda syoma Nse toneki maningi. Pele, amulange. I buzuba bumwi Nda kaitwa ku Houston, Texas, kusola kujana kujatilwa. Kwinda ku kubunganya bantu bamwi antoomwe, ku kambauka mulumbe, a kubamba bantu okuya kusaina kujatilwa kwa—kwa mulombwana oyu muniini a musimbi muniini. Nywebo mulizi ba kanjila mu penzi eelyo. Nda yeyela mwaka bala kujatikizya ncico mu mutende. Elyo wakali mwana wakujana wa Ba. Ayers.

³⁴⁶ Elyo Ba. Ayers mbo bakabweza cifoto ca Angelo wa Mwami, eco nco mubona nkoonya okuya. Ii Romani ya Katolika; elyo mukaintu wakwe wakali mu Juda. Elyo wa kakwata musimbi

oyu mu Juda. Tii bakali kukanana zya bukombi kuli umwi aumwi, azimwi zimbi, mbuli zeezyo. Elyo Ted Kipperman, oyo awalo wakali anguwe mu makwebo, kajisi Douglass Studios.

³⁴⁷ Elyo cindi nakaboola okuya, oko Ba. Best, Mwiyi. Best, mbungano ya Baptista, kavunga mfwaindi yakwe kunsi lya mpemba ya Mukwesu Bosworth, akwi iyuntaana, a kuti, "Lino kopa cifoto cangu, kacita boobo." Kati, "Ndiyo kupulula lukanda lwa mudaala a ku lwaanzika mu kaanda kangu kakubalila, mbuli ciibalusyo ca kuponesegwa kwa Buleza."

³⁴⁸ Elyo Nke tana unka ku Houston, Texas, Mwami Leza waka ndaambila kuunka okuya. Elyo Nda kali kookuya mu Zina lya Mwami. Elyo nyoonse mulizi kukazyanya a zintu ezyo zyakasika. Mwa kacibala mu mabbuku, azimwi zimbi. Elyo nceeco mbo cakabede. Elyo obo busiku... Kali kusola biyo kweenda ca kulibombya.

³⁴⁹ "Baa," ba kati, "balu ncikama ca bantu batakwe luzibo lukubwene." Mwiyi. Best kati, "Ta bali cintu pele cikama ca bantu batakwe luzibo lukubwene." Kati, "Kunyina bantu bali boobo basyoma mu kuponesegwa kwa Buleza, zintu mbuli zeezyo. Eco ncikama ca mankwishita." Ta bazi kuti wakali Leza mu buubauba. "Baa," kati, "muntu tajisi nokuba lwiyo lwaku cikolo lwabwaambe bwa mabala."

³⁵⁰ Wa kalilondedwe a digirii lya basicikolo boonse batapi ndya kali kukonzya, mane wa kayeeya kuti wakali kukonzya kuzima Mukwesu Bosworth, kuli koonse. Pele cindi nicakasika ku Ijwi, tali kabeela akwalo komwe keelene ka kkumi kakuzundana a nguwe. Mwabona? Elyo Mukwesu Bosworth wa kalizi awo mpa kaimvwi. Bunji bwa bantu bakwe, kabakkede mpoonya awa, ba kaliko ku mubandi wa kusalazyanya. Elyo nceeco mbo cakabede.

³⁵¹ Mpawo wa kawaala buyo ali ndiswe, kaamba kuti tuli cikama ca batakwe luzibo lukubwene. Kati, "Bantu bayeeya kaboutu taba kuusyomi pe."

³⁵² Mukwesu Bosworth wakati, "Kwakaindi buyo kamiini." Wa kati, "Mbangaye bantu mu dolopo eli," abo batandila ku zyuulu zili makumi otatwe busiku obo, bakkede akati kesu mbuli boobo, "Mbangaye bantu abo ba dolopo eli awa, abo bainka ku mambungano aya mapati, mabotu aba Baptista, ba konzya kutondezya kwiinda ku bulembu bwa dokota kuti baponesegwa kwiinda ku Nguzu zya Leza kuzwida cindi Mukwesu Branham nakali mu dolopo, amwi imikile." Elyo bali myaanda yotatwe bakaimikila. "Ino kujatikizya ceeco?" Nceeco mbo cakabede. Leza wakali kulisisa mu buubauba. Mpawo wa kati, "Mukwesu... ."

³⁵³ Wa kati, "Komuleta musilisi wa Buleza. Andi mubone kalebula kuyeyya kwa muntuumwi, mpawo andi balangilile mwaka kuzwa sunu." Elyo Ted Kip- . . .

³⁵⁴ Elyo Ayers okuya, nguwenya wa kakkopa cifoto, kati, "Ba. Branham tabali cintu pele buyo sikubiba kuyeeya. Nda kabona mwanakazi, wa kajisi cibozu aka meneno kakwe, mbuli *boobo*, alimwi," kati, "wa kabibwa kuyeeya kwa mwanakazi oyo. I buzuba bwa katobela Nda kaambaula kuli nguwe, nkabela ta kajisi cibozu." Kati, "I mwaalumi waka mubiba kuyeeya." Elyo, oh, wa kandi fubaazya buyo. Kati Nde elede kutandwa mu dolopo, nkabela weeledge kuba nguwe wa kucicita, mwabona, a zyoonse mbuli *boobo*. Mizila mipati aa peeji lyakumbele ilya *Houston Chronicle*.

³⁵⁵ Nse kaamba bbala. Nda kali kookuya kucita mulimo wa Taata wangu, elyo nkokwakali koonse öko; amukkale a Ijwi eelyo. Wa kandituma okuya, elyo mulimo Wakwe.

³⁵⁶ Obo busiku Ne keenda kunselelo okuya, Nda kati, "Ta-Ta-Ta-Ta ndili musilisi wa Buleza. Nseli ndime. Ikuti na kufumbwamuntu waamba *boobo*," Nda kati, "bali lubide." Elyo Nda kati, "Nse yandi kwiitwa kuti musilisi wa Buleza." Nda kati, "Ikuti na Mwiiyi. Best ukambauka lufutuko, mpawo inga ta yanda kwiitwa kuti Mufutuli wa Buleza." Elyo Nda kati, "Mpawo, Ndi kambauka kuponesegwa kwa Buleza, Nse yandi kwiitwa kuti musilisi wa Buleza. Pele waamba kuti tali Mufutuli wa Buleza; nincobeni, tali nguwe. Mbubonya Nseli musilisi wa Buleza. Pele, 'Kwiinda ku mibunda Yakwe twa kaponesegwa,' Ndi tondeka kuli Ceeco." Mwabona?

Elyo aboobo, wa, "Bufubafuba!" Nywebo mulizi, keendeenda koonse.

³⁵⁷ Elyo Nda kati, "Pele ikuti na Busyu a cipego ca Leza, oyu Angelo wa Mwami, ikuti na Eco nee cili mu mubuzyo, Eco cikonzya kutondezegwa." Kutandila ciindi eco, ngooyu waa boola, kazungulukila ansi. Kati, "Ta kuyandiki kwaambaula lino. Wa ndaambawida kale." Elyo Nda kazwa.

³⁵⁸ Elyo Nda kaunka mu Houston, eliya dolopo pati, limwi lya madolopo mabotu loko aliko mu cisi, kulikoons. Cindi Ne kanjila omuya, buzuba bumwi, lyakali sampa kulanga ku dolopo eelyo. I tugwagwa twakali atombe. I makkaunta aa busena, nkoonya kunselelo lya Kagwagwa kaku Texas; elyo Nda kanjila mu Hotela litewa Rice, oko basimisobano bempupo iba muzipekupeku nko bakali kukkala, a kuunka kunselelo oko mu kaanda kaansi, omo mwakulida, elyo siling'i kailoka ansi, a pulasita aa cibuye, a busofwi a tombe. A kunyongana akati ka bakambausi mbuli Nkwe tana bede na kumvwa mu buumi bwangu.

³⁵⁹ Baa? Kukaka Mumuni kweenda mu mudima. Mpaawo kukkede bana babo mu mundando wa lufu. Mbubo. Leza waka seluka. Cindi buubauba nibwaka tondezegwa a kukakwa, mpawo Leza wa kalitondezya Mwini mu buubauba.

³⁶⁰ Elyo okuya baka kkopa cifoto eco caka fumpa inyika. Abalo basayaansi ba kaamba kuti Nce Cilenge cigambyakwiinda cipona caka solwa kukkopwa mu makani akale onse aa inyika; alimwi cila lengelela mu Washington, DC, mu hoolo ya arti yazyza bukombi. Nceeco we, buubauba kuyubululwa, mpawo. Mwabona? Mwabona? Leza kalisia Mwini mu buubauba, mpawo kuliyubulula Lwakwemwini. Mwabona?

³⁶¹ Lino, Wa kalisia Mwini mu lufu lwa Kristo, pele wakaliyubulula Mwini mu bubuke. Oh, ma! Azimwi zimbi, mula konzya, tu buyo...tula konzya...Kunyina mamanino kuli ncico; kozumanana buyo kwaamba. Pele mpaawo mpomubede we, mwabona.

³⁶² Ku kaka kwaamba kuti kuli kumwekakwazuba, nkunjila mu kaanda kaansi akufwinya meso ako kuzwa ku mumuni. Elyo oko kuli luleme. Elyo, amuyeeye, inzila ilikke mbo mukonzya ku lubila, nku saanguna kukaka ciluleme. Mwabona? Aku kaka ku jula meso aako, uyo pona mu mudima. Mwabona? Ikuti na wakaka buyo kulanga, mbobuti mboya kubona? Mwabona? Amulangilile zintu zyuubauba. Nzintu ziniini nzo musiya kazi tacitidwe, kutali zintu zipati nzo musola kucita—kucita. Oh, ma!

³⁶³ Mpawo, amulange okuno, andi mwaambile. Muli Mal-... muli Matayo 11:10, Wa kati, “Ikuti na mula konzya ku citambula, oyu ngo nguwe.” Mwabona? “Oyu ngo nguwe waka tumwa kumbele Lyangu.” Bwa kali buubauba.

³⁶⁴ Kwa kabuzigwa kuli Nguwe buzuba bumwi, kati, “Nkaambonzi balembi nco baamba mpawo kuti...”

³⁶⁵ Walo, Wa kati, “Mwana wa muntu wiinka ku Jerusalema. Ndiyo bikkwa mu manza aa basizibi, nkabela bayo mujaya Mwana wa muntu. Elyo Uyo fwa, nkabela mu buzuba bwatatu Uyo buka alubo.” Kati, “Muta ambili muntu cilengaano, kutala okuya.”

³⁶⁶ Elyo basikwiya, lino amu ciyeeye, basikwiya abo ba keenda a Johane, kaambaula a nguwe, kulya a nguwe, mu nkanda, kakkala aa nkomwe, mpawo ba kati, “Nkaambonzi bamayi nco baamba kuti Eliasi weelete kuboola lutaanzi? Wa amba kuti Wi inka kuyo bambulwa, akuyo buka. Nduwe Mesiya, bweza cuuno cabwami. Lino nkaambonzi balembi...? Oonse Magwalo esu alaamba awa, Magwalo alaamba caantangalala, kuti, Kristo katana sika, ncakuti Eliasi uyo boola lutaanzi.” Inzya. Mwabona?

³⁶⁷ Wa kati, “Wa kasika kale, elyo tii mwa ka ciziba.” Lino, ino bakali bani abo? Basikwiya.

³⁶⁸ Ndiyo mucisya awa, aniini buyo lino, pele nse cikanzi, mwabona; kwa miniti masyoonto, mwabona, miniti lyomwe, na obilo, pele kutegwa mu mvwisye ncobeni. Sa mulakonzya kundimvwa? [Mbunga yaamba, “Ameni.”—Mul.]

³⁶⁹ Amulange! “Nkaambonzi?” Balo bantu bakeenda a Kristo, “Nkaambonzi Magwalo, lutaanzi, aamba kuti Eliasi weelete kuboola?” Elyo ba kali basanduki ba Johane beni, elyo tiba kamuzi nokuba. “Nkaambonzi Magwalo ncaamba, bamayi?” Nywebo mwabona Nce wamba? Mwabona? “Nkaambonzi Magwalo ncaamba kuti Eliya weelete kuboola lutaanzi?” Basikwiiya abo bakeenda a nguwe, “Nkaambonzi Magwalo ncaamba kuti weelete kuboola lutaanzi, kakutana zintu ezi, a kuboozezya zintu zyoonse?” Wa kacita, ku bantu batandila cisambomwe, elyo nkukoonse oko kwakaliko. Mwabona? Nkukoonse kwa keelede ku citambula. Abo mbe kakanzidwe ku cibona.

³⁷⁰ Jesu wakati, “Wa kasika kale, elyo tii mwa ka ciziba. Pele wa kacita mbubonya buyo Magwalo mbwa kaamba kuti uyo cita. Wa kaba boozezya, nywebo nyoonse nimwaka Ndi tambula aku Ndi syoma. Wa kacita cigaminina eco Magwalo nca kaamba kuti uyo cita. Elyo baka cita kuli nguwe eco Magwalo nca kaamba kuti bayo cita. Wa kasika kale, elyo tii mwa ka ciziba.”

³⁷¹ Sena mwa libambilisa? Ndi yanda ku mugambya aniini. I Kukwempwa kuyooba mu nzila njiyonya. Kuyooba kwabubombe loko, kunyina kudonaika kuyooba mbubonya, mane Kukwempwa kuyo sika bumwi bwa mazuba aya nkabela taakwe muntu uyo ziba cintu kujatikizya nkuko. Lino, muta, muta, muta nyamuki lino, pele amulangelange kwa miniti buyo. Ndili masimpe kwini kujala. I Kukwempwa kuyo sika mu nzila eyo ngubauba mane mbeta zikawe, elyo bayo bona Mwana wa muntu, nkabela ba yooti, “Sena tii twa keelede kuba a *ndaba-andaba*? Elyo sena tee kwa keelede kutumwa Eliasi kuli ndiswe? Elyo sena tee kwa keelede kuba Kukwempwa?”

³⁷² Jesu uyo amba, “Kwaka citika kale, nkabela tii mwa ka ciziba.” Leza mu buubauba. Mwabona?

³⁷³ Lino, eyi mvwiki tuyu njila kuyiisyia kusakene maningi mu Ijwi. Lino, amubone, Kukwempwa, ba nooli basyoonto bayo unka muli Nabwinga oyo! Taku kabi...

³⁷⁴ Lino sa mwabona obo bamayi mbo ba cimvwa? Bali jisi zipepa ziji madayagiramu, elyo bala unka, kutondezya bantu baboola bali mamilioni ali kkumi okuno; ba Methodisti boonse, ikuti na mukambausi muna Methodisti; ikuti na muna Pentekosite, boonse bana Pentekosite ka baboola. Taku kakugumi.

³⁷⁵ Ku yooba, ambweni omwe uzwa mu Jeffersonville, muntuumwi buyo tako. Bayo amba, “Ee, nywebo tamu...” Bamwi babo taba kazibi. Ku yooba omwe uzwa mu Georgia. Mwabona? Ku yooba omwe uzwa mu Africa. Elyo atwaambe kuti kuyooba bantu bali myaanda yosanwe, baumi, bayo njila mu kutolwa. Lino, oyo tauli—oyo tauli mubili wa mbungano.

Oyu ngu Nabwiinga. Eyo taili mbungano. Oyu ngu Nabwiinga. Mwabona?

³⁷⁶ I—i mbungano iyo boola kwiinda kaili zyuulu, pele omo mu bubuke butobel. “Tee bakapona mu mweenya wa myaka ili cuulu.” Mwabona?

³⁷⁷ Pele, muli Nabwiinga, ikuti na bantu bali myaanda yosanwe basiya nyika ku miniti ndilyonya eli, inyika inga tiya ziba cintu kujatikizya nkuko. Jesu wakati, “Kunooli omwe mu bulo; elyo Njo bweza omwe, kusiya omwe.” Eco nciindi ca masiku. “Kunooli bobilo mu muunda,” kutala kwa lubazu lumbi lwa nyika, “Njo bweza omwe akusiya omwe. Elyo mbuli mbo kwakabede mu mazuba akwa Nowa, mbokuyooba mu kuboola kwa Mwana wa muntu.”

³⁷⁸ Amuyeeye! Zintuzyonse ziyo enda mbuli lyoonse mbuli mbo zikonzya kuba. Ii Mulumbe wakwiindilizya uno ya buya, elyo, cintu citaanzi nyewebo mulizi, cintucimwi, “Oyu mukutausi, kaunka ku busenabumwi, taaka jokela. Ambweni wa kaunka musokwe, kuyovwima. Ta akajokela limbi. Elyo *oyu* mulombwana wakaunka ku busenabumwi. Nyewebo mulizi caka citika? Nda syoma, oyo musimbi muniini, waa—waa kweelela kuti waa katolwa ku busenabumwi, nyewebo mulizi, muntuumwi waka tola musimbi oyo aku mucubila, ambweni waka musowela mu mulonga. Taakwe muntu ngwakali awalo.” Cisela ca ncico... makumi ali fuka afuka kuzwa kuli bali... Anda ambe omwe kuzwa kuli bali mamilioni ali mwaanda amumwi bayo ziba cintucimwi kujatikizya nkuko; mwabona, kunze lya oyo ngo bazibene kabotu a nguwe, kwaamba kuti, “I musimbi wasweeka. Baa, Nse konzyi kumvwisy. Ta akaunka mbuli boobo.” Peepe.

³⁷⁹ Elyo cindi baamba kuti, “I—i zyuumbwe ziyo jaluka.” Mbobuti zyuumbwe mboziyo jaluka? Cindi, Nse—Nse jisi ciindi ca kunjila muli ceeci, eco Nceli kuyanda kucita. Ndiyo bweza ceeci, mwabona, ku mutondezya buyo buubauba bwa Leza. Alimwi oyo kkaushiamu, potashi, azintuzyonse, cindi—cindi... Zintuzyonse zili muli nduwe, zya ziyasyo, zizuzya buyo econco. Mbo mbubo. Elyo eco neci cicit, cila mwaika kujokela ku muuya a buumi. Leza ukana buyo, nkabela Kukwempwa kuyo boola. Ta kuli kwiinka okuya, elyo Bangelo bakaseluka a kuvunkununa zyuumbwe, a kugusya mitunta eyo ifwide yakaindi awa. Ino ncinzi? Wa kazyalwa ku cibi, kukatalika. Pele, Umwi mupya, upangidwe mu cinkonzya cawo, nyewebo mulizi. Mwabona? Ikuti na tujisi *oyu*, tuyooftwa alubo. Mwabona? Kunyinamuntu... Nyewebo mwati, “I zyuumbwe ziyo juka. I bafwide bayozwa.” Eco inga caba bwini, pele kutali kujuka nzila mbo mwaamba kujuka. Mwabona? Mbo mbubo. Mwabona? Ta kukabi mbuli boobo.

³⁸⁰ Ayoba maseseke, nkaambo Wa kaamba kuti Uyo boola “mbuli mubbi masiku.” Wa katwaambila kale obu, Kukwempwa.

³⁸¹ Mpawo lubeta luyo uma; cibi, zipenzyo, malwazi, a zintuzyonse. Elyo bantu bayo lilila lufu kuti lubatole, cindi ca lubeta. “Mwami, nkaambonzi olu lubeta luli ali ndiswe, kakuli Wa kaamba kuti kuyooba Kukwempwa lutaanzi?”

³⁸² Uyo wamba kuti, “Kwa kasika kale, elyo tii mwa kakuziba.” Mwabona? Leza kalisisa Mwini mu bubabuba. Oh, ma! Yaa. “Kwamana, oko kwa kacitika kale, nkabela tii mwa kakuziba.”

³⁸³ Nkaambonzi basyomi ncoba tasyomi zitondezyo zyuubauba zya Kuboola Kwakwe?

³⁸⁴ Balangila zintu ezi zyonse zya kaambwa ku Lugwalo, elyo—elyo mweezi uyo bbila akati...na zuba, akati ka buzuba, nkabela kuyooba misyobo yoонse ya zintu. Oh, ikuti nitwa lijisi buyo... Ndi jisi bulempo bulempedwe awa ali ncico, mwabona, kutondezya obo zintu mbozibede. Elyo tuyu cibweza mu kujulwa kwa Zinamatizyo ezi mvwiki ino, akwalo, mwabona. Mwabona? Nceeco we, awo buyo mpocakainda kale, elyo tiimwa kaciziba. Kubona ikuti na nce ncico, ikuti na Angelo wa Mwami uyo jula Zinamatizyo kuli nkuco. Amuyeeye, kuli namatikidwe a Mizuzumo ili Ciloba yamaseseke. Mwabona?

³⁸⁵ Lino ncinzi? Nkaambonzi bantu ncoba takonzyi ku syoma buubauba bwaansi bwa nkamu ya bantu ibombede, mwabona, alimwi i—i Jwi lya zitondezyo zya Leza? Nkaambonzi ncoba takonzyi ku cisyoma? Mbulonya mbu cakabede lyoonse, Ijwi lya Leza lya bwini kali yubululwa. Nku, mbacenjezu maningi abayiide maningi kusyoma bube buubauba bwa Ijwi lilembedwe. Ba yanda kubikka bupanduluzi bwabo beni kuli Ndilyo. “Ta lyaambi ceeci. Ta lyaambi ceeco.” Mwabona? Lya amba Ceeco.

³⁸⁶ Amuswiilile. Akube kuti Andaambe ceeci, cakufwambaana ncobeni, lino. Azyalo zilengaano Leza nzyapa okuno ku busena, ta amvugwi kabotu. Nke kaambo ncomu ndimvwa a mateepu, kwaamba kuti, “Mwaambe eco mateepu ncaamba. Mwaambe eco zilengaano nco zyaamba.” Lino, ikuti na mula langa cakumaninina, myuo bona cintucimwi. Mwabona? Ndi syoma kuti Nse elede ku cijata mu janza lyangu aku mutondezya. Mwabona? Mwabona? Mwabona? Muli... Cili—cili waano. Tuli kumamanino. Mwabona? Iiyi, munene. Basilwiiyo bacenjede bala ciimpya. I zilengaano zyuubauba, cindi zya yubululwa mu buubauba obo, mane civumba buyo aatala lya mitwe ya bantu. Mwabona?

³⁸⁷ Nkaambo Nda kabona cilengaano, nceka mwaambila kujatikizya kuunka kutala kuyo vwima, alimwi, nywebo mulizi, eco cakalebya buyo bantu. Elyo oko Leza wa kacituma kutala okuya ku bukanze mbulonya, akujokela kuzo cipandulula

nkoonya koonse, kutondezya kuunka kwa baama, a zintu mbuli eezyo. Elyo mpawo kujokela akucaamba, kacitana citika. Elyo caka citika mbubonya buyo Mbwa kaamba kuti ciyo cita. Mwabona?

³⁸⁸ Elyo, nekubaboobo, Johane wa kayutuka ncobeni nkoonya okuya akulyaambilila. Wa kati, “Nseli Mesiya, pele Ndili jwi lya umwi woompolola mu nkanda.”

³⁸⁹ Elyo mpawo basikwijiya mbabonya ba laamba, “Nkaambonzi kai, balembi ncobaamba kuti Lugw-... Lugwalo luyiisya kuti Eliasi weelede kuboola lutaanzsi?” Mwabona? I buubauba bwa Leza kuyabuya, kupolela mpoonya buyo atala lyamitwe ya bantu.

³⁹⁰ Andi bweze ceecei, elyo mpawo tula jala. Ndiyo cita, kwiinda ku lugwasyo lwa Leza. Mwabona? Amulange. Lino atu pasaule ceecei. Mpawo, Nda—Nda usa kuzumanana kumwaambilila koonse Nkwewo unka, elyo mpawo ta Ndi cicit. Mwabona? Amulange... Mundi jatile ku mumusya. Pele, kwa ma oora buyo masyoonto, tula jokela.

Amulange, atu bweze dosi lya inki litakweankoliya.

³⁹¹ Zintuzyonse nzya bukanze. Mwabungana cifumo cino okuno ku bukanze. Ndila lya ku ng'anda yanu, Charlie; Nellie, mwaka ndi jikila, ku bukanze. Ndi... Zintuzyonse nzya bukanze. Eyi mbungano ya kayakilwa bukanze. Kunyina cintu citakwe bukanze a kaambo.

³⁹² Atu bweze dosi lya inki litakweankoliya lino. Sena muli ndimvwide? [Mbunga yaamba, “Ameni.”—Mul.] Atu bweze dosi lya inki litakweankoliya a kuli langa. Ino ncinzi? Ii dosi lya inki. Nkokuli nkolya kazwida? Yaa. Atu bweze dosi lya inki lino, nkokuti, a kwaamba kuti inki usiyya. Lino, oyo inki ngwa bukanze. Ula konzya kulemba kujatilwa kwangu mu nto-... kuzwa mu ntolongo. Ula konzya kulemba kujatilwa kwangu kuzwa ku ntolongo ya lufu. Mbo mbubo? Ula konzya kulemba Johane 3:16, aku futula buntu bwangu kwiinda kuku Li syoma. Sena mbo mbubo? [“Ameni.”] Na, ula konzya kusaina kuzumizya kuti ndifwe nkaambo ka mulandu wakacitwa. Mwabona? Ula konzya ku ndipa mulandu ku Mungwala wa Lubeta. Ngwa bukanze. Sena mbo mbubo? [“Ameni.”]

³⁹³ Ee, atulange inki oyo muniini akubona nko wakazwida. Lino, ngu inki. Wa kabikkwa antomwe, amisamu azimwi zimbi, kusikila wakaba inki. Elyo ulasiya. Wa ulosya azisani zyako, uyo bikka mbata.

³⁹⁴ Pele twa kapanga cintu citegwa imusamu uutubya. Nywebo no banakazi mubelesya imusamu utubya Krolokisi. Ee, Nda bweza dosi lyomwe lya inki aku lilosya mu cidishi ca—ca imusamu uutubya, lino ncinzi cacitika kuli inki? Mwabona? Nkaambonzi? Musamu uutubyawa kapangwa, kwaanzwa akupangwa, antoomwe, uyo zimaazya mubala canguzu loko

mane tocikonzyi kuujana. Lino, cibeela ca imusamu uutubya meenda.

³⁹⁵ Meenda ngu H₂O, uuli ngu hydrojini a okisijini. Elyo zyobilo hydrojini a okisijini, zyobilo, nzintu zibbotoka cantenda. Elyo, mpawo, hydrojini a okisijini mubwini zyalo nditwe. Mbo zibede, mbombubo, itwe lya misamu, itwe buyo lya misamu. Lino, lino koibikka antoomwe, elyo ujisi meenda. Pele, upasaule, ujisi hydrojini a okisijini, elyo kozumanana buyo kuya kujokela.

³⁹⁶ Lino, mu kunjila muli ceeci, atubweze... Elyo Nse konzyi. Lino inga kakuli ba sayaansi ba kkemestri bakkede omuno. Elyo lino Ndi yanda kwaamba ceeci, nkaambo kuyooba—kuyooba bana sayaansi ba kkemestri baswiilila kuli ncico, Ta ndizi fomyula. Pele Ndiyanda ku cipandulula buyo mu nzila yangu yabubombe, kusyoma kuti Leza uyo liyubununa Mwini muli ncico.

³⁹⁷ Amulange, Nda losya dosi elyo lya inki mu ii—ii—ii imusamu uutubya. Ncinzi cicitika? Mponya biyo mbata iisiya ilazwa. Niwa takai jana limbi alubo ikuti na wakacita, ya kamwaika. To kaiboni limbi. Ncinzi caka citika? Lino, to konzyi kubona cintu kuzwa kuli njivo. To citi. Nkaambonzi ncota citi? Nkaambo ya pasauka.

³⁹⁸ Lino, sayaansi inga yaamba, “Ya kasanduka kujokela ku maasidi yayo aakutalisya.”

³⁹⁹ Ncinzi maasidi nkwa kazwida? Mwabona? Ee, nywebo mwati, “Azwa ku—kuzintu zimwi.” Yaa. Kwaamba, ku mukozyanyo, mbuli, “Maccovu apangwa a maasidi.” Nkokuli maccovu nkwa kazwida? “Ee, cakali, tuyu amba kuti, maccovu akapangwa ku mamolekyu.” Ino mamolekyu akazwida kuli? “Ku maatomu.” Ino maatomu akazwida kuli? “Kuzwa ku maelektronikisi.” Ino akazwida kuli? “Mumuni wabulenge boonse.” Mwabona, ujosegwa kusule kulaale kuta mvugwi, kwa ba sayaansi ba kkemestri, lino. Elyo, ikuti na ncintu a bulenge, ceelede kuzwa ku Mulengi.

⁴⁰⁰ Aboobo, tamu kkede okuno mu cibbutumuko. Nse kkalila kusikila twelufu theeti, na wani okuloko, mu coolwe. “I ntaamo zya muntu uululeme zilaililwa aa Mwami.” Mwabona? Kuli kaambo kamwi kuli ncico. Kuli kaambo kamwi nco musyoma. Kuli kaambo kamwi nco mutasyomi. Mbubonya mbuli—mbuli inki oyo.

⁴⁰¹ Lino atu pasaule ceeco. Lino, cintu citaanzi, kwaamba, twamana kujokela ku... Tuyo cijosya kuciimo ca mamolekyu. Lino, twa bweza molekyu, Inga ndaamba, mweelwe 1 taimuzi molekyu 9, taimuzi molekyu 12. Lino, ikuti na niyali 11, inga yazwa kaisubila. Pele ya—ya keelela kuba 12, ku panga kusiya.

⁴⁰² Mpawo tuyu selemuna eyo ku atomu. Ya kali atomu. Elyo ^{9⁶} taimuzi +4³, zyeelanya atomu 16¹¹. Ikuti niyali 16¹², niyali

pepo. Mwabona? Mpawo ulazumanana kwiipasaula kuyabuya kuselemuka.

⁴⁰³ Ci tondezya kuti kwakali cintucimwi kaindi oko, ku kutalika. Elyo ndi gano biyo lya kuyeyya kabotu. Bwalo mbulenge. Bweelede kuba a Mulengi. Elyo ca keenda kuzwa ku Mulengi, elyo mpawo caka kanzilwa aku bikkwa muli zeezi, zyaandeene. Lino, sayaansi tai konzyi kubweza atomu B₁₆ taimuzi 12, taimuzi 14, taimuzi acili coonse, anze mbuli boobo, kupanga ceeco. Leza wakayandika kucita obo.

⁴⁰⁴ Elyo mpawo ciletwa kunselelo ku busena kusikila oko nko ciselemukila mu maatomu, mpawo sayaansi ila talika ku ciguma. Mpawo casanduka kuba mamolekyu, mpawo bala konzya kutalika ku cibona kabotu aniini. Mpawo cila selemuka, kuzwa kuli ceeco, mu cintucimwi cimbi. Mpawo, cintu citaanzi, cinjila mu misamu, elyo mpawo basanganya zeezi antoomwe.

⁴⁰⁵ Lino, cindi muntu, katana bisya. Ndi jala biya, pele muta ciimpyi. Cindi muntu naka bisya, wa kalyandaanya lwakwe kuzwa kuli Leza, akukosola lwaanzi lupati, akuli njizya mu lufu mwini ku lubazu olu. Wa kaunka. Kucinyina nzila yaku jokela. Kasimpe. Kunyina nzila kuli nguwe kuti ajokele. Pele mpawo cindi na kacita, Leza waka tambula ciiminina, kakali kabelele, na mpongo, na mbelele, na cintucimwi, ca bulowa; eco Adamu nca kaamba, na—na Abela nca kaamba, ku lubazu lumbi lwa lwaanzi.

⁴⁰⁶ Ku lubazu olo, walo mwana wa Leza. Walo ncisyuukila kuzwa kuli Leza. Ngu sikukona wa nyika. Ula konzya kweendelezya bulenge. Ula konzya kulenga. Baa, walo mulengi, lwakwe. Walo ncisyuukila ca Leza.

⁴⁰⁷ Pele, cindi naka kosola, waka pambula bwana bwakwe. Ngu sizibi, kwiinda ku bulenge. Uli kunsi lya maanza a bulelo bwa Saatani.

⁴⁰⁸ Elyo Leza wa kabweza cituuzyo, musamu, wa bulowa, pele bulowa bwa bapoho ampongo tii bwa zimaazya cibi. Bwa kavumba buyo cibi. Ikuti na Ndi jisi kabata kasubila aa janza lyangu,aku kavumbya kutuba, kabata kasubila nko kacili. Mwabona, nko kacili.

⁴⁰⁹ Pele Leza wa katuma aansi, kuzwa ku Julu, imusamu uutubya cibi. Bwakali Bulowa bwa Mwana Wakwe Mwini. Kutegwa, cindi cibi cesu caambwa kulokela mu imusamu wa Leza uutubya, sola ku cijana alubo! I mubala wa cibi ujokela kwiinda kuli basikwiiminina, a kuselemuka kwiinda mu ciindi, kusikila cakuuma sikutamikizya, Saatani,aku kkala ali nguwe mane ku Buzuba bwa Lubeta.

⁴¹⁰ Ncinzi cicitika ku mwana? Walo uboola mu luswaanano lulondokede a Taata alubo, kaimvwi ku lubazu l umbi lwa lwaanzi, kakutakwe ciibalusyo ca cibi kuli nguwe. Taakwe limbi, kunyina limbi kabata ka imusamu uutubya kakonzya

kubonwa ali oonse. Ulaangulukide. Aleluya! Mbubonya mbuli Klorokisi eyo, na oyo inki uta cikonzyi kuba limbi inki, nkaambo wa passauka a kujosegwa lubo. Elyo cindi cibi cakuli lekelela caambwaaku nyikizigwa mu... Ii mwaalumi na mwanakazi oyo wa nyikizigwa mu Bulowa bwa Jesu Kristo, bula jaya zitondezyo zyamukati zyoonse. Elyo molekyu aimwi ya cibi ilajokela kuli dyabulosi, akubikkwa ali nguwe kusikila Buzuba obo bwa Lubeta, oko magolelo akwe Aatamani nkwayo sowelwa mu Ziba lya Mulilo. Elyo lwaanzi lwa swaanganisigwa, elyo kunyina limbi kuyeeyegwa. Elyo muntu waima kalulamikidwe, mbuli mwana wa Leza. Buubauba!

⁴¹¹ Musa, kunsi lya bulowa bwa bapoho a mpongo, akulyaambilila kwakwe mu Ijwi lya Leza! Elyo Leza wakali kukonzya kubweza muntu oyo mubombe, aku bikka Majwi Aakwe mu mulomo wakwe. Elyo wa katondezya kuti wakali mulanda wa Jehova, nkambo wakali kukonzya kweenda okuya a Jehova kakanana kuli nguwe kwiinda ku cilengaano. Wa keenda okuya, katandabika maanza akwe kutozya kujwe.

⁴¹² Elyo lino, amuyeeye, Leza wakali ambawide kuli nguwe. Walo muyeeyo wa Leza. Leza ubelesya muntu. Leza waka kanana kuli nguwe. Cili kabotu. Wa kati, "Koya katandabike musako oyo, mu janza lyako, kutozya kujwe, akuti, 'Nzinini!'"

⁴¹³ Musa, kunsi lya bulowa bwa mpongo eyo, mbelele, wa keenda okuya aku bweza kasako aka, kasika kutozya kujwe. "MBUBOOBU MBWAAMBA I MWAMI. Akube nzinini!" Tii bakalina mvwa nzinini. Keenda kujokela. Caambwa kale. Walo muyeeyo, lino caambwa, ca tondezegwa. Ndi Ijwi lya Leza mpawo. Li boola mu milomo ya muntunsi, muntu mubombe kunsi lya bulowa bwa poho, poho na mpongo.

⁴¹⁴ Cintu citaanzi nywebo mulizi, nzinini ya gilini yakatalika kuuluka koonse. Cintu citobela nywebo mulizi, zyakali mapaudi osanwe a lubuwa alumwi. Ino cakali cinzi? Lyakali Ijwi lya Leza, lyakaambwa kwiinda kuli Musa, Mulengi. Nkaambo, kunsi lya bulowa, wa kaliimvwi mu Busyu bwa Leza, elyo Majwi aakwe eni tilya kali jwi lyakwe.

⁴¹⁵ "Ikuti na mwakkalilila muli Ndime, a Majwi Aangu alakkalilila muli ndinywe, mpawo amulombe eco nco moyanda, ciyo pegwa kuli ndinywe." Ino mpali Mbungano mpoiyimvwi?

⁴¹⁶ "Akube bacula!" Elyo tii kwakali bacula mu cisi. Mu ciindi ca oora, bakali kubbilwa kwa tukokola tuli kkumi, mu masena. Ino cakali cinzi? Wa kali Leza, Mulengi, kalisisa Mwini mu muntu mubombe.

⁴¹⁷ Lino Ndi yanda ku mubuzya cintucimwi. Ikuti na bulowa bwa bapoho na mpongo bwa belesegwa kuba imusamu uutubya, obo bukonzya kuvumba biyo, bwakali kukonzya kubikka muntu mu busena bwa kwaamba Ijwi lya Leza lya kulenga a kuleta nzinini mu kuba, nkaambonzi nco mulebwa ku imusamu

uutubya wa Bulowa bwa Jesu Kristo Oyo wakali kukonzya kwaamba sikaale na cintucimwi mu kuba?

⁴¹⁸ Muta ciciti, muta lebwi ku buubauba. Amusyome kuti Walo ucili Leza. Oh, ma! Kujatilwa kwa cibi! Oh, obo Mbwe lombozya kuti Neli kukonzya . . .

⁴¹⁹ Mpawo, muli Marko 11:22, “Ikuti waamba ku dundu eli, ‘Kozyuka,’ elyo kotadonaiki mu moyo wako, pele wasyoma kuti eco nco waamba ciyo citika, oh, ulakonzya kuba aceeco ncowaamba.”

⁴²⁰ Ma, Ndi jisi mapeeji otatwe na one. Twe elede buyo ku cileka kuunka. Ndamu lumba.

⁴²¹ Leza kalisisa Mwini mu buubauba. Sena tamuboni? Kuli cintucimwi cilubide ku busenabumwi. Kuli cintucimwi cilubide kubusenabumwi. Cindi Leza abamba kaambo, Ta konzyi kubeja. Wa kabamba cisymezyo. Mwabona? Ula yuba mu buubauba. Ncuubauba loko!

⁴²² I bayiide abasicikolo bapati baamba kuti, “Ah, nku . . . Oh, nkukwabana kwa miyeyeo na cintucimwi. Nywebo mulizi, nku . . .”

⁴²³ Leza ulakonzya kulifumpa Mwini ciindi citobela kwiinda mu bweende bwaciindi, a kumwaambila kusule okuya ncobeni buyo eco cakacitika, ku mwaambila ncobeni buyo mbo mubede sunu, aboobo mbo myoooba. Oko kucili kwiinda ku imusamu uutubya wa Jesu Kristo, Oyo ukonzya kubweza sizibi a kumutubya buu mukati Omuya, elyo ula ima mu Busyu bwa Leza.

⁴²⁴ “Elyo ikuti na mwakkalilila muli Ndime, a Majwi Aangu muli ndinywe; mulakonzya kulomba eco nco muyanda, nkabela ciyo citwa. Oyo usyoma Ndime, milimo eyo Nje cita uyo cita alakwe.”

⁴²⁵ “Mbobuti mbo Mu ndipa mulandu? Oh, sena milao yanu ini ta yaambi kuti abo Ijwi lya Leza nkolya kasikila, basinsimi, sena tii mwa kabaita kuti ‘tuleza’? Elyo mpawo mbobuti mbo mukonzya ku Ndipa mulandu Nda amba kuti Ndili Mwana wa Leza?” Bala alilwa ku cibona. Bala alilwa ku cibona.

⁴²⁶ Lino, Mbungano, mu Milumbe iboola, kuzwa sunumasiku kuyabuya, muta kakilwi ku cibona. Mwabona? Amubone buzuba obo mbo tuponamo. Elyo, amuyeeye, Bulowa bwa Jesu Kristo bula tola zibi kule loko kuzwa kuli nduwe, cindi akwalo nozitako mu kwiibaluka kwa Leza, limbi. Bu tola cibata coonse.

Cibi caka siide mbata iiusbila,
Wa kaisanzya kutuba buu mbuli caanda.

Mpawo kumbele lya Cuuno cabwami,
Nda ima muli Nguwe cakumaninina.

⁴²⁷ Oh, ma, mbobuti Mbwe konzya kumaninina? Mbobuti Mbwe konzya kumaninina? Nkaambo ka Bulowa; kutali ndime, pele Bulowa obo bulaima akati ka Leza andime. Nda ka Bu tambula. Elyo Wa kacibikka... Ndime sizibi, pele Ngu Leza. Pele bupange buliimvwi akati ka ndime, bujaya cibi, aboobo Leza undibona kutuba buyo mbuli—i meenda ali mu—ali mu imusamu uutubya. Cibi cangu caunka. Ta cikonzyi nokuba kusika kuli Nguwe, nkaambo kuli Cituuzyo ciledie awo.

⁴²⁸ Luli kuli lusyomo Iwesu lwa kusyoma Ijwi lya Leza lyuubauba? Eco buyo Leza nca kaamba, ku Mu bweza ku Ijwi Lyakwe. Leza ulalisisa Mwini lino mu buubauba, mu nkamu nini ya bubombe, pele bumwi bwa mazuba aya Uyo liyubulula Mwini mbuli Mbwa kacita lyoonse mu mazuba akainda. Sena mula Mu yanda? [Mbunga yaamba, “Ameni.”—Mul.]

Nda Mu yanda, Nda Mu yanda
 Nkaambo Wa kasaanguna kundi yanda
 Akuula lufutuko lwangu
 Aa cisamu ca Kalivari.

⁴²⁹ Mula Mu yanda? [Mbunga yaamba, “Ameni.”—Mul.] Ma, sa Tali mubotuloko? [“Ameni.”] Nda langila alimwi Nda syoma kuti Mulumbe uyo leta Ceeco nco waka kanzilidwe kucita, kuti Uyo mutola ku busena oko nko muta langauli zintu zyeebek. Na zimwi... Cindi mwabona Leza mu bupati, amulange obo bubombe mbo bubede, elyo mpawo muyo bona Leza. Muta langauli Nguwe...

⁴³⁰ Cindi Elisha naka jokela mu mpangala eyo, busi bwakeenda koonse, bulowa, muzuzumo, lulabi; elyo, kubona, misyobo eyi yoonse ya kunyanyamukwa nko twa jisi, bulowa mu busyu a mu maanza, a kunyanyamukwa azintuzyonse. Tii ca kapenzya musinsimi oyo. Wa kakkala buyo awo kusikila wakamvwa Jwi liniini libateme, (ino Lya kali nzi?) Ijwi, mpawo wa kavumba busyu bwakwe akweenda kuzwa. Mwabona, elyo lyakali Ndilyo.

⁴³¹ Yeeya, mweenzuma, uta langili zipati, zilemu... Yebo wati, “Leza, Ula kanana zintu, zipati ncobeni. Kuyo sika ciindi nokuyoba *ceeci*, *eco*, na *cimbi*, zintu zipati ncobeni.” Nda syoma kuti myua kujata eco Nce kanana. Mwabona? “Zintu, zipati zilemu, mwabona! Elyo, oh, cindi eci cakuboola kucitika, ciyoba cilemu, cipati mbuli *ceeci*.”

⁴³² Elyo cino bombede loko, muyo sweekelwa cintucoonse, kuyabuya buyo ncobeni. Mwabona? Nkabela muyo cebuka a kwaamba, “Ee, eco tii cakaboola ku...” Mwabona, cakainda mpoonya atala, nkabela tii mwa ka Ci bona. Ca kaindilila buyo. Mwabona, ncuubauba loko. Mwabona? Leza upona mu buubauba, mwabona, kuliyubulula Mwini mu bupati. Ncinzi ci Mu bamba kuba mupati? Nkaambo Ula konzya kulicesya Mwini.

⁴³³ Ii muntu, mupati mulemu ta konzyi kulicesya mwini; weeleda kuba uulemekwa. Mwabona? Pele tali mupati loko

nekubaboo. Cindi akuba mupati loko, mpawo uyoboola ansi mbuli *boobu*, nywebo mwabona, ulakonzya kuli bombya mwini.

⁴³⁴ Mbuli musalali wakaindi mbakaamba kutala okuya mu Chicago, “Oyo mulombwana wakaunka kutala, alwiyo loonse azintu.” Kati, “Wa kaseluka, kaumidwe, mutwe kaugogomene. Wakeenda kuzwa, kazundidwe.” Wa kati, “Ikuti na katanta mbuli mbwa kaseluka, na kaseluka ansi mbuli mbwa katanta.” Ee, oko kuli luzi. Mwabona?

⁴³⁵ Amu libombye. Amube buyo babombe. Mutasoli kuba basalesale. Amu yande buyo—buyo Jesu. Mwabona? Kwaamba, “Mwami, ikuti na kuli ndulwe ili yonse mu moyo wangu, ikuti na kuli cimwi cilubide, Taata, Nse yandi kuba booboo. Ko cigwisya. Nse yandi kuba booboo. Oh, Ndi yanda kuyobalwa mbuli umwi wabo, mu Buzuba obo, Mwami. Elyo Nda bubona Buzuba kabuswena.”

⁴³⁶ Nywebo mwabona Zinamatizyo ezi kazitalika, ikuti na Leza uyo Zi jula kuli ndiswe. Amuyeeye, Walo alikke ngu konzya kucicita. Tu yaamina kuli Nguwe. Leza amu longezye.

⁴³⁷ Elyo lino Nda yeeyela kuti mweembeli wesu ulaba a ijwi kuli ndinywe, lya kwaamba; na kuli nguwe kwaamba, mubwini, kuli—kuli ndinywe, katutana swaangana lubo masikati aya. Elyo Ndi yeeya kuti kuswaangana kuyo... I kuswaangana kwa nyimbo a sikisi theeti, mweembeli? Elyo nku... [Mukwesu Neville waamba, “Kutalika a sikisi theeti.”—Mul.] Sikisi theeti. Elyo nku... [“Zitendele zifulwa asikisi.”] I zitendele zifulwa a sikisi. Kuswaangana kwa nyimbo kuyo talika a sikisi theeti.

⁴³⁸ Elyo Mwami nawayanda, Ndino kanana, sunumasiku, a ciiyo ca Bbuku lya Zinamatizyo zili Ciloba. Elyo mpawo, Muvulo masiku, sikutanta mbizi iituba. Bwabili masiku... I sikutanta mbizi iisiya, Bwatatu masiku. Mbizi isiyuka, mbizi itubuka. Elyo sikutanta mbizi isubila. Elyo mpawo kunjila muli cacisambomwe... cane, casanu, a cacisambomwe, elyo mpawo Munondo masiku. Munondo mutobela cifumo, ambweni kuswaangana kwa kuponesegwa. Ta ndizi.

⁴³⁹ Lino amuyeeye, tuli tuulidwe ku Mwami, lwesu a mbungano, ku mulimo wa Leza. Leza amu longezye.

⁴⁴⁰ Ndi—Ndili mukide kwa oora lyomwe. Sa mula ndijatila? [Mbunga yaamba, “Ameni.”—Mul.] Nse—Nse citi, mwabona, Nse yandi kucita ceeco. Pele, mwabona, Ndi—Ndiyo oba buyo andinywe mvwiki eyi, mpawo Ndiyo unka alubo. Elyo Ta ndizi Nkwe unka; kufumbwa buyo Nkwa ndisololela. Elyo Ndi yanda ku bikka miniti yoonse Nje konzya, nkaambo Ndi yanda kuyo kkala a ndinywe Butamani.

Leza amu longezye. Lino, Mukwesu Neville.



LEZA KALISISA MWINI MU BUUBAUBA, MPAWO
KALIYUBUNUNA MWINI MULI MBUBONYA TNG63-0317M
(God Hiding Himself In Simplicity, Then Revealing Himself In The Same)
MATOBELANWA AA CIYUBUNUZO CA ZINAMATIZYO ZILI CLOBA

Oyu Mulumbe aa Mukwesu William Marrion Branham, wakakambaukwa lutaanzi mu Chikuwa mu Nsondo kuseeni, Miyoba 17, 1963, ku Branham Tabernacle mu Jeffersonville, Indiana, U.S.A., wa kagu sigwa kuzwa ku rekordi yamagnetiki teepu a kulembwa cakutagwisyacintu mu Chikuwa. Obo busanduluzi bwamu Chitonga bwa kalembwa a kumwaisigwa aa Voice Of God Recordings.

CHITONGA

©2020 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Kuzibya Kwa Nguzu Zyakkopi

Nguzu zyoonse zilitamininidwe. Eli bbuku inga lyalembwa ku purinta yaku ng'anda ku kubelesya kwamuntu na kuvozegwa, kakutakwe kubbadelesya, mbuli cibelesyo ca kumwaisya Makani mabotu aa Jesu Kristo. Eli bbuku talikonzyi kusambalwa, kulembululwa muciiimo cipati, kubikwa aa webbusaiti, kuyabolwa mu ciyanza cakujokolosya, kusandululwa mu misyobo iimbi, na kubelesegwa kulomba lugwasyo lwa mali kakutakwe kuzumizigwa kulembedwe kwabumboni aa Voice Of God Recordings®.

Ku makani aamba na cakubelesya cimbi ciliko, walombwa kukwaba ku:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org